

# LEODEGARI II

*A QVERCV* PRAE-

LECTIONVM ET P.OE-

*matum Liber.*



P A R I S I I S,

*Apud Thomam Richardum, sub Bibliis au-*  
*reis, ex aduerso Collegij Remensis.*

I 5 4 9.

# Ad ampliff. virum

D. G V I L E L M V M A

Prato episcopum Claro-  
montanum.

*Vnum præ cunctis quòd te demirer, amenq̃;  
Vni præ cunctis has sacro primitias:  
Quas si pro cunctis vnus mireris, amesq̃ue,  
Vni pro cunctis posse placere sat est.  
Quanquã non vni, sed cūctis (fortè) placebo:  
Nam cunctis vnus (vir memorãde) places.*

## ἈΦΩΝΙΣΜΟΝ.

Τοῦτον ἐπὶ χορὸν ἔρχον ὁμῶς, ὅτι γὰρ θαμβεῖς;  
Εἵνεκεν εὐπρεπίης, εἵνεκεν εὐτεπίης.  
Θαύμαζες πλείον αὐτὸν καὶ ἰδὼν τινῶν (οἷά περ ἄλλοι  
Τοπρίν) ΔΡΥΝ αὐτὸν μελπομένην λιγυρῶς.  
Ἐπρεπὶ τοιαύτῳ τινὶ ΔΡΥΝ ποτὶ, ὥδε λαλῶ (αὐ  
Θνητοῖς ἀθανάτου γένμα λείγαν Κρονίδου.

# Præfatio qua Leode- GARIVS A QVERCV

vsus est quum aggrediretur interpre-  
tationem. L. Cùm in longi. C. de  
præscr. long. tēp. 10. vel 20. ann.

in publico Iuris Ciuilis

Auditorio Tolosa-

nc. XII. Calend.

April. 1548.



*Exploratum est omnibus  
qui paulò magis in histo-  
ria naturali versati sunt  
(Auditores optatissimi)  
eam elephantibus ingeni-  
tam pietatem, vt si quos  
homines deuios conspexe-  
rint, statim in viam reducant. Quo exemplo  
moniti Athenienses initio sanxerunt, vt esset  
capitale non monstrare erranti viam. Postea  
verò quàm obserassent longè periculosius es-  
se, animo quàm pedibus labi, ita sedulò prospe-  
xerunt imperitis, vt non fuerit in vniuerso  
terrarum orbe maior bonarum disciplinarum  
officina quàm Athenis. Vbi Grammaticorum*

## LEODEG. A QVERCV

litera, oratorum colores, dialecticorum syllogismi, musicorum toni, arithmeticorum numeri, geometrarum dimensiones, astrologorum motus, medicorum alexipharmata, chirurgorum cataplasmata, Romanorum decemuirales leges, Vbi denique (si triviales artes respexeris) quicquid ad pingendum, sculpendum, fingendum, texendum, tingendum, arandum, edificandum, ac ne singula persequar, quicquid ad humanæ vitæ vel necessitatē, vel voluptatem, vel honestatem, pertineat, natum, educatum, & traditum fuit. Vt autem non mediocre inde laudem Athenæ sunt consequutæ quòd hæc omnia primum inuenerant, ita maiorem Tolosa laudem meretur, quòd ibi alijs inuenta, meliora reddiderit. Si enim conferre libeat Tolosam cum Athenis, nemo futurus est tam parum æquus rerum æstimator, cum iudicet Tolosam Athenis palmam in omnibus præripere: Quandoquidem si initium docendi sumere velim à legibus, certum est neque leges, neque Senatusconsulta Athenis ita scribi potuisse, ut omnes casus qui quandoque inciderent, comprehenderentur. At Tolosa ita docetur ea quæ legibus desunt, ut omnes articuli, & casus singillatim tradantur, verique intellectus ex ipsa



Iuris medulla eruantur: quæ tanti esse momen-  
 ti constat; ut sine illis leges non magis suffici-  
 ant, quàm illa sine legibus: Per eos autem pro-  
 fessores exponuntur qui virtute, gravitate au-  
 thoritate, consilio, prudentia, peritiâque non  
 modò iuris utriusque, sed etiam omnium ar-  
 tium, sic excellunt, ut si funditus interirent le-  
 ges, melius ab illis ex integro scribi possint,  
 quàm ab antiquis legum latoribus. Nec dubito  
 quin si per ea floruissent tempora quum Roma  
 norum publica auctoritate missi sunt in Græ-  
 ciam legati ut duodecim tabulas conscriberet,  
 non Athenas, sed Tolosam ad nostros Iuriscon-  
 sultos peruentum esset. Aut si non nostro, sed  
 Imperatoris Iustiniani seculo nasci illis conti-  
 gisset, nemini dubium est quin contemptis Tri-  
 boniano, Theophilo & Dorotheo, in consilium  
 adhibiturus fuerit Tolosanos Iurisconsultos pã-  
 dectis architectandis. Quod si esset factum (dij  
 immortales) quis non videt vsuros fuisse ea di-  
 ligetia, & fide, ut nihil simile, nihil repugnãs,  
 nihil contrarium, nihil truncum, nihil muti-  
 lum, nihil nimium, nihil parum, nihil quod nõ  
 in quadrum & numerum rede gissent? Quid  
 verò de iuris pontificij doctoribus dicam? esse  
 illos ornamento Tolosæ? an Tolosam ornamen-

# LEODEG. A QVERCV

to illis? Equidem fateor ornari lectores, Urbis  
 celebritate: sed Urbem celebriore reddi per di-  
 sertos lectores. Quoad autem longissime potest  
 mens mea respicere, nullos vel vidi, vel audi-  
 ui (pace superiorum dixerim) magis facundos  
 presentibus, magis faciles, magis solertes, ma-  
 gis in officio. Itaque huc tanquam ad mercatu-  
 ram legum, undique confluunt tot auditorum  
 millia dicam? an myriades? myriadum millia  
 si dixero, vix videbor quod satis est dixisse. Ut  
 quum nusquam gentium ampliora putetur au-  
 ditoria hisce tribus Tolosanis, tamen sue fre-  
 quentie adeo capacia non sunt, ut ne dimidij  
 dimidium continere queant. Sed qualium au-  
 ditorum (deos obsecro) hæc frequentia? Stupi-  
 dorumne & plumbeorum? Imò adeo erudito-  
 rum, ut cum vnus instar septingentorum ha-  
 beri debeat, vno contentus lector esse possit, ut  
 Aristotele Plato, aut Platone Antimachus.  
 Veruntamen quis me putet assentari quod in  
 os laudem, conuertam orationem à legum stu-  
 diosis, & professoribus, ad magistratus qui le-  
 gibus præficiuntur, intelligo Præsides & Sena-  
 tores: cum quibus si contulerim Athenienses  
 Areopagitas, quis non videat perinde sim fa-  
 cturus ac olim Virgilianus Tytirus, Qui cani-

bus catulos similes, qui matribus hædos norat,  
 qui parvis componere magna solebat? Areopa-  
 gitis animus ita pusillus fuit, ut noctu iudica-  
 rent, & exordiis atque perorationibus interdi-  
 cerent, ne vel affectibus, vel reorum lachry-  
 mis flecterentur: Tolosanis ea fortitudo, ut nec  
 meridiana luce ullis motibus perturbetur: A-  
 reopagitis ea lenitas, ut quod vno die suasset  
 Demosthenes, idem altero dissuaderet: Tolosa-  
 nis ea constantia, ut ne Pytho quidem à sentē-  
 tia deducere possit. Areopagitis ea mollities,  
 ut meretrix Phrine nudatis papillis, iudicij flā-  
 mas effugerit: Tolosanis ea severitas, ut nō ma-  
 gis pulchritudine moneatur, quàm Aphrica-  
 nus superior tempestiva, formosaque virgine,  
 quam bello captam, patri inuiolatam reddidit.  
 Sciūt enim Tolosani (quod à Salustio proditū  
 est) omnes homines qui de rebus dubiis cōsul-  
 tant, ab odio, amicitia, ira, atque misericordia,  
 vacuos esse oportere. In quorum ego laudes pe-  
 nitius non ingrediar, quòd semel ingressō, diffi-  
 ciliior exitus inde mihi daretur quàm à Deda-  
 leo Labyrintho: Neq; mehercule laboris minus  
 insumeretur in legū (quas administrāt) præco-  
 nio: quas ut pro dignitate cōmendare tā facile  
 possem, quàm alacriter cuperē, non esset satis,

# LEODEG. A QVERCV

cētum mihi poscere Voces, centum ora & lin-  
 guas : sed me totum uerti in linguam, & eam  
 Mercurij, vos autem totos in aures, & eas Co-  
 riceorum: Nec tamen vos, audiendo, nec ego di-  
 cendo sufficeremus. Quæ enim tam diuina vis  
 ingenij possit existere, qua quisquam laudes cō-  
 prehendat Iurisprudentiæ ? Cui vni omnia  
 insunt quæ omnibus artibus ascribi solent?  
 Theologia nos edocet pietatem in Deum, iusti-  
 tiam in homines, Iuris sapientia præcipit hone-  
 stè viuere, alterum nō ledere, suum cuique tri-  
 buere: Philosophia, rerum diuinarū & huma-  
 narum vim, naturam, & causas, se tradere glo-  
 riatur. Iuris sapientia est diuinarum atque hu-  
 manarum rerum notitia : iusti, atque iniusti  
 scientia : Medicina morbis medetur, Iuris sa-  
 pientia litibus (quanquam authore Hippocra-  
 te natura plerunque sola sine medico morbos  
 profligat, lites nullus sine Iurisperito) Geome-  
 tria fines metitur, Iuris sapientia fines regit.  
 Musica, vocum quadam symphonia, corporis  
 aures titillat, Iuris sapientia suauitate oratio-  
 nis, in qua grauitas scientiarum cum pondere  
 Verborum certat, totum animum permulcet,  
 Arithmetica supputandi rationem præstat: Iu-  
 ris sapientia assẽm in vncias diuidit, hæredi-

tatem in partem distribuit, legata in frustula  
 partitur. Et profectò nihil esset quod ad calcu-  
 lum reuocaremus, aut cuiquam legaremus, ni-  
 si Iuris sapientia doceret ab alienis mentes &  
 manus abstinere: Dialectica, Rhetorica, Grä-  
 matica, quòd non tam sint artes quàm artium  
 instrumenta, non minus erubescerent confer-  
 ri cum Iuris sapientia, quàm loquaces picæ cū  
 Philomela. Huic igitur artium principi fasces  
 submitunt, & dominam fatētur: Petite hinc  
 iuuenēsque senēsque finem animo certum, mi-  
 serisq̃ue viatica canis, & sinite philosophos æ-  
 groti veteris meditari somnia, gigni de nihilo  
 nihil, in nihilum nil posse reuerti. Relinquire  
 medicis suas matellas, Geometris circinū, A-  
 rithmeticis puluerem, Musicis nannas, Diale-  
 cticis meandros, Rhetoribus fucos, Poëtis ger-  
 ras, Grammaticulis alphabetum: & hanc Iu-  
 ris sapientiam ambabus vlnis amplexamini,  
 Vt fœliciter decurso legum stadio, tandē Rei-  
 publicæ clauum princeps vobis committat, &  
 tanto sublimiorē honoris gradum conscenda-  
 tis, quanto Iuris sapientia reliquis disciplinis  
 eminentior iudicatur, secus si fiat, viderote ne  
 fœdum sit mansisse diu, vacuósque redisse, de-  
 decorantes professorum auctoritatem, & vr-



## LEODEG. A QVERCV

bis Tolosana, quæ legum mater semper habita  
 fuit. Quæmobrem quis Tolosam nõ amet? non  
 miretur? non efferat in cœlum laudibus? apud  
 quam omnia, quæ ad linguam poliendam, ani-  
 mum moribus ornandum, familiam regendam,  
 Rempub. administrandam, in summa, omnia  
 quæ ad vsus vitæ varios spectent, abundè sup-  
 peditentur? iudico equidem, & verè forsan iu-  
 dico, vel esse falsum, vt Ennius somniando fa-  
 ctus sit poëta, vel esse verum, vt vigilando To-  
 losæ, fiant statim legum periti. Vt enim vestes  
 quæ cupressino armario aliquandiu continen-  
 tur, cupressum olent, sic qui Tolosa (fragran-  
 tissimo legum sacrario) pauculis diebus clau-  
 duntur, odore legum solent perfundi. Fitque i-  
 deo vt auditores Tolosani, doctrina vincant  
 aliarum ciuitatum professores. Itaque tam im-  
 pudenter facere videri possim qui docèdi pro-  
 uinciam apud vos suscipio, quàm stultè in fabu-  
 lis Amphiaraus, qui prudens & sciens in The-  
 banum bellum profectus est, in quo sibi pereun-  
 dum, oraculo didicerat. Quanam igitur re im-  
 pelli ad hoc munus me dicam? amicorum pre-  
 cibus? at id excusationibus tritum, & procul-  
 catum: Aliorum exemplo? quasi non me pa-  
 tiantur dormire Milciadum trophæa? inuidio-

sum: cupiditate laudis? superbum: cæco furo-  
re? inconsideratum: fiducia doctrinæ? ineptum:  
Vestra facilitate? id quidem vnum: Omnis e-  
nim spes oneris ferendi in vestra sita est comi-  
tate, quando annis iam quatuor sum expertus  
vos solitos Neoptolemis conuiuere. Itaque cum  
huius authoritatem loci contingere statuerem,  
non tam quid, & quomodo, quàm apud quos  
dicturus essem cogitavi: Nec tamen tum eram  
nescius oportere inesse lectoribus facundiam  
dicendi, copiamque disserendi, illis potissimum  
qui Iurisprudentiam audent profiteri, quam  
M. Tullius disertam eloquentiam vocat, quòd  
sine luce verborum esse nequeat, neque rerum  
suarum pondera efferre, siue in foro versetur,  
siue in scholis tradatur, siue scripto propona-  
tur. Sed in eam partem meos conatus accipi ve-  
lim, vt cum minus prouectis studia venerim  
communicatum, non vt doctos (quasi delphi-  
nos natate) doceam. Ac si quis obiecerit es-  
se indignum gravitate huius legalis theatri  
non facere omnia graviter, & ornatè, ea-  
que causa me, meique similes gerrones, sibi-  
lis explodendos: idem illi respondebo quod  
Ismenias discipulis, non solum audiendos

eos tibicines qui optimè canerent, sed etiam  
 eos qui pessimè, vt intelligatur hoc modo can-  
 endum, illo modo non canendum: Sic ego  
 (quandiu loquar) æquo animo sum audiendus,  
 vel vt exemplo meo debilitati tyrunculi nun-  
 quam huc prodeant nisi paratiores, vel vt bal-  
 bi balbum rectius assequantur, vel vt orna-  
 tissimis aliis professoribus comparatus, eorum  
 præstantiam, præstantiorem monstrem, mo-  
 re vilium edulliorum quæ collata lautitiis lau-  
 tiores haberi faciunt. Quum igitur non mea,  
 sed studiosorum causa prodierim, studiosos eni-  
 xè precor ne dum prodesse conor, mihi noce-  
 ant: ne vt tam feros, aut ferreos se præsent,  
 vt reprehensione potius quàm venia me di-  
 gnum putent, quòd huic honesto labori, nõ se-  
 gnitiei me dediderim: in quo negotio si eū cur-  
 sum non teneant, quam desiderant, & eorum  
 purgatas aures non satis expleam, meminerint  
 idem in animi quod in corporis conuiuio faci-  
 undum: tres ibi conuiuæ si dissentire videntur,  
 poscentes vario multum diuersa palato, nemo  
 tamen tam impudens est vt despuat in cibos  
 quos negligit: sed prætereat si quid non facit ad  
 stomachum. Ita si cui non arrideat meus cona-



tus, sine molestia recedat, adturus operam do-  
 etiori, & me amiculis relinquat, quibus omnē  
 meam (quantulamcūque) operam ita polliceor,  
 & defero, ut nihil sit tam difficile futurum,  
 quod eorum causa susceptum, mihi incundum  
 non videatur.

D I X I.

Deo gloria, & gratia.

LEODEG. A QVERCV  
Præfatiuncula Leo-  
DEGARII A QVER-  
cu in Institutiones ciuiles, quas  
Lutetiæ professus  
est.



Xistimaui semper cum M. Ci-  
cerone (auditores) nullam esse  
rem, qua nostris ciuibus prodes-  
se magis possimus, quàm si opti-  
marum artium vias, illis trada-  
mus: propterea quòd artibus alios anteire tantò  
laudabilius iudicetur, quantò artes pecuniis  
præponderant. Verùm vt sit honestũ profice-  
re quàm plurimis, tamen proficiendo placere,  
non est perinde vsitatum, præsertim apud tan-  
tam frequentiam, quantam nunc intueor. Vt  
enim in cibis alius alio delectatur, sic in traden-  
dis disciplinis, alius professorem barbarum, a-  
lius eloquentem quærit. At cùm tu facundè di-  
xeris, rudes non intelligent: cum ruditer, facun-  
diæ studiosi nauseabunt: Quum verò textum  
sine allegationum ostentatione interpretabe-  
ris, & ex eo medullam, quasi ex herbis succum  
exprimes, erunt qui te pauca legisse opinẽtur,

& allegationum plaustra desiderent: Sin te ad  
 lectionis pompam componas, Videberis non tã  
 auditorum commodo, quàm tuæ laudi seruire:  
 Itaque si probari velis, & eorum intueri vo-  
 luntatem qui audiunt, ad eamq; & eorum ar-  
 bitrium te fingere, necesse est vt eodem tempo-  
 ris articulo, & ornatè, & sine ornatu loqua-  
 ris, adducas testimonia, & testimoniis abstine-  
 as. Quæ quum facilia factu nō sint, putavi ini-  
 tio non satis consideratè me facturum, si huc  
 prodirem: atque vt ita putarem, aliæ quoque  
 rationes impellebant: Videbam more maiorū  
 ita esse comparatum, vt qui corporibus curan-  
 dis malè suo officio functus esset, lege Aquilia  
 teneretur: Nam licet medico imputari euentus  
 mortalitatis non soleat, tamen quia imperitia,  
 culpæ annumeratur, non est æquum vt præ-  
 textu humanæ fragilitatis delictū maneat im-  
 punitum. Sed enim, cū animus dignitate cor-  
 pus antevertat, (ille enim cum diis, hoc cum  
 beluis nobis commune est, illius imperio, huius  
 seruitio magis vtimur) timebam ne grauius in  
 me quàm in corporum medicos, insurgeretur,  
 si animis non sat disertè mederer: Videbam de-  
 inde esse in hac ciuitate (quæ domicilium est  
 imperij & consilij, quæ est officina virtutis et

## LEODEG. A QVERCV

*literarum) peritissimos iuris Vtriusque, à quibus diligentius, quàm à me inuentur rudiores. Quid enim aliud à Quercu expectetur præter rusticas glandes? Contrà, quid non præstent iuris consulti Lutetiani, quibus nihil est ignoratum? Eapropter hoc periculosæ plenum opus aleæ totum illis reliqueram: non ignarus quanta esset rei magnitudo, quam susciperem, quantum Lutetiæ nomen, quantus auditorum concursus, quantum ingenium, quanta expectatio de illis qui lecturi prodeunt, quanta peritia eorum, qui adhuc prodierunt. Quòd si vt in syluis tubera, fungi, & boleti quercubus assidēt, ita mihi stipites & caudices astarent, possem videri perquam doctus, sed Lutetiæ, vbi & suggestus, & plutei, & parietes literas norūt, vix alio in numero, quàm inter gregarios haberi queam. Cæterum, cùm alia ex parte mecum cogitarem, solere vsuuenire, vt quantò quisq; nominatior sit, tantò magis abhorreat ab Institutionum professione, propterea quòd metuat, ne ad nuces redire videatur, aut si quando interpretetur, faciat negligentius, quòd sit contentus parua iam laude. Ille autem, cuius fama in obscuro iacet, contendat remis & equis vt accuratè legendo, nominis gloriam sibi cõparet,*

suis autem germanum intellectum: putavi mea  
 rum esse partium, ut quum Cadurci, Pande-  
 ctas, Tolosæ codicem viris externis legerim,  
 nunc Lutetiæ civiles institutiones amicis expo-  
 nam, qui nullos progressus in iure fecerint. Sa-  
 tis enim non est, quod paruulis olim lac poëseos  
 & Rhetorices, annis quatuordecim dederim,  
 nisi adultis, nequando consulere intermittam,  
 solidiorem cibū, hoc est, iuris perdices & pha-  
 sianos suggeram: Id quod sum facturus ideo li-  
 bentius, quod literæ humaniores sine iuris co-  
 gnitione perfectè teneri nequeant. Quis enim  
 Cic. Topica, dialogos de Legibus, de Oratore ad  
 Q. fratrem, Officia, Epistolas, ad Trebatium,  
 & Atticum, Actiones in Verrem, Orationes  
 pro Cecinna, pro Quintio, pro Cluentio, atque  
 adeò reliquas, quæ Legibus scatent. Quis (in-  
 quam) nisi legum peritus intelligat? Quis tot  
 ex iure desumptos locos Terentij, Horatij, Iu-  
 uenalis, aliorumque notæ melioris authorū as-  
 sequatur, nisi in iure versatus? Ac ne meo po-  
 tius quàm Cic. iudicio credatis legum peritiam  
 esse oratori necessariam, audite quid vir tan-  
 tus scripserit, dum oratorem informaret. Per-  
 discendum ius civile, cognoscendæ leges, perci-  
 piendæ omnis antiquitas, senatoria consuetudo

disciplina Reipub. iura sociorum, fœdera, pactiones, causa imperij cognoscenda est. Quarum rerum quum essent inscijs Hypseus & Octavius oratores, à Cicerone sic notantur. Quid enim hoc fieri turpius, aut dici potest, quam eum qui hanc personam suscepit, ut amicorum controuersias, causasque tueatur, laborantibus succurrat, ægris medeatur, afflictos excitet, hunc in minimis, tenuissimisque rebus, ita labi, ut aliis miserandus, aliis irridendus videatur? Nam volitare in foro, hæere in iure, ac prætorum tribunalibus, iudicia priuata magnarum rerum obire, in quibus sæpe non de facto, sed de æquitate ac iure certetur, iactare se in causis cœtumirialibus, in quibus vsucapionum, tutelarum, gentilitatum, agnationum, alluionum, circumluionum, nexorum, Mancipiorum, parietum, luminum, stillicidiorum, testamentorum ruptorum aut ratorum, cæterarumque rerum innumerabilium iura versentur, cum omnino quid suum, quid alienum, quare denique ciuis an peregrinus, seruus an liber quispiam sit, ignoret, insignis est impudentiæ. His de causis (Auditores) velim esse vobis author, ut elaboretis in iure, cuius cognitio si esset magna ac difficilis, tamen vtilitatis magnitudo debe-



ret vos ad suscipiendum discendi laborem impellere, quando nulli studio maiora proposita sunt præmia, vel ad gratiam, vel ad opes, vel ad dignitatem: Neque id immeritò, cùm lex (authore Demosthene) sit inuentio quædam & donum dei, decretum sapientum, correctio peccatorum, ciuitatis compositio, secundũ quã omnes decet viuere, qui in ciuitate sunt. Itaque Heracletus pro lege non minus quàm pro moribus pugnandum iudicauit: quoniam sine moribus esse incolumis ciuitas potest, sine lege non potest, quæ est vinculum dignitatis, qua fruimur in Repub. fundamentum libertatis, fons æquitatis, mens & animus & sententia ciuitatis. Vnde factum est, vt apud Locros, qui legem abrogare vellet, laqueo circumducto collo id facere oporteret, vt si visum esset abrogationem fieri, liberaretur: sin minus, statim contracto laqueo strangularetur, vt is qui iniuriam facere ausus esset, legislatori, & legi receptæ olim publico omnium consensu: videbant enim Locri, si nec moribus nec legibus regerentur, fore vt beluarum ritu viuerent, nec plus haberent inter se tranquillitatis quàm beluæ, vt quantò quis viribus magis polleret, tantò plus in tenues haberet potestatis, non domus, non con-

# LEODEG. A QVERCV

iux, non liberi, non vita, non denique quidquā  
 in tutō esset: nutu enim & auctoritate legis do-  
 cemur domitas habere libidines, coërcere cupi-  
 ditates, nostra tueri, ab alienis mentes, & ma-  
 nus, & oculos, abstinere: O igitur vī legis ma-  
 iorem quā eloquentiā, O peritiā iuris vti-  
 liorem quā poëseos: Vtinam eius suauitatem  
 iam tū potuissē odorari, quū quietem studiis  
 humanitatis impetraui: Sed quoniam passim  
 audiebam disciplinam medēdi valde facere ad  
 farinas & ad iucunditatē vitæ, quid enim v-  
 tilius quā corporis curandi peritiā habere  
 proptam & expeditam? quid iucundius quā  
 naturæ causas cognoscere? Ideo in medicinam  
 incubui menses vndeiginti: deinde (vt est ho-  
 minū ingenium versatile, & cupidū & propē  
 inexplebile: Inuasit me noua cupiditas voluen-  
 darum etiā Pandectarum: in quibus ego cū vi-  
 derem tantam rerum scientiam, tantā verbo-  
 rum elegantiam, tantam sententiarū gravita-  
 tem, dī immortales, vt me piguit aliorum stu-  
 diorum, vt me puduit ætatis infœliciter tradu-  
 ctæ in poëtarum fabulis, oratorum lenociniis,  
 medicorū vrticis? Vt cū Corydone statim ex-  
 clamaui: Eheu quid volui misero mihi? floribus  
 austrum perditus, & liquidis immisi fontibus



apros? Equidem vt post aromatarium vinum,  
vulgare videtur acidum, vt post placentas  
& bellaria, panis nihil ad palatū facit, ita post  
amœnitatē sanctissimarum legū ciuiliū, reli  
quæ artes mihi foetere cœperunt: Itaque (audito  
res) si bonum est aliena frui in sania, facite nūc  
periculum ex me, quod vobis ex vsu fiet. Leges  
ediscite, quæ adulescentes delectant, viros nobi  
litant, senes à solitudine vendicant, pauperes  
locupletant, priuatos magistratibus ornāt, vir  
tutibus præmia largiuntur, vitiis pœnas infli  
gunt, pacem conciliant, denique sub quarū au  
thoritate suæ cuique res, & vita in tuto cōser  
uantur: In his vestrum sit otium, vestrum ne  
gotium, vestra quies, vester labor, vester so  
mnus, vestræ vigiliæ. Quod si erit à vobis fa  
ctum, adeò facti non pœnitebit, vt aliquando  
dicturi sitis, nulla in re vestrā industriam po  
tuisse vtilius collocari, cū sentietis paruos la  
bores magnis præmiis compensari.

D I X I.

Deo gloria, & gratia.

b ij

LEODEG. A QVERCV

# Leodegarii à Quer-

CV ORATIVNCVLA QVA

est vsus quum pandectarũ interpreta-  
tionem aggrediretur Lutetiæ.



*M*agna plenum pruden-  
tia (auditores) illud cen-  
setur Varronis consili-  
um, vt priusquam a-  
gro colendo quis operã  
sumat, diligenter consi-  
deret quàm pinguis tel-  
lus, quàm ferax, quàm non obsita vepribus,  
quàm apta ad sementem, ne frustra sudet, in  
exercẽdo sterili solo. Qua decet omnes vti pru-  
dentia qui literas profitentur, ne operis inter-  
pretationẽ antè suscipiãt, quàm expenderint,  
quid inde frugis decerpi possit: ne & suo nomi-  
ni parũ consulãt, & suis auditoribus non satis  
profint: est enim insaniæ proximum, attingere  
rẽ quæ nostris studiis nihil fœneret. Ea de cau-  
sa cum à Cicerone didicissem, ius ciuile su pera-  
re authoritatis pondere, & vtilitatis vberta-  
te bibliothecas omnium philosophorum, adieci  
animum ad exponendas Pandectas, vt ex illis

tanquam ex *Amalthææ* cornu vobis omnia  
 suppeterent. Si enim poetarum propriū est de-  
 lectare, delectabunt *Pandeetæ*, quæ poetarum  
 suauibus versibus scatent: Si oratorum dicendi  
 copia linguas perpolit, magno vsui sunt futu-  
 ræ *Pandeetæ*, quæ ita eleganter scriptæ sunt,  
 vt addubites vtrum plus verba rebus, an res  
 plus verbis debeant: Si philosophorum diuinæ  
 sententiæ mores componunt, ad illos valent  
*Pandeetæ*, cum ex philosophorum placitis sint  
 conflata: itaque omne ferunt punctum, quia  
 miscent vtile dulci. Vnde si *Romani* quondā  
 Senatores decreuerūt, vt ex principum filiis,  
 sex singulis *Hetruriæ* populis traderentur ad  
 ediscendam rerum fortuitarum prædictionē,  
 quæ vana est, cur ex hac nobili ciuitate, quæ  
 heroica parit ingenia, non turmatim euolant  
 ad leges ciuiles, quæ ab omnibus intelligi de-  
 bent, vt earum præscripto cognito vel prohibi-  
 ta declinent, vel concessa sectentur? vt intelli-  
 gant cuius muneris colendi, efficiendique cau-  
 sa nati & in lucē editi simus, vt sciant quan-  
 tam vim optimarum rerum habeat ius, quod  
 est ars boni & æqui, aut potius mens æterni &  
 omnia regentis dei? Sanè aliud rationis esse nō  
 puto, quàm quòd neque oculis pulchritudinem,

## LEODEG. A QVERCV

neque animo vtilitatē legum contemplantur: tum enim adeò mirabilem sui amorem excitarent, vt non secus ac lathos arbor in *Aphrica* suauitate fructus aduenas retinet, ita qui semel gustarent legū condimenta nō possent ad alias disciplinas auocari. Etenim *Tolose*, *Cadurci*, *Valentia*, *Aurelia*, *Pictauij*, *Biturigibus*, atq; adeò reliquis in vrbibus vbi iura loquūtur, reliquæ artes silent, *Lutetia* autem vbi omnes artes (quæ sunt homine libero dignæ) magnificè traduntur, legibus ideo locus non est quòd aduentu legum oporteret omnes legibus cedere: Vt enim sol radiis stellas obnubit, ita iurisperdientia suo fulgore, artium luminibus obstruit: Vt iam non sit mirum eadem inuidia ius *Lutetia* exulare, qua olim *Hermodorum Epheso*, quòd laudem omnibus præriperet. Verūtamen quando hoc vnum sensi deesse *Lutetia* (vt sit omni laude cumulata) quòd iuris ciuilibis professores non habeat, surrexi potissimum ad docendum, non ea quidem arrogantia vt his qui tacent me anteferā consilio & doctrina, sed quòd tacentibus omnibus oportebat negotiū ab aliquo suscipi, qui prudentiā à se desiderari mallet, quàm erga studia beneuolentiam: auguror enim (nec forsā fallet auguriū) permultis, &

iis valde peritis, me fenestram aperturum, qui  
 emulatione mei non secus moveantur quàm o-  
 lim Aristoteles Isocratis schola, ut sibi turpe  
 putent silere, me verò pati loqui. Quod ubi cō-  
 rigisse videro adeò dolenter nō feram, ut omni-  
 bus latitiis tum sim letus faturus. Quid enim  
 mihi iucundius quàm ut leges quæ in barbaris  
 ciuitatibus exulant, vocentur Lutetiam, quæ  
 tantum alias inter caput extulit vrbes, quan-  
 tum lenta solent inter viburna cupressi? Quid  
 optatius quàm ut sine artium liberaliū iactura,  
 sit hīc suus legibus locus? Quæ res ob vrbis  
 amplitudinem nunc facilius quàm initio fieri  
 posse putanda est. Enimuerò si non adimit a-  
 pud antipodis syderibus lumē sol cū superas  
 collustrat lampade terras, in eundem modum  
 non officiet aliis disciplinis ius ciuile, si hoc in  
 vna, illæ in alia vrbis parte tradatur. Ad iu-  
 ris autem cognitionem vos eò vehementius co-  
 hortor, tum quòd turpe sit ignorare quod hone-  
 stum & necessarium est omnibus intelligere,  
 qui & eruditi numerari volunt & in erudito-  
 rum libris nō cæcutire, tum quod Plato (cuius  
 iudicium instar oraculi semper fuit) existima-  
 rit lōgè honoratius alios vincere iuris peritia,  
 quàm palæstra in ludis olympicis: At obiecerit



## LEODEG. A QVERCV

quispian quòd oratorum princeps Demosthe-  
 nes opinaretur laudabilius nihil esse quàm ob-  
 eloquentiam digito mōstrari & dicier hic est:  
 nec non quòd Cicero memoria prodiderit, nihil  
 esse prāstabilius quàm posse dicendo tenere ho-  
 minum cōetus, mentes allicere, voluntates im-  
 pellere quo velis, unde uelis deducere: nihil ad-  
 mirabilius quàm ex infinita multitudine ho-  
 minum existere vnum qui id quod omnibus na-  
 tura sit datum, vel solus, vel cum paucis face-  
 re possit: nihil iucundius oratione grauib; sen-  
 tentiis, & ornatis verbis polita: nihil potētius  
 quàm populi motus, iudicum religiones, sena-  
 tus grauitatem vnius oratione conuerti: deni-  
 que nihil tam necessarium quàm tenere arma,  
 quibus vel tectus esse possis, vel prouocare im-  
 probos, vel te vlciſci laceſſitus, & quo vno  
 homines maximè bestiis prāstent, in hoc homi-  
 nib; ipsis antecellas. Quæ omnia (auditores)  
 & iurisperito inesse, & tamen in grauioribus  
 versari tum intelligetis, vbi rhetorem cum iu-  
 risperito componemus: rhetor (neque enim mi-  
 hi sermo de oratore, qui esse non alius potest  
 quàm iurisperitus) rhetor inquam à pueris in-  
 ludo consulitur, de generibus causarum, de vir-  
 tutibus exordiorum, de differentiis statuum, de

ordinibus partium, de sedibus affectuum, de nomine colorum, & numero figurarum. iuris peritus in Senatu disceptat, aut de suscipiendo bello, aut de fœdere feriendo, aut de paciscendis induciis, aut de pace constituenda, aut denique de negotiis ad Remp. pertinentibus: rhetor eandem sæpius incudem tundens, semper de dicendo dicit, cū id ipsum dicere nunquā sit non ineptum, nisi cum est necessariū: iuris peritus quotidie rebus novis & eisdem arduis adhibetur in consilium: rhetor in angulis, in Umbra, in pulvere, in pistrino de gerris declamitat: iuriconsultus in luce imperij, in foro, in curia, in rostris, in cœtu magnatum, in conuentu principum, in regia monarcharum solet esse rei sententiæq; moderator: denique (vt semel finiam) iuriconsultus in puppi, Reip. clauum tenet, cū rhetor in sentina sedeat. Sed quid ego apud vos eloquentiæ candidatos rhetoricen, quasi apud Actæones Venationem tā parui duco? an quod rhetorices odiū me cœperit? nullū, ita me amēt musæ, neque enim hanc odisse possum, quæ me suo lacte nutrit, sed quod rhetoricandi finem præstitutum esse velim. Itaque (viri eloquentiæ studiosi) educite dictionem ex hac domestica & Umbratili exercitatione in mediū agmē,

## LEODEG. A QVERCV

in arenā, in clamorē, in castra, atq; acie forensem: subite vsum Reip. & sua pueris serperastrā sic relinquite, vt ad vos iam non attineat vtrū pappare minutū poscāt, & mammae irati lallare recusent. Alioqui nunquā opum, nunquam honorum, nūquam famæ immortalis ianua vobis patebit. Quòd si diuitiarū, & honorum gloria fluxa atque fragilis est, virtus clara æternaq; habetur, quæ possit esse virtus maior, quàm vt viduas tuearis, pupillos defendas, innocētes à pœna liberes, sceleratos in crucē agas, rudes formulis instruas, consultoribus hastas ministros, de iure respondeas, & oraculum sis ciuitatis, vnde tanquam à Pythio Apolline populi & principes consiliū expetant suarum rerum incerti, quos tu ope tua ex incertis certos, cōpotēsq; consilij dimittas, vt ne res temerè tractent turbidas? hoc ne magis è re ciuium quàm si grandia tu velles morituri verba Catonis discere? ab insano multum laudanda magistro. Hac ne ex re laudē maiorem meliorēq; consequēris, quàm si consiliū dederis Syllæ priuatus ut altū dormiat? Hortor igitur, & idem enixè precor per communes mihi vobiscū musas, per celebrē hanc urbem, quam artiū artificem omnes mirātur & meritò amant, per in-



risprudentiam, qua nihil vobis esse debet antiquius. deficientes à pedisequis iuris, ad dominā aspirate: cuius connubiū tantæ voluptati, tantæ vtilitati, tanto honori futurum est, vt ne deæ quidem omnes vos perinde beare possint. hæc etenim dat quodcunque regni est, hæc sceptrā Iouemq; conciliat, faciens epulis accumbere diuum. Ob quam rem sic in pretio & apud veteres fuit, & nostris adhuc est tēporibus, vt qui hac potiantur, hi soli sapiant, reliqui velut vmbra vagentur. Nam ignarū esse legum, hæsitantem in maiorum institutis, rudem in iure ciuili, hominis est stupidi, qui nec esse nec videri velit: qui sic currit vt nil comprehendat, qui passim sequitur cornos testaq; lutoq;, securus quò pes cadat, atq; ex tempore viuit, qui cū plebe cōtemptibilis esse mauult, quim ad fastigiū peruenire, quo dignitas senatoria comparatur, itaque omni studio tantisper contendite, dum illam sitis assequuti, vt & Reip. commodo, & parentum iucunditati, & vestræ solidæ laudi, futuræque opulentiæ consulatis.

D I X I.

Deo gloria & gratia.

LEODEG. A QVERCV  
Leodegarii à Quer-  
CV PRÆFATIO IN RE-  
gulas iuris ciuilis quas Lute-  
tiæ professus est.



*Lurima sunt, Viri audito-  
res, quæ bene & sapien-  
ter olim respondisse fer-  
tur Socrates, vix tamen  
quidquã sapientius quàm  
quod ex eo quærebatur,  
cur administrandæ Reip.  
rationem cùm præter ceteros optimè nosset,  
magistratum non gereret? Respondit, vtilio-  
rem esse eum ciuitati, qui multos efficeret gu-  
bernandæ Reipub. idoneos, quàm qui ipse gu-  
bernaret. At idem ab alio rogatus, quid esset  
perquàm difficile? docere (inquit) artem sine  
qua Rempub. nemo debet capeßere. Huius ego  
philosophi vocem vtrunque mecum cogitans,  
non satis video vtrum altera me magis ad ius  
interpretandum vocet, an altera magis ab eo  
labore retrahat. Nam si iuris sapientia non mo-  
do eos ornat penes quos est, sed vniuersam Rẽ-  
pub. pulchrũ est eã docere, quàm discere glorio*

sum. Sin ea tradi non potest nisi ab illis qui & consilio, & prudentia, & memoria, & ingenio, & doctrina, & causarum peritia, & moris cognitione, & rerum usu, & legum scientia valeant, intelligo me in re difficili, atque adeò omnium difficillima versari. Nam ad alias artes discendas veniunt imperiti: & qui illas docent, licet mediocriter elaborarint, tamen cum attentione & benevolentia à suis audiuntur. Ad iuris verò sapientiam qui tyrones accedunt, esse solent & debent in aliis disciplinis veterani, cum ius sine disciplinarum orbe non teneatur: & qui ius audent profiteri, nisi tam bene norint quàm nomen suum, non minori tædio & contèptu videmus audiri quàm si surdi de canticis, aut cæci de coloribus disputarent. Hanc igitur provinciam pauci suscipiunt, aut susceptam vix diebus quinque sustinent, quin aut suos destituant, aut à suis destituantur. Quid ergo? ego ista tenuitate ingenij minore quàm corpusculi par esse possim huic negotio, cui gygantes succumbunt? Equidem ut hoc mihi nō arrogo, ita confirmare ausim nihil esse tã arduum quod labore non assequamur. me autem si cæteri omnes ingenio & doctrina vincunt, forsan diligentia non superât.

## LEODEG. A QVERCV

Quod enim ingenio non possum, sæpe industria perficio. Hac itaque tanquam Sibylla duce templū iuris ingredior, de cuius laude quid magnificentius apud vos dicam, quàm quòd in causa Cecinnæ Tullius? Ius ciuile (inquit) contemnendum qui putat, is vincula reuellit non modo iudiciorum, sed etiam vtilitatis, vitæq; communis. Qui autē interpretes iuris vituperat, si imperitos iuris esse dicit, de hominibus, non de iure ciuili detrahit. Sin peritis non putat obtemperandum, non modò homines lædit, sed leges ac iura labefacit. quod vobis venire in mentem profectò necesse est. Nihil enim in ciuitate tam diligenter, quàm ius ciuile retinendum. Etenim hoc sublato nihil est quare exploratum cuiquā possit esse quid suum, aut quid alienum sit, nihil est quod æquabile inter omnes, atque vnum omnibus esse possit. Mihi credite, maior hæreditas venit vnicuique à iure & legibus, quàm ab iis à quibus bona relicta sunt. Nam vt perueniat ad me fundus testamento alicuius fieri potest, vt retineam quod meum factum sit, sine iure ciuili non potest. Hanc igitur iuris vtilitatem cū Cicero iam à primo ætatis tempore vidisset, ventitabat ad Scænolam, vt præceptis iuris for-

maretur: adultus verò nunquam se ita ad di-  
 cendum dedit, ut ius civile contemneret: sed  
 & Trebatij & aliorum iuriconsultorum in-  
 eundam amicitiam ea de causa putauit, quòd  
 ex rhetorum officinis non satis instructus ad  
 forenses causas sine iuris ope venisset. Ac ne  
 putetis vnicum Ciceronem iuris fuisse studio-  
 sum, replicate temporum memoriam quàm po-  
 testis longissimam, nullus eruditorum reperie-  
 tur ignarus iuris: Quid enim memorem P. Sem-  
 pronium? Quid Attilium? qui à iure sunt ap-  
 pellati sapientes? Quid Scipionem, cui publico  
 sumptu domus in sacra via aedificata est, ut fa-  
 cilius consuli posset? Quid Tiberonem Pan-  
 etij auditorem, qui ob iuris artem consulatu do-  
 natus est? Quid Antistium Labeonem, qui ob-  
 latam ab Augusto eandem dignitatē recusauit?  
 Quid Aelium Sextum, quem Ennius vocat ca-  
 tum & egregiè cordatum? Quid Crassum & Scæ-  
 uolam, quorum alter appellatus est eloquentium iu-  
 risperitissimus, alter iurisperitorum eloquentissi-  
 mus? Quid Seruium Sulpitium, cui populus Ro-  
 manus pro rostris statuam posuit? Quid innu-  
 meros quos & audire vos tæderet, & referre  
 me pigeret? Verum enimvero non est mirum  
 homines claros in præclara & nobili discipli-

## LEODEG. A QVERCV

*na studium posuisse, si superi, iuris se authores  
 haberi pulchrum putarint: qui ne soli re mor-  
 talibus necessaria fruerentur, participes nos hu-  
 ius esse voluerūt. Nā & Saturnus Charondæ  
 ius dono dedit, Iupiter Minoi, Phœbus Lycur-  
 go, Minerva Soloni, Mercurius Trismegisto,  
 Vesta Zalmoxi, Oromasis Zoroasti, AEgeria  
 Numæ. Hoc igitur deorū munus quis non ve-  
 neretur? quis non adoret? quis non secum perfe-  
 rat, & memori semper sub pectore seruet? Vel  
 ob eorum gratam recordationem à quibus ac-  
 cepimus, vel ob commoda quæ inde manant?  
 Quid enim regibus largitur diadema? princi-  
 pibus auctoritatē? magistratibus fasces? iudi-  
 cibus gladium? dominis in seruos potestatem?  
 seruis libertatem? supplicibus opem? calamito-  
 sis salutem? denique quid omnibus omnia? Ius  
 ciuile. Itaque in hominibus nulla gens est tam  
 immansueta, aut fera, quæ iuri nō obtemperet.  
 At (dixeris) Populus Romanus annis ab Vr-  
 be condita trecentis sine iure & legibus vi-  
 xit: imò verò Romuleis & Curiatīs tantisper  
 est vsus, dum ius decemuirale ab externis pe-  
 teretur. Curtam serò? quòd assiduus flagraret  
 bellis, quorum strepitus non permisisset au-  
 diri vocem legum: illis autem compositis, pri-*



ma res curæ fuit, ut legibus Respublica fundaretur, ita quidem sanctis, ut nostra adhuc memoria passim omnes utantur, nondum inuentis melioribus. Sæpe Respublicæ facies immutata est, sæpe viuendi ratio, sæpe loquendi modus, nunquam tamen tot seculis ius potuit immutari: ut cum vicissitudo omnibus in rebus sit iucundissima, in iure non placuerit. Oportet enim ius esse semper idem, cum sit oraculum veritatis, regula negotiorum, amussus vitæ, perpendiculum morum: quo qui caret, fateatur necesse est deesse vnum sibi, quo & pecunia comparari, & comparata seruari, & iucundè ætas traduci, & mores componi, & animus acui, & eruditio perfici, & magistratus haberi, & Respublica gubernari possit. Quæ quum ita sint, existimaui fore e re studiosorum, si letis auguriis Regulæ, & apophthegmata iuris auspicarer, in quibus velut opulentis thesauris omnes legum diuitiæ continentur. Ut autem absconditarum rerum demonstratis & notatis locis, facilis est inuentio: sic quum peruestigare ius voletis, erit ad hos iuris locos & capsulas veniendum. Illic strictim latent omnia, quæ latè per Pandectas diffunduntur.

## LEODEG. A QVERCV

*Quarum diligentes architecti cū viderent Hippocratem medicorum principem breuibus aphorismis comprehendisse vniuersam medendi rationem, de qua plurimis libris disputarat, eius exemplo, quinquaginta libros Pandectarum in nostros iuris aphorismos coniecerunt, vt citò dicta percipiant animi faciles, teneantque fideles: vtque sit paratum locorum communium promptuarium, quod & vna manu teneatur, & vna hora perlegatur. Itaque si mathematici bene de nobis sunt meriti, quum totum orbem, atque etiam orbis vrbes breui tabula oculis subiecerunt, magna gratia Iuriscōsultis habenda est, qui ius vniuersum tam pusillo fasce colligarunt. Ceterum ne quis arbitretur parum honoris habitum Regulis iuris, quòd in vltimum titulum sint reiectæ, intelligat esse ideo factum quòd ex antescryptis sententiis sint excerptæ, vt sint iuris bellaria. Quemadmodum enim structores secundis mensis adponunt tragemata, sic iuriconsultis visum est asseruari oportere nouissimo ferculo, tanquam pemmata, Iuris regulas: quas ita ad palatum facturæ spero, vt nihil vnquam maiori fructu & voluptate vobis gustatum iudicetis. Peto igitur à vobis & vestra causa vos*



oro, ut ad istas scriblitas ita avidos vos præ-  
beatis, ut nihil relinquatur analectorū. quan-  
tò enim maior fuerit ingurgitatio, tantò minor  
capitis grauedo aut ventriculi cruditas sentie-  
tur. In reliquo, ad meas partes quod attinet,  
dabo operam, ut si fauendo adfueritis, vobis  
quoque consulendo non videar defuisse.

D I X I,

Deo gloria & gratia.

c iij

LEODEG. A QVERCV  
Oratio habita Ca-

DVRCI PER LEODE-  
garium à Quercu, cùm publicè de iu-  
re esset responsurus, pridie quàm  
gratuito Doctòratu do-  
naretur.



I iusta olim de causa (pe-  
ritissimi iuris antistites, et  
vos commilitones optatis-  
simi) laudatus est fecisse  
sapienter Hercules, quòd  
nunquam cum duobus cõ-  
grederetur, potero videri parum consideratus,  
vt qui Hercules non sim, audeam cum tot for-  
tissimis, atq; exercitatisimis athletis in arenã  
descendere. Veruntamen si meũ cum illo Her-  
culis factum comparetis, dissimilem vtrius-  
que rationẽ comperietis. Herculi enim cum fe-  
ris, monstris, & portentis certamen fuit, mihi  
res futura est cum hominibus mansuetissimis,  
doctissimisque: Herculi coram nouerca Iuno-  
ne, coram infestissimo rege Euristeo, coram  
immanissima barbarie confligendum, mihi co-

ram serenissimis proceribus, coram optatissima Scæuolarum corona, coram iucundissimo studiosorum conspectu: Herculi corporis viribus, mihi ingenij acumine contendendum. Ille aleam vitæ, ego doctrinæ periculum sum subiturus: Ille non poterat sine discrimine superari, ego verò in hac legali palæstra, si superer, fiet id etiam meo commodo. Nempe quod victo fuerit ignoratum, per victores docebitur, quod subobscurum, per eosdem illustrabitur. Quocirca cum vtilitate tanta vinci, quodammodo vincere est. Vnde non satis sapienter factum videtur à Pliniano sophista, qui quum obiectiunculæ solutionem non attulisset, attulit manus sibi, velut Homerum fecisse memorant Piscatorum enigmate non soluto. Sed neutrius furorem tanti sum æstimaturus, quanti consilium sapientis Socratis, qui quum tot disciplinis, quibus erat instructissimus, musicem quasi colophonem addere vellet, non erubuit ab ancilla doceri. Quin & Theophrastus à Leontio vetula refutatus, erudiri putauit frugiferum. Quod igitur facundo Theophrasto ad frugem pertinuit, mihi esse potest detrimento? Aut quod Socrates in arte proculcata sectatus est,

## LEODEG. A QVERCV

cur in disciplina reconditissima non sit mihi iucundè ferendum? quū præsertim nec ab ancilla nec à vetula, sed à vobis vndecunque doctissimis profecturum sit disceptationis emolumentum? Sanè quidem vti Patroclo longè Honoratius fuit ab inuictò Hectore vinci, quàm si Patroclus sexcentos vicisset Pumiliones, ita quoque si mihi vti Patroclo vinci contingat à vobis legum Hæctoribus, vestris cultris occumbere pulchrius iudicabo, quàm de Pygmeis omnibus triumphare. Porro autem si à quibusdam murmuratum iri videam, quòd velut alter Icarus petam nimium sublimia (nihil enim tam sublime quàm de Iure respondere) ac cauendum à præcipitio, responsum hoc à me ferent, torridum & æstiuum solem facile caratas alas Icari liquefecisse: Istos autem meos soles, vernos esse, & temperatos. Deinde sic statuo, neminem vnquam conspicuum & sublimem futurū, nisi in sublimibus, & inter sublimes. Si enim heroës illi quibus egregij conatus aditum in cælum parauerunt, nihil essent ausi, nihil quoque laudis essent consequuti. Audendum est (inquit poëta) timidi nunquā statuere trophæum. Si nobis patria sublimis, cælum: sublimis pater, Deus: sublimis animus in

sublimi capite: sublimis incessus, sublimis status, sublimis non prona corporis conformatio: quis non intelligat esse nos ad sublimia progenitos? In myricis versetur si quis volet, nihil obstiterim, sed humiles myricas suis opilionibus non inuidebo. Quin potius vel cum periculo experiar, quàm sit hoc verum

Vt desint vires, tamen est laudata voluntas,  
In rebus magnis & voluisse sat est.

Neque me tam debilitabit istius loci amplitudo, ubi tot Labeones, tot Pomponij, tot Vlpiani, tot denique maiorum gentium Iurisconsulti splenduerunt, quàm animum meum inflammabit spes lucis consequendæ: Vt enim à sole lumen luna mutuatur, sic in hoc fulgentissimo suggestu mutuaturum me confido aliquantum eius fulgoris quem quotidiani legum soles, hoc est, splendidissimi professores huc important. Confido insuper fore ut eorum radiis non modò me æglandes maturescant, sed esse vim & naturam loci huius tam efficacem præstare ut possit,

Vt duræ quercus desudent roscida mella.

## LEO DEG. A QVERCV

Si enim insulæ pusillæ Deli, halitus terrenus tantum momenti habuit, vt illo incitatus Apollo ederet oracula: Si Dodonea sylua lebetibus Iouis vim diuinatricem aspirauit, quid hic sacratissimus locus, gratissimusque Ioui, Apollini, Palladi, Musis, Charitibus, Nymphis, diis omnibus, & semideis, quid inquam, eruditio- nis & doctrinæ non afflabit? Mutare potest (si non mentitur Plinius) Polypo pisci colorem locus: Potest & mutare Chamaleonti, vt red dere colorem quemcunque vterque attigerit, queat, & mihi suggestus iste quem tot eximij Protogenes doctrinis eleganter pinxerunt ni- hil dabit minij? nihil lomenti? nihil purpuris- si? Dabit profecto, dabit: efficietque, vt quem in modum gratiores sunt amatoribus puellæ cerusatæ, sic ego disputaturis paulò magis com- mendatus. Quanquam in hisce rebus non futu- rum auxiliij tantundem, quantum in cœlesti illo influxu, quo Mercurius, & literarum præsi- des Musæ suis Cadurcensibus aspirant. Nihil enim apud Cadurcum reperias, quod vim ter- renam redoleat. Omnia cœlum spirant, omnia Mercurium, omnia Mineruam, omnia musas, omnia Apollinem, omnia Charites. Vt non sit absimile veri fluuiolum Cadurcensis ciuitatis,



fontem esse Pegaseium. Eiusdem verò geminos  
 montes, Parnassum bicipitem, ubi nō amplius  
 pœsis (quod Ennio, Hesiodoq; contigerat) sed  
 legum peritia hauriatur. Ac meo quidem iudi-  
 cio, ut olim ille Aeneas nulli pietate secundus  
 Ilium in Italiam vexit sacrosque penates, sic  
 Pallas à Græcia in Cadurcensem Academiam  
 suas Athenas asportauit. Hic illius arma, hic  
 currus pleni legum, pleni que sophiæ. Itaque nō  
 mihi, sed maiestati huius planè Palladij loci a-  
 scribi vellem, si quid à me diceretur dignū hac  
 frequentia, hoc silentio, hac attentione & ex-  
 pectatione vestra. Neque equidem maior cur-  
 huc prodierim, fiducia fuit, q̃ quòd sum suspi-  
 catus fore, ut sacer hic locus immunitatē inui-  
 diæ sit præstatur⁹, extra enī prophani meient,  
 nec suis sicophantiis quasi fœdis oletis locum  
 conspurcare audebunt, dignitate loci terrebū-  
 tur. Quanquā in hoc sacratissimarum legum  
 umbraculo diutius nō possint viuere maleuo-  
 li, quā sub umbra fraxinorū serpētes, Rariūf  
 que apud Cadurcēses inuidus reperiatur, quā  
 apud Britannos lupus. Quod quum passim au-  
 dissem prædicari, tenuit me ingēs desiderij vi-  
 dendæ huius academix, quæ ut origine anti-  
 quissima, ita legū gloria facile prima putatur.

## LEODEG. A QVERCV

Cum autem in dies expectaretur visendi occasio, tandem anno superiore oblata est, quum pestifer Altanus Tolosa nos abegit: Huc igitur quum appulisset, & omnia hominum predicatione maiora, melioraque comperissem, dici non potest quam sim impense delectatus, ut qui nactus sim professores tam absolutos, proceres tam illustres, condiscipulos tam studiosos, ciues tam compositos, populares tam humanos, colonos tam industrios, aërem tam limpidum, musæ studiis tam apta, ut in elysiorum camporum amoenitate versari me putare. Itaque animus erat non antè hinc discedere quam metas legalis stadij contigissem. Ea que causa initium currendi sumpseram à Pandectarum lib. primo, quem ego publice professus ad Umbilicum quidem perduxì, sed maiore auditorum erga me benevolentia, quam mea in illos fruge. Accurrebant enim non tam adipiscendæ doctrinæ gratia (quæ in me est perquam pusilla) quam ut docti essent ornamento. Horum igitur humanitate fretus, & doctissimi viri Lodoici à Petrucia libris adiutus, accingebar ad reliquorum interpretationem: Sed, ô spes hominum vanas, & fallacia vota, reuocauit me ab instituto qui reuocandi solus habebat potestatem. Cuius ego

mandati vocem ut audiui, tū audire sum visus, abi in malam crucem & suspende te. Si enim durum est à doctissimorum societate auocari, si acerbum est amicorum iucunda consuetudine priuari, quantam animo meo ægritudinem comparauit reuocatio, cum neque doctiores, neque amiciores usquam repperim? cum hîc labori præmium, virtuti gloriam, literis triumphum decerni senserim? cum hîc laurea doctoralem gratuito iure sim assequutus quam apud alios pecunia comparari oportebat? Maior tamen ægritudo futura fuit, si animus cum corpore potuisset reuocari, sed absente corpore præsens animus apud vos semper fuit, semperque futurus est. Itaque velut piscis mutus, vel mortuus potius (quoniam exanimis) extra Cadurcum fui, reuersus verò, viuus, valens, vixgens, mihi meisque videor restitutus, ita quidē integrè, ut quibus olim viribus leges sum professus, hisdem hodierno die de iure respondere non dubitem. Quod ut melioribus fiat auspiciis obsecro vos in maiorem modum illustrissimi procures, quorum integritas singularis, nomen amplissimum, maiestas veneranda, & uos commilitones optatissimi, quorum incomparabilis eruditio, studium indefessum, huma-

LEODEG. A QVERCV

*nitas supra humanum morem. Adeste huc omnes, non animis modò, sed & oculis, & fronte, & vultu, vt respondentis iuuetis industriam. Et illud ipsum facite eò alacriores, quò huius honoris (si quis futurus est) aut ignominia (quam maximam metuo) partem mecum vestra ciuitas sit adeptura.*

D I X I,

Deo gloria & gratia.

# Oratio extemporalis

AD PASTORES, Habita Lutetiæ Parisiorum anno D.

M. XLIII. Per Leo-

degarium à Quer-  
cu.

Qualis est Imperator ciuitatis, tales qui habitant  
in ea. Ecclesiastici 10. cap.



Scitis mihi conscius sum (Impera-  
tores Ecclesiastici.) non defuturos  
qui arbitrentur impudenter à  
me factum, ut cum ferentarij  
partes nondum explere queam,  
tamen de Imperatoris Ecclesiastici munere con-  
fidenter disputem apud Ecclesiasticos Scipio-  
nes. Neque dubitabunt facere me similem il-  
lius Phormionis, qui aliquandiu apud Anni-  
balem, virum ut bello deditum, ita præter  
ceteros exercitatum, consultauit ineptius de  
militari stratagemate, & Imperatoris offi-  
cio, cum neque castra vnquam esset ingressus,  
neque peltatos conspexisset in acie milites, ne-  
que hastatos cornibus equites, neque post prin-

## LEODEG. A QVERCV

cipia scutatos triarios. Cuius ego turpitudinis  
 culpam tum facilius deprecabor, cum intelli-  
 tis non eo animo huc impulsus, ut rudis cum  
 sim, erudire doctos coner, quasi delphinos nata-  
 re docens: sed ut vestram vobis amplissimam  
 dignitatem primum gratuler: Deinde ut ve-  
 stri officij memoriam (qua nihil esse debet in-  
 cundius) breuissimè refricem. Quo in negotio  
 non est, ut à me quicquam rerum nouarum, tan-  
 quam ab Aphrica reposcatis: sed quæ dudum  
 vobis sunt cognitissima, mecum recognoscatis.  
 Quamquam verò quis succenseat agenti mihi  
 patrum, si interdum olitor valde opportuna  
 loquatur? Aut qui vlceribus scatet, cur non  
 sit aliorum medicus? Si fortuna quæ cæca est,  
 & nuda aliis prospiciat, & opes paret? quasi  
 Pharisei non docuerint quæ recta essent, alie-  
 nissimi tamè à rectitudine. Neque sanè opinor  
 usque eo vos delicatos, ut suauia quàm salu-  
 bria dici malitis, tum enim vel vestræ locum  
 darem mollitiei, vel Demosthenis adulationem  
 (quam Phocion suggillauit) imitarer. Sed cum  
 nihil magis ad canes pertineat, quàm adulari,  
 nihil minus ad homines quàm mordere: dabo  
 operam, quantum in me situm erit, ut cum ho-  
 mo apud homines præsertim cãdidos agam, ni-



nihil fecisse videar alienum ab humanitate.  
 Quod dum studiose molior, adeste quaeso, æ-  
 quanimè, & facite audiendo, ut vestra be-  
 neuolentia nostram iuuet industriam. Cæterum  
 ut de Ecclesiastico hocce imperio felicius dici  
 queat, Imperatricem Ecclesiæ Mariam solito  
 elogio salutemus, ut opem spiritus diuini nobis  
 in re diuinissima dignetur implorare.

QUALIS EST IMPE-  
 rator ciuitatis, tales qui habi-  
 tant in ea, &c.

Imperatoris Ecclesiastici similitudo cū bel-  
 licofo (viri fortissimi) facit, ut effigiem belli-  
 cosæ subiiciam, unde Ecclesiastici lineamenta  
 deducantur. Vtriusque enim similis ratio, simi-  
 lis virtus, simile nomen, simile officiū, & qui-  
 dem longè omnium operosissimum. Non enim  
 omnino constat, quidnā difficilius, aut maius  
 excogitetur, quàm Imperatoris personam cum  
 decoro sustinere: propterea quòd oporteat Im-  
 peratorem non modò præstantem viribus, illu-  
 strem authoritate, fortuna beatum, sed consi-  
 lio, prudentia, industria, cæteris antestare: siqui-  
 dem penes eum totius publici status cardo ver-

## LEODEG. A QVERCV

satur, atque quantum firmitudinis columna addit structuræ, ne vitium faciat, tantundem Imperator ne Respublica collabatur. Soloque vel exēplo vel hortatu plus promouet, quàm maxima cohors maximo conatu. Ut facile astipuler dicenti Chabriæ, Formidabiliorem exercitum ceruorum duce leone, quàm leonū duce ceruo. Cæterum quisquis vel apud barbaros populos, vel apud vrbes liberalius institutas probè imperauit, diu antea imperio paruit. Nā & Epaminundas vix excefferat ex ephebis, cum iam versaretur in exercitu, in castris, in oppidorum oppugnationibus, in insidiis faciendis & vitandis. Itaque si illi ad artis præstantiam contulit tyronem prius fieri quàm Imperatorē, & imperium prius pati quàm gerere, multò contulit magis quòd etiam didicerat prius animi motibus, quàm militibus imperare, & esse sui ducem, quàm aliorum: quando improbè in alios regimen suscipit, qui seipsum regere nescit. aut exempla probitatis & vigilantia aliis de se dare. Nam quid ducem magis dedecet, quàm totam somno noctem producere? aut, quid magis ex officio, quàm aliis dormientibus excubias actitare? & Voluere animo quæ ciuibus ex vsu sint? aut cum procul à pericu-

lo sunt omnia, philosophari? si authore Plato-  
 ne felix est Respublica, cum Imperator philo-  
 sophatur, vel philosophus imperat prodigus a-  
 nimæ? hic etenim non dubitabit pro suis exē-  
 plo Codri, & Deciorum se deuouere, & corpo-  
 ris obiectu velut Cocles aduētum hostium in-  
 tercludere: existimans & ad patriæ salutem,  
 & ad nominis gloria n pertinere, in armis mo-  
 ri. Atque vtinam (Imperatores Ecclesiastici)  
 omnibus vobis eadem insit fortitudo, quæ à me  
 prædicata est in Epaminunda: & tanto quidē  
 præstātor, quāto meliori exercitui præpositos  
 vos videtis. Ille laniis ad sanguinē cōductis e-  
 rat præfectus, vos principibus ad doctrinā. Ille  
 barbarissimis dominabatur, vos verò Christia-  
 nissimis. Ille Plutoni aīas mactabat, vos Chri-  
 sto animas lucrificatis. ille iure belli, nescio an  
 nefario, imperij fines amplificabat, vos cœlestē  
 Hierusalem verbo Domini propagatis: ille vt  
 quāplurimos morti daret, cōtēdebat, vos vt à  
 morte ad vitā etiā hostes traducatis: ille suos  
 corruptibili cōmcatu saturabat, vos pane ange-  
 lorū reficitis: ille paludamēto insignis erat, vos  
 sacerdotali diademate, & supparo puritatis.  
 Sed veluti ridicula est simia in purpura, sic in-  
 eruditus si eruditi gestet insignia. vnde sa-

## LEODEG. A QVERCV

*pienter vobis videndum, ne tantū honoris frustra percepisse videamini. Ne quemadmodum Atticus ille Herodes palliato respondit, Video pallium, video barbam, philosophum non video: Ita ne de vobis merito dici queat, Quadratum pileum video, talarem vestē video, supparum video, sacerdotem non video. Illud etenim nō minus foret iaculare, quā quod à vulpecula ingressa domum statuarij dictum olim de statuis, O lepida capita, sed cerebrū non habent. Nanq; homini longē honestius est honore nullo decorari, quā cū in honore sit non intelligere, & cōparari iumentis insipientibus. Vos ergo terræ iudices erudimini, quum iudicatis terram, ac ne iudicemini indigni vestro nomine, sacra docete. Nā si sacerdos est, qui sacra docet, profectō qui doceri, quā docere aptior est, eadē figura nomen habere putatur sacerdotis; qua mons à mouendo quod minime moueatur. Aut si is verē est presbyter senior, qui præbet bonum iter, nemo vestrū iuueniliter in popinis, nemo in lustris pergræctur. Tot enim mortibus digni presbyteri, quot iniquitatis exempla transmittunt in proximum. Vnde perniciosius de Republica Christiana merentur pastores vitiosi, quod non solum vitia concipiunt*

ipsi, sed ea infundunt in ciuitatē: neque solūm  
obsunt, quōd illi ipsi corrumpuntur, sed etiam  
quod corrumpunt, plūsq̃ exemplo, quā pec-  
cato nocent. Neque enim tantum est mali pec-  
care pastores (quanquam est magnum hoc per  
se malum) quantum illud, quōd permulti etiā  
imitatores pastorum existunt. Nā licet videre,  
si voles replicare memoriam temporum, qua-  
lescunque summi ciuitatis viri fuerint, talem  
ciuitatem fuisse: quācunque mutatio morum  
in primoribus extiterit, eandem in populo se-  
quutam. Idque haud paulō est verius, quā  
quod Platoni nostro placet, qui musicorū can-  
tibus ait mutatis, mutari ciuitatū status. Ego  
autem pastorum vita victuque mutato, mo-  
res subditorum mutari puto. Itaque pastores sa-  
pientius vitam instituunt, qui sese pręstare stu-  
dent, tanto perfectiores hominibus, quanto ho-  
mines brutis antecellunt, vt villicationis suę  
rationem cum prouentu ita reddant, vt talen-  
ta multa superlucrentur, vt Spartā quam na-  
cti sunt, ita sanctē adornent, vt nihil auarē, ni-  
hil cupidē, nihil fraudulenter geratur: vt com-  
modorum suorum obliti, putent se procurato-  
res statutos. At velut tutela, sic procuratio pu-  
blica ad eorum qui commissi sunt, non ad eorū  
d iij

## LEODEG. A QVERCV

quibus commissa est, gerenda est. Gregem ergo pascant, non seipsos: & in vinea Domini sint assidui, non in præsепio desides. Quòd si vel in vinea vulpes, vel in grege lupus incommodi aliquid intulerit, damnum præstabunt, qui curam susceperant: quanto acerbiores pœnas luent, qui in gregem suum lupi, in vineam vulpes fuerint? Anthropophagos Scythas legimus ea feritate, ut hoim vesceretur carnibus, sed duntaxat aduenarum. Diomedem pauisse equos hospitibus, sed pepercisse domesticis. quãto crudeliores pastores, si in suum gregem sint Polyphemi? Si pro custodibus insidiatores, pro piscatoribus peccatores, pro sacrificiis sacrilegi, pro patribus parricidæ? Equidem cum filios more Saturni vorauerint, cum Saturno quoq; apud Plutonem catenis alligabuntur, ibiq; cum planctu frustra querentur, non fuisse mansuetos, hospitales, continentés: sed impios, impudicos, violentos, mercenarios, proditores, sanguinarios. Quibus quàm ignominiosum futurum est, cū viã vitæ, & virtutis intellexerint, vinci tamen omni virtutum genere ab Ethnicis, qui in tenebris & in umbra mortis sedent. Nempe apud Atticam sacerdotes priscis ignorantia temporibus anachoretæ omnes fuerunt, in



frigore, in nuditate, in siti, in esurie. summè frugales: nunc fortè pro umbratili vita, fastus: pro frugalitate, epicurismus placet. Apud Latium sacrificis sic interdicebatur vino, in quo est luxuria, ut eis esset capitale, quorum anhelitus vinum redolisset: nunc pulchrum putatur esse Heliogabalos, & similes Consentinis, quibus plus sapuit palatum quàm cerebrum. Apud Idam Corybantes nunquam prius mysteriis Cybeles initiabantur, quàm executissent sibi cultris virilia: nunc nihil tam peculiare, quàm Venus: ut cum libido & gula sint peccandum. superbia demonum, ex his tamen monstris cõflatae sunt chimera quaedam, quibus eadem metamorphosis metuenda venit, quæ Vlysseis remigibus, ne post beluinas voluptates in beluas transformantur, non ab illa venefica Circe, cuius magico carmine Gryllus factus est porcus, sed ab omnipotente Deo, qui regem Nebuchodonosor in beluam commutauit. Alius exemplo terreantur aſoti, ut resuscitant: videantque quantum inter beluam & hominem intersit. Beluam natura creauit, pronam atque obedientem ventri: hominem Deus erexit, quoniam eius conuersatio in cœlis est. Belua rationis & orationis expers

d iij

LEODEG. A QVERCV

nata est, homo consilij & prudentiæ plenus. Belua, ad deformem figuram, homo, ad dei imaginem & similitudinem. Belua ad famulatũ, homo ad dominium. Belua ad inertiam, homo ad artes legendas & intelligendas, quasi mortalis quidem deus. Porro licet honorificentius multò de nobis meritus sit deus, quàm de beluis, sit plerunque vt minus feritatis habeat fera, quàm homo. Quod quàm absurdum sit, dispudet memorare, præsertim cùm vt herba causa pecudis, pecus causa hominis: sic homo causa hominum existimetur genitus. Quotus tamen quisque eorum qui viuunt hodie, non est viuẽti lupus? mortuo vultur? Hæccine est formula dilectionis in proximum, quam nobis præscripsit Christus? hoccine exẽplum charitatis, vt alter alterius onera portet? Vbi zelus ille ignitus Apostole Paule, quem desideras in pastore? quos si iubes esse fideles dispensatores, cur quæ pauperum sunt, ganeis largiuntur? quasi non sit furtum, rapina, sacrilegium, quicquid præter victum & vestitum desumpserint? Si vnus vxorũ viros esse commonefacis Paule, cur tot illis sacerdotia maritantur? an quòd hirundinum more, non mittent cutem, nisi cruore distendantur? num tu iniucundè videas

nauim ecclesiasticam esse factam Argo, vt ad  
 vellus aureum ferat Iasones? quos vtinam ne-  
 scio quis Typhis in Colchon traiciat, vt pro-  
 biores sufficiantur, qui à grege vix vsquam  
 absint. Vt enim oculus domini optime pascit  
 equum, sic pastoris præsentia maxime saginat  
 gregem, & à morbis tuetur. Dum scabie labo-  
 rat ouis, pastor bonus miscet amurcam cum lu-  
 pino: dum intertrigo vngulæ adnascitur, pice  
 liquida sanat: dum sacer ignis vrit, lacte ca-  
 prino placat: dum agni mentigine torquentur,  
 hyssopum & salem terit æquīs ponderibus: ne-  
 que vnquam committit, vt vel in amœno pâ-  
 bulo, vel in suauī poculo, vel in salubri cœlo læ-  
 datur ouis: quin statim aquationem, & locum  
 mutet: sollicitus etiam vt à frigore in aprica-  
 tionem, ab æstu in vmbra culum ducat. Quòd  
 si tantum industria, causa brutorum adhibet  
 pastor bonus, quantò plus impedere debent ho-  
 minibus pastores hominū? quos nisi tenerrimè  
 dilexisset Christus, nunquam de throno maie-  
 statis suæ in hanc vallem miseriæ fuerat de-  
 scensurus, vt humanam scabiem suo sanguine  
 ablueret, vt infirmitatem sua virtute robor-  
 ret, vt mortem moriendo destrueret, vt vitā  
 resurgendo repararet. Quos igitur amauit Do-

## LEODEG. A QVERCV

minus, ministri contemnent? quos redemit, aspernabuntur? Meminerint tandem partium suarum, meminerint aliquanto prudentius oportere satagi Christianarum ouium: quas cum Dominus Petro commissurus esset, ter interrogauit, Petre, amas me? cui Petrus, Etiam domine, tu scis quia amo te plus his. Tunc Dominus ad Petrum, Pasce oues meas. Quod nisi Dominus effusissimum amorem Petri perspexisset, nunquam eum ouili suo præficiendum curauisset. Atq; utinam vel plures haberemus Petros, vel pauciores oues quæ Petro carere nequeant, ob tempora inimica virtuti. Aut qui Petri vices gerunt imitentur eius humilitatē, sanctimoniam, vigilantiam. Cui cum innotuisset absente paulisper Mose populum adorasse vitulum conflatilem, & ad idololatriam deuiasse, existimauit ne vel latum quidē vnguē sibi à grege Dominico recedendum. Quod si idem à nostris factum esset Petri vicariū, non ita ab aquilone profecta lues gregem Domini contaminasset: non ita frequentes vulpeculæ vineam supremi patrisfamilias dissipauissent, non ita denique fides cum populo in præcipitium rueret. Vnde experimur magno incommodo, quā sit verum il-

lud Osee quinto, Laqueus ruinæ populi mei, sacer-  
 dotes iniqui. Qui si nec sibi nec aliis profunt,  
 cur præsumunt? Si Charibdes et Scyllas vitare ne-  
 queunt, imò in eas impingunt, cur se nauicula-  
 rios præstent? Si superna alexipharmaca turpi-  
 ter ignorent, cur animarum medicos agunt? Nò ex  
 quouis ligno olim finge batur Mercurius, nunc  
 ex quouis stipite dedolantur mystagogi: ut cõ-  
 temptissimũ sit illud Pauli ad Hebræos, Ne-  
 mo assumat sibi honorem, sed qui à Deo vocatur  
 tanquam Aaron. Ceterum quoniã huic no-  
 stræ adhortatiunculæ tandem finis statuen-  
 dus est, libens rogauerim malos pastores, qui  
 potius inuigilant Vanitati, quàm Virtuti, &  
 pecuniæ quàm pecori, ut libidine repudia-  
 ta, vxori Ecclesiæ adhæreant, quæ pulchra est  
 & decora: ut calcato demonum fastu Chri-  
 stum æmulentur. qui se nimisquam humili-  
 uit, formam serui accipiens: ut infirmitatis  
 suæ conscij, curam ouium melioribus relin-  
 quat, ne pluri fiat apud eos ouium vellus, quàm  
 animarum salus. Vos verò longè horum dissimiles  
 pastores, oro & obtestor, ut luceat lux vestra  
 coram hominibus, ut exemplũ sitis fidelium, in integrita-  
 te, in grauitate, in castitate, in charitate, in uer-  
 bo, in opere: nec abscondatis talentum Domini,

LEODEG. A QVERCV

*sed profectus vester sit omnibus manifestus.  
Attendite doctrinæ & instate, vt probetur  
vestrum ministerium summo illi sacerdoti se-  
cundum ordinem Melchisedech: qui cum vos  
inuenerit sic vigilantes, super omnia sua vos  
constituet, & in gaudium iubebit introire.*

D I X I,

Deo gloria & gratia.



# De negligendis in-

TERPRETIBVS IVRIS,

Dialogus Academicus, Authore Leodegario à Quercu.

IDEM, AMPLISSIMO VIRO D. Io. Mansencallo, præfidi primo apud Tolosates S. D.

*Iucunda omnibus est vicissitudo,  
Præsertim grauibus viris, vt actò  
In sudore negotio, quiescant:  
Id quod Scipio factitabat olim,  
Quando in littore calculos legebat,  
Vel paruas cochleas, vel vmbilicos.  
Cum quo Lælius ille qui medulla,  
Qui flos, qui populi decus, frequenter  
Ludebat, veluti puer pusillus:  
Hæc me causa quidem mouet disertè  
Mansencalle, quia alter æstimaris  
Nobis Lælius ob tuam sophiam,  
Alter Scipio publicis regendis  
Rebus (ni potius tu vtroque maior)  
Vt nunc ludicra dem tibi faceta:  
Quæ si tu vice calculorum amanter,  
Iucundeque legas, tuam leuabis  
Mentē à publico, & arduo labore. Vale.*

LEODEG. A QVERCV  
Loquuntur P. Fon-  
TAVGERIVS, ET  
Leodegarius.

F.



Vo nunc tandem affectus es a-  
nimo erga iuris interpretes? L.  
Sanè vt qui optimo. F. Audie-  
bam visum esse tibi, vt iuri ope-  
rā daturus interdiceret sibi vsu  
interpretum. L. Initio rebar: sed alius dies alios  
mores postulauit. F. Scio consilia esse tēporum,  
quæ in horas mutantur: sed gratissimum fece-  
ris, si (cum vacui simus & soli) paucis repe-  
tas quæ te mouebant argumenta. L. In aurem  
ergo, & hac lege ne euulges. F. Lapidī dixeris.  
L. Sic ego statuebam. facilius intelligi iuris ele-  
gantiam, quàm interpretū barbariem: & mi-  
nori negotio leges omnes peruolui, quàm vel  
vnius scholiastæ deliria. F. Videre licet pluri-  
mos vtriusque iuris coryphæos, quos Accursii,  
Baldi, Bartholi, & similiū iuuat labor. L. Cre-  
debam: futuros fuisse peritiores si caruissent. F.  
Quibus adducebare causis? L. Expressere com-  
modè non possum, ni resumā, quàm exui per-

*Sonam. F. Per me licet, dum contrariā induam.*  
*L. Placet hercle: primum, non probabā quod alius sinistram in partem rapiat legis sensum, alius in dexterā, alius sursum, alius deorsum, alius ante, alius retro, alius circulariter: ut quoniam tot sint sententiæ quot capita, nō satis scias, quorū sit opinio verior: quā diuersarū plus v-nica, vera nō sit. F. Nō inficior, sed est tāta codicis & digestorū profunditas, ut sine interpretum subere nō sit secūra natatio. L. Quid? antequā vlli interpretes suis fumis ius obscuras sent, primi quibus interpretibus utebātur? F. Nullis. L. At legislatoris mentē vel intellexerūt, vel nō intellectā interpretari posteris nescierūt: ut autē nescirent, in causa fuit doctrinæ cultioris imperitia: Quod si impoliti hoīes Aemiliū, Papinianū, Mutiū, Scauolā, Sabinum, Alphenū, Proculū, Labeonē, Celsū, Pōponiū, & id genus Apollines legū intellexerunt, non intelligent facundissimi? F. Forsitan: nam scire leges nō est verba earum tenere, sed vim ac potestatem. L. Sed si verba ignorētur, quibus res exprimi solent, nullo pacto rerum intellectus haberi possunt: nisi fortē Anglū intelligi putes à Gallo qui nesciat Anglice. F. Labore sunt assequuti, quod neoterici doctrina: et*

## LEODEG. A QVERCV

*multis locis lumen attulerunt. L. Quibus non  
 cōpetebat, vt superuacua fuerit lucerna in me-  
 ridie. F. Equidē in antimonie Labyrinthis tam  
 se præstiterunt dædalos, quā in enigmaticis  
 edictis ædipodas. L. Quasi verò sint obscura in  
 ris edicta, honestè viuere, alterū nō ladere, suū  
 cuiq; tribuere: aut quasi nomothetæ priscis le-  
 gem, neotericis crucē fixerint. F. Nequaquā istuc,  
 sed oculatiores fuere prisci. L. Posterī verò sta-  
 tuæ? vt oculos habeant nec videant: nares ha-  
 beant nec odorentur: aures habeant, nec intel-  
 ligant. F. Vident quidem, sed vt oculi perspi-  
 ciliis, sic minus prouecti interpretibus adiun-  
 tur. Quandoquidē (vt optimè iudicatū à Iu-  
 liano) De iis quæ primo constituuntur, aut in-  
 terpretatione, aut cōstitutione optimi principis  
 certius statuendū est. Neq; enim leges, neq; Se-  
 natu scōsulta ita scribi possunt, vt omnes casus  
 qui quandoq; inciderint, comprehendātur: sed  
 sufficit ea quæ plerunq; accidunt contineri: ego  
 tamen non vltra de doctis altercabor, quoniā  
 sibi posse esse Doctores satis agnosco. L. Quid si  
 in similem modum reuincā plus importari dā-  
 ni quā cōmodi tyrunculis, ab interpretibus?  
 F. Eodem fortasse relaberis, cacos cactorū ma-  
 los duces. L. Imò in re noua nouis vt ar argu-*

mentis. F. Libēs audiam. L. Faterisne operosius  
 esse plura legere, quā pauciora? F. Fateor. L.  
 Et animum pluribus occupatum ad singula mi-  
 norem. F. Sanē. L. Quomodo ergo infinitorum  
 interpretum infinitas quisquillas vacabit lege-  
 re, si legibus vix sufficimus? aut quomodo ine-  
 ptorum omnium omnes nugas in animum in-  
 cludemus, si legum decumas non licet? F. Dif-  
 ficile: sed ego sic statuo vias indicari commodē  
 ab his qui diutius in loco moram traxerunt.

L. Commodius ne quā ab his qui locum con-  
 diderunt? F. non arbitror. L. Igitur qui in legi-  
 bus multos annos versati sunt, non habent le-  
 ges cognitiores quā qui leges condiderunt. F.  
 Verum. L. Melius ergo lex per legem, aut legis  
 cōditorem, quā per interpretem cognoscitur.  
 F. Progredere. L. Es ne in eadem cum Cicero-  
 ne sententia? leges scriptas à nō scripta (hoc est  
 naturali) ortum habere? F. Sum verò. L. Atqui  
 lex naturalis nobiscum orta est, nobiscum ge-  
 nita, nec per magistros eam accepimus, legi-  
 mus, didicimus: verū ex natura ipsa arripui-  
 mus, hausimus, expressimus: ad hanc non do-  
 cti, sed facti, nō instituti, sed imbuti sumus: ut  
 sit illud Pauli ad Romanos verum, gentes quæ  
 legem nō habent naturaliter ea quæ legis sunt

LEODEG. A QVERCV

faciunt, ea sibi sunt lex: legisque opus ostendunt scriptum in cordibus suis. Quod insuper à Davide sic est expressum, signatum est super nos lumē vultus tui domine: his ex verbis quis nō apertè colligat facillimā esse legē naturalē? F. Quid inde? L. Ergo facillimas leges scriptas. F. Nō video. L. Faxim explicatius: scis esse carmen decantatissimum.

Qui viret in folijs venit ex radicibus humor, Sic patrum in natos abeunt cū semine more: F. Scio. L. Hæc eo pertinent vt fatearis adnasci stolones simillimos suis truncis. Et parentibus similes liberos. F. Vultu, voce, voluntate. L. Atqui leges scriptæ, ortæ sunt à naturali nō scripta: eamque sic referunt. Vt quanto sint parenti similiores, tanto magis à spuris & degeneribus differant. Est autem naturalis sine interprete cognita, ergo & filia eius leges ciuiles: quid tu ad hoc? F. Imò quid tu ad illud Ciceronis in epistola ad Trebatium, Nullam artem literis sine interprete, & sine aliqua exercitatione percipi posse. Non longè (inquit) abieris, nūius ciuile vestrum ex libris cognosci potest? qui quanquam plurimi sunt, doctorem tamen, lumenq; desiderant. L. Eleganter, pro suo more: sed in eadē epistola statim sic soluit. Quanquā



si tu attentè leges, si sæpius, per te omnia consequere vt planè intelligas. F. Iam ego tuæ sententiæ vicinius accederem nisi obstaret consuetudo. L. Quorum? F. Patrū, qui euoluendis legum. L. Nugonibus? F. Imò doctissimis interpretibus plus impenderunt temporis quàm. L. in ipsis legibus. F. Diuinasti. L. Vt aliquando (quas vocant) glossas vice legum citarent? F. Quin adeò vt legibus anteferrent. L. Facere non possum quin cum Lucretio exclamen.

O cæcas hominum mentes, ô pectora cæca:  
Qualibus in tenebris vitæ: quâvisq; periculis,  
Degitur hoc aui quodcunque est?

An non satis erat legum nisi insania scripturientium novos proferret litium fomites? per verborum aucupia? syllabarum tendiculas? literarum decipulas? distinctionum meadros? Quæ vt amoliretur omnia Iustinianus, sanxit, nullis licere Iurisperitis in posterum applicare Pandectis commentarios: ne per contrarias interpretantium sententias totum ius conturbaretur: Nec aliud quid eis indulgit: præter παρὰ τὴν λα: Scriptum est à M. Tullio neque fuisse, neque futurum unquam omnibus numeris absolutum oratorem, Et tamen oratori tria tantum sunt tenenda, docere, delectare, mouere: nos uerò perfecti Iuriscōs. ne

## LEODEG. A QVERCV

*Umbram quidem sperare oportet, si præter tot  
 legum myriadas tenendum est etiam quid quis  
 que in iure sit cornicatus. F. Fac ut solers im-  
 perator. L. Scilicet? F. Ut ille in militibus, sic  
 tu in interpretibus delectum. L. Aedepol pu-  
 tarim in istiusmodi gerris delectum, potius  
 quam delectum fieri: nec satis video quo pacto  
 iudicarem quis optimè omnium legem expo-  
 nat, si quid sibi lex velit ignorem. Est hoc non  
 tyronis sed Imperatoris officium. Imperator au-  
 tem sine interprete suum obit munus, vel in  
 exercitu, vel in legibus, alioqui nomen non  
 meretur Imperatoris. F. Quid si lex imperium  
 hætenus Imperatoribus, ueteranis, tyronibus,  
 nihilo facilius potuerit intelligi, quam lex fra-  
 ter à fratre? lex diuus? lex pacta? nisi accessis-  
 set interpretes facundissimus? L. Quid si ille in-  
 terpres non ab interprete, sed à lege legem di-  
 dicit? Quid si & antè didicerunt qui nil scri-  
 pserunt? Quid si posteri, aut externi (Ad quos  
 fortè non perueniet tam eruditus, tamque lau-  
 dabilis conatus) legem eandem animi acumi-  
 ne assequuntur? ego enim mihi persuadeo ni-  
 hil esse tam difficile, quin improbus labor vin-  
 cat: esse autem & nostra, & fuisse patrum me-  
 moria quam plurimos studiosos. F. Utinam si*

quid est à talibus elucubratum tandem in meas perueniret manus. L. Legeres? F. Accuratissimè. L. Næ tu mihi, legendo tam inexplebilis videris quàm dolium pertusum: relinque obsecro generis huius nœnias helluonibus librorum, qui singulis diebus viginti nouè horas vigiliant. F. Iocare pro tuo arbitratu, sed nunquā efficies vt trita à patribus via desleatam. L. Senesces in errore priscorum? F. Malim, quàm oculos cornicum cōfigere: excusatissimus enim est error qui cum multis, atque adeò cum maioribus committitur. L. Simili causa satis teetum Iudæum censes ne christianis legibus initietur? Ille cum multis, atque adeò cum maioribus it se perditum. F. Impia Iudæi est peruicacia, mea laudabilis perseuerantia: à qua ne latum culmum discessero. L. Non absimilis es eorum qui ne si solem quidem in manibus gestemus, fidem doctrinæ reetiori commodent: deberes quæ putria sunt, porcis relinquere, nec enim tibi palatum sapiet si carie putribus & rancidis deletere. F. Imò nec tibi cerebrum, si gaudeas recetibus: quæ non minus periculi creant animis quàm corpori: quò fit vt neque nouarum, neq; nouandarum rerum sim admodum studiosus. L. Exitū metuis Apuleij Saturnini, aut Grac-

chorum. F. Cuiusmodi te manebunt ni incepto desistas. L. Ridiculum: perinde meū accipis sermonem ac si innovator sim, qui veterissima reuocem, vbi nondum fuere glossularij. F. Si ergo tibi glossæ non probantur, quā placebit viua vox? L. Eadem vtriusque ratio, præterquam quòd viua vox magis afficit, præsertim si est eruditi cuiuspiam vt Corasi: cuius abitus tanto plus amaritudinis reliquit, quanto fuerat eius præsentia iucundior: vt non sit mirum studiosos ob eum lachrymassè, cū aër plus integro mēse fleuerit: Itaque substitutionem aliquā desidero. F. Pupillarem? an vulgarem? L. Imò Ferrerij in locū Corasi: vt nubila (quæ nos circundederunt) sol legum Ferrerius abigeret. F. Si rex Senatorem Ferrerium legibus solueret aduersus illud duodecim Tabularum SENATORI QVI SENATVI NON ADSIT, CAUSA SIT AVT CVLPÆ, illi operam dares? L. Strenuā vt facio doctissimis Massabraco, Perrerio, & Huilletio: sub quibus frugem vberriam colliget qui se attentum præstabit. F. Vide quā parū tibi constes, nuper glossas, & viuam vocem nullo discrimine habebas, paulo momento mutata sententia cygneas voces Ferrerij, Corasi,

& similia desideras. L. Imò maneo mei simili-  
 lis, nam cum impense legibus delecter, tum  
 non tam mihi placent quasi elingues, & quasi  
 mutæ (vt in codice & digestis) quàm argutulæ  
 in palato aut palatio potius Ferrerij & Cora-  
 si, & eruditorum: qui mihi instar sunt nō Scæ-  
 uolarum aut Seruiorum sed legum ipsissimarum.  
 F. Ergo accedi oportere putas ad publica  
 legum auditoria. L. Accedendum quidem, sed  
 ad heroes de quibus egi: qui nil extra rem, nil  
 ineptè, nil confusè, nil sine ratione tradunt:  
 nec æmuli sunt gregariorum, qui quanto vel  
 verbosius, vel clamosius, de paragraphulo vo-  
 ciferentur, tanto decentius officio se perfun-  
 ctos credunt: paucula velim sed appositè: nō il-  
 la ægri somnia, quibus nec pes nec caput vni  
 conueniat formæ. F. Apud Tolosam sic insul-  
 sos non vidiſti. L. Neque me viſurum metuo,  
 tam est enim infrequens videre in Tolosati-  
 bus (vbi infantuli cum lacte leges sugunt) im-  
 peritum & illiteratum leguleiam quàm in ſcy-  
 this duos anacharsides. F. Quod si secus eueni-  
 ret? L. Nunquā potest. F. Finge posse. L. Iuberè  
 saluere & valere, locumque libens cederem  
 contubernali qui mallet carduos quàm lactu-  
 cas, dignūq; iudicarem qui ab ore narrātis pen-  
 e iij

LEODEG. A QVERCV

deret annis vnde viginti: & cum dictatis etiā  
 screatus exciperet. F. Iam gratulor meæ Tolo-  
 sæ quæ hætenus nec amufos interpretes ha-  
 bucrit, nec putatur habitura. L. Et mihi gau-  
 deo quòd in eorum tempora inciderim. Interea  
 mi Fontaugeri si minus tibi arriserit disputa-  
 tio, memineris in itam tuo rogatu. F. Non me  
 illius piget. L. Vtinam nec reliquos: quos roga-  
 tos velim ne seriò legant quod iucundè scriptū  
 fuit. Vale. F. Vale, & tu feliciter.



# Anticategoria, in

QVOSDAM SCIOLOS,

qui Dialogum de negligēdis in-

interpretibus Iuris cri-

minati sunt.

*Ad Consultissimum Virum Alanum  
Huiletium.*

*Authore Leodegario à Quercu.*

## Leodegarii à Quer-

CV AD OBLOQVV-

tores.

Qui quæ vult dicit, non quæ vult audit: ob illud  
Compescat linguam qui maledicta timet.

LEODEG. A QVERCV  
Leodegarii à Quer-  
CV, ALANO HVILLE-  
tio, gaudere, & bene  
rem gerere.



Necesserat nuper mihi vo-  
luntas (vir consultissime)  
vt quem de noua ratione  
interpretandi libellū exa-  
raui, tibi vouerem: quo-  
niam si beneficium dan-  
do accepit, qui digno de-  
dit, fuisset cumulatus abundè magno benefi-  
cio, quum tibi dignissimo dedissem. dignus est  
autem quis eo munere cuius est egregie præter  
cæteros peritus: at tu munere interpretandi pul-  
chrè fungeris, eruditorum iudicio: Licet verò  
alius inuidiosum fore sim opinatus, tibi tamen  
probatum iri confidebam, qui nihil soleas im-  
probare: Verum ab instituto sum renocatus ob  
nescio quos ignorantia iuris perditos, qui me ni-  
mum indignis modis acceperunt odio dialogi  
nuper à me conscripti de Negligendis interpre-  
tibus Iuris. Quibus ego veluti non placui, ita  
nec mihi quoq; nec aliis bene placuerunt, cum

sint malè placidi: Imò inde mihi placeo quòd il-  
 lis displiceam, pote quibus nihil iucundum sit,  
 nisi simile carduorum. Sed tibi vni, & D. Mā  
 scencallo diserto nescio magis an magis inculpa-  
 to placuisse, pluris duco, quàm sex millibus in-  
 sulforū: disputant autem in eo non oportuisse à  
 me factum vt cōtaminarem interpretes: prae-  
 sertim si (vt volunt) non aliter iudicare quēā  
 de legū scholiastis aut legibus, quàm cecus de  
 coloribus: Et tamen non ideo de me ita parum  
 splendidè loquuntur, quòd sermone mecum cō-  
 gressi sint, vt periculum facerent quantū pro-  
 mouissem, sed quòd non inducunt animum fie-  
 ri posse, vt quis in iure quicquam consequatur,  
 nisi plus minus quindecim lustris incubuerit.  
 Quibus ego faciliè cōcesserim vel Endimionis  
 somnū legibus indormire, dum aliorū ingenia  
 non metiantur sua tarditate: Nec inuidebo si  
 blateronum omniū omnes tricas & pedicas si-  
 bi disquirant, aut etiam disquisitis suas misce-  
 ant, dū ne culpēt quòd nolim illis implicari: si-  
 nātq; me meo viuere morē, viuāt suo. Alioqui  
 mirabor tantū esse abs re sua otij, mea ut curēt.  
 Quæ si seria sunt, nō debuerē ridiculè carpi: sin  
 ridicula, nō minori risu digni videntur, qui ad  
 ea inuolarūt, quàm populus Atheniensis, dum

## LEODEG. A QVERCV

ad Diogenis tympanum accurrebat. Meritò enim (prima longa) morari iudicantur, qui ad morionum cantilenas se conuertunt omiſſis rebus grauioribus: Quanquam cur grauis non ſit habendus meus ille dialogus? an quòd arde lionum ineptias riſerit? Ridentem dicere Verum, nil vetat: An quòd probat & conſuetudini renitatur? At nunquam rectius Veritas teneri poteſt, quàm altercando: An quòd liberè quod ſenſiat, dicat? at in libera ciuitate liberæ eſſe linguas oportet. An quòd contra decorum in iuriſperitos agat apud Tolofam, quæ nutritrix eſt iuris & officina legum? At apud muſicum Amphionem Zetus frater de muſica diſceptauit citra inuidiam: An quòd non habeat rē exempli? at authore Plinio nullus eſt tam inſuſciper liber quin habeat aliquam multum bonæ frugis. Et forſitan vt apud Lacedæmonios vtile putabatur inebriari ſeruos (quos helotas vocant) non ſolum vt eorum turpi ſpectaculo aduſcentes ab ebrietate temperarēt, ſed etiam vt vino (quod non habet clauum) veritatem internoscerent, ſic vrbibus bene inſtitutis expedit aliquando circumferri temulentos dialogos, vt in eorū balbutie quaſi in vino Veritas eluceat: Itaque mirandum non eſt ſi plenus ſit Ve

ritatis meus Dialogus, cum idem plenus sit vi-  
 ni: Tum enim & inceptus & absolutus fuit  
 cum egregie (pro more) potaretur iucundis re-  
 galibus. Quo tempore cum esset studiorum remis-  
 sio, ac nihil haberem quod agerem, **NIHIL**,  
 (hoc est futilem dialogum) agere malui, quam  
 otium agere: nam in otio plus est negotij, quam  
 in negotio: illudque meum **NIHIL**, etiam ces-  
 santibus legendum obtuli quod nihil esset eis  
 quod ageretur: ut iucundo **NIHILO** tan-  
 quam inanibus choreis reficerentur. sed homi-  
 nes nihili, aduersus meum **NIHIL**, aliquid  
 nimium cogitantes dignos se fecerunt qui ni-  
 hil assequantur, quoniam **NIHIL** illis nego-  
 tium faceſſerit. Eaſque cauſa ſi (ut inſtituerunt)  
 pergant mecum lege agere quaſi in legiſpe-  
 ritos egerim, beſtias exiſtimabo, & ad beſtias  
 damnandos: Ego enim egi **NIHIL**, & ni-  
 hil agi aduerſum me precor. ſecus ſi fiat, aliquid  
 agam, curaturus ut quam voluptatem male  
 dicendo conceperint, eandem peius audiendo a-  
 mittant. Id quod Veritus quidam ſimiolus qui  
 ſolæciſmos aduerſus me adornarat, ſuppreſſit.  
 Fius partes occupauerat aſellus, ſed à fuſtibus ti-  
 muit: inde mihi reſfuit cum bubalo, cuius cor-  
 nua cum eſſent longa ſatis, ſed acutâ parū, non

## LEODEG. A QVERCV

est ausus ferire: demū prodiit vastus elephas,  
nec tamen barrientem magis horruī, quā il-  
le ne ego velut forex in suam proboscidem ir-  
rumperem: socius huic contigerat quem Milo-  
nem Crotoniatem iudicasses, Verum vt Milo  
corpus exhibuit feris vorandum cum in hian-  
te Quercu vires experiretur, sic adiposus ille  
meus athleta rimulis meis non se commisit, ne  
constringeretur. his confectis in spem vocabar  
fore vt nullis posthac beluarum impetibus la-  
cesserer, ecce verò plus multo periculi quā nū-  
quam tota vita: nimirum formidandus anda-  
batas me vocat.

Non ex iure manu confertum, sed mage ferro.  
Est illi pro casside, Nebrissenfis: pro lorica,  
F. Philelphus: pro paludamento, Despauteius:  
pro parma Augustinus datus: pro pugione Fo-  
caudus Monerius: pro ense Monoteētū: pro ca-  
tapulta, Modus epistolandi: pro pharetra Cale-  
pinus: pro sagittis, Septem corbes quæstionum:  
vt nūquam sagittarius Bagnolettius fuerit ar-  
mator. O me infelicē, & natum quarta luna:  
iam perij, iam nullus sum, iam actum de me.  
Quid agam rerū? quo me vertam? quorum fi-  
dem implorem? verissimum prouerbiū, mul-  
tis ictibus deiicietur Quercus: sed hoc me re-



creat, quòd cùm andabatas lucem oderit, & in tenebris vt lycanthropus grassetur, non facile collimabit, nisi suæ dianæ radiis illustretur. Itaque callidus pugil subornauit diurnum quēdam *HEROSTRATVM*, nō illum *Asianū* qui combusto dianæ templo nominis immortalitatem quærebat, sed qui ex aliena infamia famam venetur: peperit enim monstrum libellum quem typographi recusarunt excudere, tum quòd æra non mereret, tum quòd monstroso partui vitam deberi non opinetur: Legi furtim, sed penè me exanimauit fœtore, Næ malim omnium cloacarum spurcum halitum, decē mensibus odorari, quàm vel semiho ra tam merdosum libellum attrectare: Illic me inter reos defert alphabetarius quòd iniecerim falcē in messē interpretū, imò adeò quòd sarculo runcandos censuerim velut tribulos ab agro fertili: Id quod lōgè aliter habet: Ego enim vtrāq; in partem disputo de interpretibus, ac ita suspendo iudiciū vt nihildū concluderim: sed meus reprehensor academicū morem nondū didicit, fecitq; intelligendo vt nihil intelligere videatur. Cæterū, vt & ille & cæteri mētem meā rectius interpretentur, sic existimo: legendos quidem interpretes, sed primæ classis:

# LEODEG. A QVERCV

nec omnibus, nec vbiq̃ue astipulandũ, quòd ho-  
mines sint vt falli queant, & fallere. At verò  
proletarios, & minorum gentium sophistas iu-  
ris, velut algas negligendos putauì: Siquidem  
quemadmodum homines qui nil habent homi-  
nis præter humanam effigiem, non esse homi-  
nes, sed hominum simulachra dicebat Dioge-  
nes, sic ego spurios scholiastas, & nomen Iuris-  
consultorum eментitos, non appello interpre-  
tes, sed stipites, caudices, statuas sine cerebro: Il-  
lis bellum indixi, iustissima de causa. Tantũ  
enim ab eo absunt vt iuuent nostra studia, vt  
nihil sit quod peræquẽ studiis aduersetur: nam  
cũ tãta sit iuris perspicuitas vt vel cæco in-  
notescat, factũ est per istos tenebriones sic ob-  
scurum, vt ne ætates quidem duorum Nestorũ  
intelligendo iuri sufficiant. cũ omnia in du-  
bium vocentur.

An particula DE significet lagenam?  
An disiunctio VEL sumatur pro fractis  
calatis? An lex quẽ decem vocabulis ab-  
soluitur, habeat xx. partes, quarũ prima  
est prima, & secunda, secunda: & dein-  
cõps vsque ad vltimam quæ est vltima:  
Quia si particula expletiva QVIDEM

EQVIDEM ponatur ante NISI, variatur intellectus: quare recurrédum est ad medium vbi consistit virtus, alioqui caperetur NEC PRO DO NEC in textu, quod est contra communem, vt patet ex modificatiõe glossæ, vel (& melius, quod notandum perpetuo) potest alteri fariam sumi pro SVpra, vt istodammet titulo ante materiam feudorum quæ inflat crumenam.

O lepidos (si diis placet) interpretes. O scholia digna propter quæ vadimonium deferatur: Per sacras musas ausim confirmare plus esse iudicij vetulis delirantibus. Et tamen æui nostri genius malus ita fert, vt in his scopis dissolutis, plus versari quàm in textu cõueniat, vt numeremur Iuriscõsulti: Quæ ego lapidem cum aliis Syssiphis volo, sed inuitissimus: vt planè mihi videar apud inferos cum Syssipho, quãdo istius modi neniis obtundor à glossulariis.

Fienda est limitatio decisionis huius quæ magistraliter explanefacit vnũ notabile, quod faciet tosto vestram fumare culinam & (vt prouerbialiter metrificãdo loquar) gaignabit multa scuta quidem quoniam: & confortificabitur per

## LEODEG. A QVERCV

videlicet hoc quod sequitur. Quotiens  
totiēs vna determinatio determinat duo  
vel plura determinabilia determinanda  
non determinata determinare debet æ-  
qualiter vt in determinatiuo & finali. s.  
annotatur prope rationes dubitādi quæ  
seruiunt ad ramos ascendentium & de-  
scendentium qui habent aliqualem simi-  
litudinem cū grosso ligno diuisibili in  
suos esclatos & esclatorum esclationes  
vsque tamen ad sufficiētiam ne fiat pro-  
cessus in infinitum.

*Quis hæc legat absque risu? Imò quis intel-  
ligat nisi qui anseres intelligit? Studiosorum vi-  
cem miseror, licet misericordia mea nihil con-  
ducat: itaque quoniam non potest fieri quod vo-  
lo, volam quod potero, & cum lupis vlulabo.*

D I X I.

Deo gloria & gratia.

# Proludium in legem

ABESSE .ff. EX QVIBVS  
causis maiores XXV. annis in in-  
tegrum restituantur.

LEODEGARIVS A QVERCV

Francisco Connano, Libellorum Suppli-  
cum in Regia Magistro.



Esedebatur Augustus (Cō Suetonius  
nane doctissime) sacrari in Augusto  
aliquid sibi, nisi quod &  
grauissimū esset, & à gra-  
uissimis perscriptum. Mo-  
nebatque Prætores ne si-  
nerent nomen suum Com-

missionibus obsolescere. Quod me exemplum  
reuocat ne tibi (cuius amplitudo non paulò mi-  
nor est quàm Augusti, virtus autem & eru-  
ditio aliquantò maiores) voueam meum leue  
Proludium: Sed legatione ad te fungi velim,  
vt significet eam esse animi mei aduersum te  
voluntatem si quid domi nasceretur quod tibi  
vel voluptati, vel ornamento esse posset, id

LEODEG. A QVERCV

mancipio & vsu fore tuum, Volūtas lauta est,  
 res non perinde rem voluntate si metiris, nihil  
 est periculi si consecrem. Nā tu licet inter mor-  
 tales, mortalis sis quidam Deus, non potes mu-  
 nusculum aspernari, quando non in pagis mo-  
 dō, sed amplissimis etiam vrbibus  
 Vilibus ornatur, Quercubus ara Deūm.  
 Itaque tuum esto arbitrium, legationis ne an  
 munusculi nomine accipias, dum vtrumcun-  
 que iucūdum veniat. Vale. Tolosæ pridie Idus  
 Nouemb. I 5 4 6.



# Leodegarii à Quer- CV DIALOGVS.

*Loquuntur Liber, & libri Author.*

*A. Exi de tenebris in apricū. L. Malo latere:*

*A. Vt fur? aut fōſſo caſpate talpa niger?*

*L. Ni vitarim oculos, Linguas vitare nequibo.*

*A. Quorum? L. Multorum queis maledicta  
placent.*

*A. Tã ſtultū eſt linguas hoīm cōpeſcere velle,  
Quàm volucrū leuiū murmura, vere nouo.*

*L. Id popolare nimis populo nō multa probari:*

*A. Iudicium populi ſolius aſſis habe.*

*Nã populus nūero melior quàm pōdere: Quare  
Multorum caput bellua ſit populus.*

*L. Si me fex vulgi contēnet, quomodo poſſim*

*Patritiis iuris rite placere? A. Minus:*

*Inter at eximios & ineptū vulgus habentur*

*Quidam interiecti. L. ſic reor. A. hos adeas.*

*Vt Lucilius indoctis, doctis que negabat*

*Scribere ſe ſatyras, ſic ab vtriſque caue.*

*L. Quàm frugem capient mediocres? A. Poſſa  
tis amplam,*

*Si legum eſſe poteſt ipſa medulla ſatis.*

*fiij*

Ex Cic. lib.  
2. de Orat.  
ad Q. frat.

LEODEG. A QVERCV

L. Sed me centoni similem fortasse putabunt:

A. Quid vitij cento discolor Vllus habet?

Floriferis vt apes in saltibus omnia libant,

Inde fauos condunt gnauiter alueolo,

Sic est ex variis farrago aptanda libellis:

Sic est diuersis mensa paranda cibis.

L. Quid si quis Môm<sup>9</sup> ceu ludicra rideat istæc?

A. Tum prece contendas vt meliora ferat.

L. Permittas rodi à tineis, blattisq; per annum:

Dein quocunque Voles protinus egrediar.

A. Si fieri nequeat quin tu rodare, perinde est

Rodi à uermiculis, inuidulisve viris.

Nam parui refert moriamur in aëre, an Vnda,

An flamma, an terra, si decet vsque mori.

Quare exi. L. Exibo Veluti testudo: nec Vltra

Quàm caput, atq; pedes à cochlea exilient.

A. Cur ita? L. Si forsàn nequeã par ictibus esse,

Intro regrediar tutius ad cochleam.

A. Consiliũ laudo: Atq; Vtinã feliciter illud

Cedat, ne migres tristibus auspiciis.

Post tabulã interea latitãs Velut alter Apelles

Obseruo qualis sermo futurus. Abi.

MODESTINVS ait.



Besse Reip. causa intelligitur, & is qui ab Vrbe profectus est: licet nondum prouinciam excesserit. Sed & is qui excessit, donec in urbem reuertatur. Et hoc etiam

ad Proconsules, Legatosque eorum, & ad eos qui prouincijs præsunt, procuratoresve Principum qui in prouincijs tenentur, pertinet: & ad Tribunos militum, & Præfectos, & Comites legatorum, qui ad Aerarium delati, aut in commentarium Principis relati sunt.

Leodegarius. Quando hæc lex agit de Reip. causa absentibus, qui in integrum restitui solent, commodum fore putari si non antè ad legis statum veniam, quàm de absentibus, & restitutione verba fecero: Non ita longè repetens initium, vt ancilla Medæ apud Ennium his senarijs.

2 Vtinam ne in nemore Pelio securibus  
Cæsa cecidisset abieгна ad terram trabes.

1 Lib. 8. regularum.

2 Cicero hos versus usurpat in opusc. de Fato, agens de causis nõ necessariis: & in Top. de causa sine qua non, & in Reth. de narratione nimium longè petita, & pro Cælio, quum eos vrbane accommodat Clodiæ.

LEODEG. A QVERCV

Nec post initium ita excurrent, ut meritò dicant.

3 Amphora cœpit

Institui, currente rota cur Vrceus exit?

Sed quantum in me situm erit operam dabo, ne dum paucis de re disseram, quicquam omissum videri queat. itaq; iam in rē ingredior, quod utinam tam felicibus fiat auspiciis, quàm animo sit bono.

Ut est in more positum apud medicos, ut contraria contrarius curent, sic apud nostros Iuriconsultos: Nēpe si quid destitutio, lesio ve abstulerit (modò nō 4 nimis exiguum) instauratur restitutione in integrum. Est 5 autem restitutio in integrum reductio in eum statum in quo quis prius erat quàm ladebatur. Ladi verò contingit cū vel labimur, vel circumscribimur. Et tum Prætor 6 edicto suo nobis opem

3 Horat. in arte poet.

4 L. Scio. ff. de resti. in integr.

5 L. Prætor § restituas. ff. ne quid in loc. pub. l. videamus, 2. §. in fauiana. ff. de vsur. Porro quàm latè pateat significatio restituendi, & an omnes magistratus possint restituere tradit Oldendor. in sext. class. cum quo vide Zazium, & sum. Azonis hoc tit.

6 L. prima. ff. de resti. in integ.

fert, siue metu, siue calliditate, siue atate, siue  
absentia inciderimus in captionem, siue (vt ait  
7 Paulus) per status mutationem, aut iustum  
errorem. Quod enim metus causa gestum est,  
8 ratum non habet Prætor. Quoniã vim 9 at  
que metum comprobare, contra bonos mores  
est: dum metus non sit 10 vanus, sed qualis in  
virum cõstantem cadat. Porro vim sic execra  
tur Cicero lib. 3. de Legibus. Nihil est exitiosius  
ciuitatibus, nihilque tam contrarium iuri, &  
legibus, nihil minus ciuile est & humanum,  
quã composita & constituta Repub. quicquã  
agi per vim, &c, insuper 11 ne dolosis sua ma  
litia sit lucrosa, probis autem simplicitas dam  
nosa, iudiciũ dat de dolo malo. Bonũ 12 Verò  
doliũ neq; Prætor, neq; alius quisquã damnat,

Cic. expo  
nẽs illud 12.  
tab. Vis in  
populo abe  
sto.

7 L. secunda. ff. eod.

8 L. 1. ff. de eo quod met. caus.

9 L. nihil consensui. ff. de reg. iur.

10 L. vani timoris. ff. de reg. iur. vide Cic. pro  
Cæcinna.

11 L. 1. de dolo malo. ff.

12 L. non solum, Cod. de comer. & mercat. & l.  
1. §. non fuit. ff. de dol. ma. & l. nihil interest. ff. de  
capt. & postl. huc spectat illud Verg. dolus an  
virtus quis in hoste requirat?

LEODEG. A QVERCV

cuiusmodi est ille medicorum in ægrotos: qui lepidissimis Lucretij versibus ita depingitur libro primo de natura rerum,

*Sed veluti pueris absynthia tetra medentes  
Cum dare conantur, prius oras pocula circum  
Contingunt mellis dulci flauoque liquore,  
Ut puerorum ætas improvida ludificetur  
Labrorum tenus, inter ea perpotet amarum,  
Absynthij laticem, deceptaq; non capiat:ur:  
Sed potius tali facto recreata valescat.*

Deinde Prætor 13 tutelã capit minorũ xxv. annis, quorum consilium ob (huiusmodi ætatẽ) fragile est, & multorum insidiis sic expositum, ut probè accommodari possit illud quod non minus verè quàm eleganter à Satyrico dictum est Satyra quarta,

*Scilicet ingenium, & rerum prudentia velox  
Ante pilos venit? dicenda, tacendaq; calles?*

13 L. i. ff. de minorib. xxv. annis: multæ autẽ causę dantur in tract. de iure singulari. Oldendor. cur aliquando minores xxv. annis non restituantur. Multæ etiam referuntur à Zazio tit. de minoribus.



Indefensos quoque non finit eos Prætor, qui  
(salua 14 ciuitate) capitis diminutionem pa-  
tiuntur. Si quid enim cum his actum contra-  
ctum uisit, perinde haberi solet quasi id factum  
non sit. Ad extremum 15 præsto est illis qui  
Reip. causa absunt, (si modò sine 16 dolo ma-  
lo absunt ait Calistratus) Abesse uerò Reipu.  
causa eos solos 17 intelligimus, qui non sui cõ-  
modi causa, sed coacti absunt. Itaque qui libe-

14 L. pertinet. ff. de capite minutis. Triplicem  
autem capitis diminutionem tradit Paulus. l. ca-  
pitis. ff. cod. & Imperator lib. 1. Instit. & Auso-  
nius poëta in gryphis his uerbis,

Triples libertas, capitisque minutio triplex.  
Porro quam hic Iurisc. uocant capitis diminu-  
tionem, Cicero uocat demptionem de capite act.  
Verr. idemque in Pisonem, ait ciuem indemnatum  
integri esse capitis.

15 L. absentia eius. ff. de reg. iur. & l. i. ff. ex qui-  
bus caus. maio. & l. Pannonius, auitus. ff. de ac-  
quir. uel omit. hæ. & l. quia absente. C. de proc.  
& l. cum quidam. ff. de acquir. uel omit. hæ. &  
l. si propter. C. ex quibus caus. maio. & l. si quid.  
C. de resti. mili.

16 L. item hi. ff. ex quibus caus. maio. & l. igno-  
rare. C. de resti. mil.

17 L. Reip. causa. ff. ex quibus caus.

## LEODEG. A QVERCV

ra legatione 18 abest, non videtur causa Reip.  
abesse. Porro liberæ legationes (vt tradit Ale  
xander ab Alexandro) 19 olim ornamenti tã  
tum causa ab Senatu impetrabantur, quemad  
modũ honorarij magistratus à principibus ho  
nestamenti causa conceduntur, tituloque tenus  
obiciuntur. Hæ autem legationes ab his Senato  
ribus impetrabantur, quibus negotia futura e  
rãt in prouincijs, vt qui hæreditates persequi,  
aut legata, aut qui nomina exigere volebant  
in prouincijs, legatorum personis acceptis, com  
mendabiliores controuersias haberent. Quod  
cũ iniquè fieret, sancitum est duodecim tabu

18 L. Qui libera legatione. ff. de legation. & l.  
non vere. ff. ex quib. caus.

19 Lib. 6. cap. 3 & c. Hic verò locus non medio  
criter facit ad Germanum intellectum legis, qui  
libera legatione. ff. de legation. vbi glossemat.  
malè legit qui liber à legatione: hoc est libera  
tus, inquit: debuit verò legere qui libera. Cicero  
in 1. & 2. orat. in Rull. meminit harum legatio  
num liberarum, quas in consulatu suo reprehsit,  
vt scribit lib. 3. de Leg. Fecitq; annuas, sed post  
ea lex Iulia etiam quinquēnales indulsit: Cicero  
ad Attic. habet, vt opinor, liberæ legationes de  
finitum tēpus lege Iulia, nec facillè addi potest,  
bella est autē huius iuris quinquennij licentia.

lis ad hunc modum. REI suæ ergo ne quis legatus esto: Nāque authore Cicerone lib. 3. de Legib. nihil esse turpius potest, quā quēquā legari nisi Reip. causa. omitto (inquit) quēadmodum isti se gerant, atque gesserint, qui legatione hereditates, aut syngraphas suas persequuntur, in hominibus est hoc vitium: Sed quaero quid hac res sit turpius, quā sine procuratore senator legatus sine mandatis? sine vilo Reip. munere? Quod quidē genus legationis ego Consul (quanquā ad commodum Senatus pertinere videatur) tamen approbante Senatu frequēssimo, nisi mihi leuiss. Trib. ple. 20 intercessisset, sustulissim: minui tamen tempus: & quod erat infinitū, annuum feci. Ita turpitudine manet diuturnitate sublata, &c. De his satis, nunc in viam. Quædam 21 incidunt aliquando tēpora, cū neque absentibus Reip. causa, neq; minoribus 25. annis, neque militibus,

20 Inuectio in Clodium.

21 In opusc. de iure & æquitate doctus legum enodator Oldend. agit copiosè & ornatè de temporibus & circumstantiis quibus non conceditur restitutio in integrum absentibus Reip. causa. Illinc pete, mihi satis esse puto velut digito fontem ostendisse vnde hauries.

neque scholasticis destitutis, restitutio in integrum conceditur. Nemini autem mirum esse debet, quod scholasticos ascribā Catalogo absentium Reip. causa, Nimirum ea voluntas est Imperatoris miserētis scholasticorum, qui amore scientiæ exules facti, de diuitibus pauperes, semetipsos exinaniunt, vitam suam multis periculis exponunt, & à vilissimis sæpe hominibus (quod grauiter ferendum) corporales iniurias sine causa perferunt. Veruntamen in pietissima illa Friderici constitutione potissimū agitur de scholasticis nobilium legum studio-  
 sis: Vt & alibi de Aduocatis, qui dirimunt ambigua facta causarum, suæque defensionis vi-  
 ribus sæpe publicis in rebus, sæpe priuatis lapsa erigunt, & fatigata reparant, nec minus prouident humano generi, quàm si præliis atque vulneribus patriam parētēsque seruarent. Neque enim solos nostro imperio militare credimus illos qui gladiis, clypeis & thoracibus nituntur, sed etiam aduocatos. militant namque causarum Patroni, qui gloriose vocis cōfisi munimine laborantiū spem, vitā & posteros defedūt. Itaq; si istis obsunt tēpora ne aliquādo restitui queāt, sanè debet nobis ob oculos uersari quod ab Ouid. perscriptū eleg. I. li. I. de Trist.

L. aduocati.  
 C. de aduo.  
 diuersi iudi.

*Iudicis officium est, ut res, ita tempora rerum*

*Quærere, quæsito tempore tutus eris.*

*Ceterum ut tandem ad legis scopum collime-*  
*mus, partem primam ex mente Modestini sic*  
*colliges. Ab ea die qua quis à ciuitate profectus*

Scopus le-  
gis Abesse.

*est, quoad in eam reuertatur propter publicam*  
*utilitatem, non sui cōmodi causa, dicitur quis*  
*abesse. Alteram partem sic. Proconsules, Lega-*  
*tosque eorum, & prouinciarum Præsides, pro-*  
*curatores Principum, Tribunos, Præfectosque*  
*militum, eorumque omnium comitatum, gau-*  
*dere Legis priuilegio, sed eos non aliter censeri*  
*abesse causa Reipub. quam si in acta Aerarij*  
*publica, aut in priuatum commentarium prin-*  
*cipis, se referendos curarint: hoc est (ut vul-*  
*gus Imperitorum loquitur) enregistrare se fece-*  
*rint. Initio autem Legis per quandam Proca-*  
*talypsin occupat, Modestinus quod quæri pos-*  
*set, An is qui Roma quidem egressus est, sed*  
*nondum Italiam excessit, iam tum Reip. cau-*  
*sa abesse censeatur? & abesse iudicat. Quan-*  
*do quidem 22 qui vel præparauit, incepisse vi-*

22 L.i. §. cœpisse. ff. de pollic. & l. quemadmo-  
dum. ff. in offi. test. l. si pecuniā. ff. de cond. cau.  
dat. l. cum à matribus, Cod. qui petant tuto. vel  
curat.

detur: Quin adeò itineris arreptio 23 vim ha-  
 bet appellationis. Existimat etiam 24 eum  
 qui prouinciam excessit videri toto tempore  
 abesse vsquedum Romam regressus sit. Imò a-  
 deò cum 25 domi est, abesse censetur. Datur  
 enim modicum tempus ante exitum, & post  
 reditum, vt homo res domesticas componat,  
 & sarcinulas aptet. Quid? quod authore Vl-  
 piano qui Romæ præsens 26 maneat, abesse ta-  
 men tum iudicetur Reipub. causa, vt Præfe-  
 ctus vigilum & miles? Qui enim Romæ mi-  
 litant, pro Reipub. causa absentibus habentur.  
 Idemque de militum 27 medicis censendū est:  
 quoniam officium quod gerūt, & publicè pro-  
 dest, & fraudem illis adferre non debet. Verū-  
 tamen hoc priuilegium militū negatur 28 ma-  
 gistratibus, licet Romæ Reip. causa dent ope-

23 Cap. dilecti, de appellationibus.

24 Versiculo sed & is, l. abesse.

25 L. ab hostibus. § simpliciter. ff. eod.

26 L. milites. ff. eod. Si tamen commeatu acce-  
 pto, in domo sua est, non videtur Reipub. causa  
 abesse, ait Iab. l. miles. ff. eodem.

27 L. inter eos. §. medici. ff. eod.

28 L. & qui. §. sed qui, & l. vt sūt. ff. eod. de priui-  
 legiis militū scripsit Claud. Cottare? Turonēsis,



ram: Quandoquidem militis officium aliis negotiis sufficere nequit. Remotumque est à causis, aut potius causis contrarium. Silent enim leges inter arma, nec se expectari iubent, cum ei qui expectare velit, antè iniusta poena luenda sit, quàm iuste repetenda. Hinc Marius ob armorum sirepitem dicebat se non audire verba legum: Ut verissimum sit illud Ennii,

Cic.in orat.  
pro Milone

29 Non ex iure manu cōfertū, sed mage ferro  
Rem repetūt, regnūq; petūt, vadūt solida vi  
Spernitur orator bon°, horridus miles amatur:  
Tollitur è medio sapientia, vi geritur res:  
Nec doctis dictis certantes, sed maledictis,  
Miscet inter sese inimicitias agitant es.

Sed enim cum multos enumeret Paulus & Vl L. qui milit-  
pianus, qui Reip.causa absunt, nullorum tamē tuntur, & l.  
maius est priuilegium, quàm militum. Non ob si.cul.ff.cod.  
morum probitatem, nanque Lucanus,  
Nulla fides pietasq; viris qui castra sequuntur.  
Sed ob necessariam defendendis patriæ finibus

29 Ennii poëtæ vetustissimi versus, quos Cic.  
citāt in epist.ad Trebat.lib.vii, earum quæ fal-  
sō vocantur familiares.

## LEODEG. A QVERCV

industriam, sunt enim milites (vt mulieres)  
 malum Reip. necessariū, vtpote sine quo Respu-  
 blica non consistat. Vnde cum xij. tabulis ita  
 sancitum esset, Homini mortuo ne ossa  
 legito, quò post funus faciat, &c. Hoc est,  
 ne alibi cadauer mortuorum vratur, & alibi  
 vrna cineres condantur, ne funebrium pom-  
 parum impense duplicentur: tamē authore Ci-  
 cerone 30 lex exceptit bellicam mortem, in-  
 dulsitq; militibus bello mortuis, vt eorum re-  
 liquiæ maiorum sepulchris inferrentur. Si quis  
 verò dubitat, an is qui Reipub. causa abest in  
 aliqua re lædatur, in qua etiam si Reipub. cau-  
 sa non abfuiſſet, damnum erat passurus (ve-  
 luti si chasmate ædes perierint) restitui de-  
 beat? Putat Paulus 31 non restituendum. &  
 rectè putat, quia absentia non fuit causa læ-  
 sionis: præſenti enim ædes æquè perissent. Rur-

30 Lib. ii. de legibus, vbi exponit ll. xii. tabul.  
 quæ funebria sustulerunt, vnde luctus augeren-  
 tur: porrò dulce fuit antiquis sepeliri in patria,  
 & cum maioribus. Itaque Ouid. exul sic ad vxō  
 rem scribit,

Ossa tamen facito parua referantur in vrna:  
 Sic ego non etiam mortuus exul ero.

31 L. is quis. ii. ff. ex quibus caus. maio.

*si vocetur in quæstionem, An qui Reipublicæ causa abfuerit, etiam aduersus eum qui pariter Reipublicæ causa abfuerit, debeat restitui? præsertim si aliquid damni iustè conqueratur? iudicat Marcus 32 restituendum. Nec tamen tum priuilegiatus aduersus priuilegiatum 33 gaudet priuilegio, quoniam absentia sola non est causa priuilegiij, sed absentia cum læsione. At præscribens licet sit absens, non læditur, itaque non videtur priuilegiatus. Magnum 34 porrò discrimen est inter eos qui Reipublicæ causa absunt, & inter minores xxv. annis: ut est quoque inter abesse, & in 35 fuga esse. Notandum insuper si quis sæpius causa Reipublicæ abfuerit, ex nouissimo eius reditu 36 tēpus restitutionis esse ei computandum. Nec silentio prætereundum, quod absens Reip. causa non solum viuus gaudet beneficio restitutionis in integrum,*

23 L. qui Reipub. ff. eodem.

33 L. verum. ff. de mino. xxv. annis.

34 L. inter minores. ff. de restitutione in integrum.

35 L. sciendū. ff. ad leg. Fauiam de plagiaris.

36 L. necnon. §. si quis sæpius. ff. ex quibus causis.

sed 37 etiam moriens ad hæredes transfert. Quòd si quis mihi obiiciat Verba Pauli, In omnibus causis id observatur, ut ubi personæ conditio locum facit beneficio, ibi deficiēte ea, beneficium quoque deficiat. Fatebor quidem, sed in absentia militis non persona, sed causa locum dat beneficio. In summa, ut tandem imponam finem loco huic de absentibus, Sanè multis 38 modis quis abesse dicitur. Sunt enim qui ex causa probabili & necessaria absunt ut milites, sunt qui ex probabili tantum, ut qui peregrè agunt causa studiorum, secundum communem, sunt qui necessario tantum, ut relegati, sunt qui sponte ut mercatores. De primis autem agitur in nostra lege. Atq; hæc satis, aut etiam nimium multa de verbo abesse, reliqua sigillatim expendamus.

## ,, REIP. CAUSA.

Speçtatur 39 præcipuè causa primaria in eo

37 L. si Valerianus. C. de rest. mil. & l. nō solū. ff. de rest. in integrū, & l. hæredē. ff. de regul. iur.

38 Vide Alc. in l. absentē. ff. de verb. sig. & Accur. l. præsens. ff. de procur. & l. absentem. ff. de verb. sig. & l. fin. C. de præscript. long. tēporis. Vide etiam Ias. in §. rursus, de act.

39 L. non verè, & l. Reipub. causa. ff. eodem.

qui putandus sit abesse causa Reipub. Ideo potest legatus rem suam priuatam cum publica simul administrare, nec tū dicetur abesse priuatim, quoniam priuatam rem secundaria causa curat. Interim 40 etiam notabis seruum non posse abesse Reipub. causa.

Vide Acurf. dicta L. non verè.

„ AB VRBE.

Sicuti quoties non addimus nomen cuius sit ciuitatis ius ciuile, \* intelligimus Romæ, sic cum Urbem sine adiectione dicimus, per antonomasiam intelligimus Romam.

\* s. sed ius inst. de iur. nat. gent. & ciuili.

„ PROVINCIAM.

Prouinciæ Consulares, & Proconsulares regebantur à Consulibus & 41 Proconsulibus, erantque in potestate Senatus, at prouinciæ

40 L. seruus. ff. de reg. iur. Verūtamen Philip. Deci. aliquot legibus illic probat. seruum posse abesse causa Reip. non solum quando non est alius æquè idoneus, sed etiam quando æquè idoneus alius est, & ideo inhabiles admittendos cū de vtil. publ. agitur.

41 Vide scriptorē dierū genialiū, lib. ii. c. xxvii.

Prætoriae & Præsidiales administrabantur à  
 Prætoribus & Præsidibus, & erant sub di-  
 tione populi. Numidia, Lybia, Asia (citra Tau-  
 rum) & Cyrene erant consulares. Carthago  
 proconsularis. Tripolis & Vtraque Maurita-  
 nia & Aegyptus erant præsidiales. Cyprus,  
 Iberia, Sardinia, Sicilia, Illyricus, Achaia, Cre-  
 ta, & Bythinia prætorie. Sardiniam, & Cor-  
 sicam olim prætorias, post sub Præsidibus fuis-  
 se comperimus. Soli verò Massilienses & Ne-  
 mausenses ab onere prouincialis Prætorie ferū-  
 tur immunes. Cumque omnis Hispania in sex  
 prouincias diuidatur, ex his Rhetica & Lus-  
 tania consulares fuerunt. Reliquæ sub Præsi-  
 dibus. Constat autem prouincias esse dictas,  
 quòd procul ab Italia armis victæ fuerint.  
 In has mittebantur proconsules & legati,  
 qui ius redderent, & tributa exigerent. A-  
 liæ autem continentes, aliæ transmarinæ.  
 Continentes vt 42 Gallia, Illyricum, Rhe-  
 tia, Vindelici, Pannonia, Germania Trans-  
 marinæ, vt Asia, Aphrica, Syria, Cyprus,  
 Achaia. Vlpianus autem censet Siciliam

42 Vide l. notionem, §. continentes, ff. de ver.  
 signific.



43 magis numerantem inter continentes, quoniam modico freto ab Italia diuiditur. In iure verò pontificio, prouincia pro dioecesi accipitur, in qua decem vel vndecim sint ciuitates, quibus is qui dominatur, rex dici potest. Porro illud certum est prouinciam in labeſſe capi pro Italia per antonomasiam.

„ EXCESSERIT.

Cum 44 enim primum domo ſua pedem extulit, aut etiam dum domi ſe præparat, ad ſimilitudinem abſentis videtur.

„ SED ET IS QUI.

Eſt hic ſenſus. Qui egreſſus eſt prouinciam, iam abeſt Reipublicæ cauſa, uſque dum Romam reuertatur; nec id ſolum quum officio.

43 Diſta l. notionem, at verò Accurf. ait Siciliam non eſſe prouinciam, ſed dominam prouinciarum Auth. qua in prouinc. Cod. ubi de criminibus ag. op.

44 L. qui mittuntur, verſ. ſimiliter. ſ. ſed & ſiſſ. ex quibus cauſ. ua.



## LEODEG. A QVERCV

publico fungitur, 45 sed etiam cùm defunctus est. Nec obstat quod scriptum est ab Ulpiano. 46 Tandiu Reipublicæ causa abesse quem videri quandiu officio publico fungitur. quòd si finitum fuerit officium, iam desinere abesse defunctum officio, &c. Soluitur enim ab eodem hic nodus cùm ibidem scribat. Sed ad reuertendum, homini tempora computabimus (statim atque desit Reipub. causa abesse) ea quibus reuerti in urbem potuit: & erit moderandum, tempora ei dare, quæ lex reuertentibus præstat: ac planè si infirmitate impeditus, continuare iter non potuit, habetur ratio humanitatis, sicut haberi solet hyemis, & nauigationis, & cæterorum quæ contingunt.

## „ D O N E C.

*Argumentum est à pari, cuius sensum iam exposui.*

45 L. ab hostibus. §. sed quod simpliciter, ff. eodem.

46 L. si cui. §. tandiu. ff. ex quibus cau. & l. sancimus. C. de rest. mil. in quam opinionem videtur inclinare Bald. qui putat finito officio, beneficium finiri.

„ PROCONSULES.

Proconsul 47 primo creatus est bello infelicitè gesto cōtra Equos populos, vt obsessō consuli opem ferret: sic dictus quòd pro Cōsule mitteretur, licet sex duntaxat lictores eum anteerent. Deinde finibus propagatis obseruatū est, vt quo quique anno consules fuissent sequenti proconsules remanerent: & in prouincias cum imperio mitterentur. De officio procon. copiose & eleganter scripserunt Vlpianus, 48 Mart. & Pap. de qua re vide elegantiss. epist. Cic. ad Q. Fratr. lib. i. epist. i. vbi pulchrè tradit qualem esse oporteat proconsulem. Inter potestatem procons. & cons. hoc distabat, quòd procons. tantum in decreta & statuta 49 sibi prouincia iurisdictionē contentiosam exercebat. Consul autē extra prouinciam & vbiq;.

„ LEGATOS QVE

Satis constat hic legatos sumi pro vicariis, seu locum tenentibus, qui operam fiduciariam su-

47 Vide Fenestellam in opuscu. de magistratibus Rom. potes & T. Liuium.

48 Tit. de offic. & Procon. & Legat. ff.

49 L. proconsul. & l. omnes procons. ff. de off. procons.

## LEODEG. A QVERCV

periorum obtinent : nam illis redeuntibus cedunt, de legatorū offic. vide lib.i. 50 Pand. Porro 51 tres legati ab vno procons. poterāt eligi.

## AD EOS QUI PRO- VINCIIS.

Intelligit Præsides prouinciarum, quos Græci vocant harmostas, quasi constitutores prouinciarum, vulgus appellat magnos gubernatores nationum. Porro Iuriscons. Mart. facit duplex 52 nomen præsidis. Generale, quod extenditur ad procons. & legatos Cæsaris, & omnes qui prouinciis præsunt, licet (inquit) sint Senatores. Speciale autem quod pertinet ad eos quos nuper dixi appellari magnos gubernatores nationum. Quæ autē sint partes Præsidis prouinciæ, vide lib.i. 53 Pandect.

50 Tit. de off. proc. & Leg.

51 Itaque Cicero gratulatur Q. Fratri, quod tres optimos elegisset. Tiberonem, Halicenum, Gravidium.

52 L. nomen. ff. de off. præf. prouin.

53 Tit. de offic. Præf. prouinc.

„ PROCURATORES V E  
P R I N C I P V M.

Fenestella 54 rationem adfert cur sint in-  
troduciti procuratores Cæsaris. Nimirum ne  
Cæsar in causa propria iudex esset. Creati sunt  
igitur, ut esset illis competens iurisdictio inter  
Cæsarem & personas priuatas, & ut res Im-  
peratoris 55 procurarent.

„ TRIBV NOS MILITV M  
ET P R Æ F E C T O S.

Horum 56 munus erat continere milites in  
castris, interesse frequenter principis (dicta  
autem sunt principia à principibus, qui in se-  
cunda acie sunt) querelas militum audire:  
Quando verò & quomodo partim ex plebe,  
partim & patribus sint creati, consulari pote-  
state, tradit 57 Pompo. vulgus hos militum  
præfectos, vocat mareschalcos. Erat autē hic

54 Cap. xxvi de Magistr. Rom.

55 Hoc satis constat his qui legerūt, tit. de off.  
procur. lib. i. Pand.

56 Vide Liuium, Fenestellam, Pom. Lætum.

57 L. ii. ff. de origine iur.

## LEODEG. A QVERCV

Castrens.ordo, vt miles, centurionis, Centurio, tribuni, tribunus, legati, legatus, consulis, magister equitum, dictatoris parceret imperio.

## „ ET COMITES.

Ex Ciceronis 58 epist. ad Q. Fratr. constat fuisse duplices comites, quosdam fuisse adiutores & ministros Imperij publici & magistratus: alteros autem fuisse apparitores & domesticos proconsulis, aut praesidis, aut legati, qui tamen ipsi etiam publice dabantur, vt accensus, praeco, medicus, liectores, aruspices, qui quasi ex cohorte dicebantur.

De variis comitum formis legito posteriores lib. Cod.

## „ AD AERARIUM DELATI.

Aerarium 56 erat sacrarium legum, & actuum publicorum. Nam in aerario non solum seruabatur pecunia publica (quam tribuni aerarij cum opus erat promebant) sed etiam Senatus consulta & leges, & acta, & tabulae publicae, ad memoriam publicam posteritati pro-

58 Ea est prima lib. i.

59 Budæus annot. in Pandect.



dendam. Id quod xii. tab. ad hunc modum sci-  
funt, 60 Promulgata proposita in ærariis  
condita habento. Ideo autem ærarium erat  
in æde Saturni, quoniam quo tempore Satur-  
nus Italiam incoluit 61 nullum furtum com-  
missum est. Solebant ad illud ærarium Impe-  
ratores exercituum, ex provinciis decedentes,  
referre suas rationes, hoc est, computos redde-  
re. Cæterum magnum discrimen est inter de-  
ferri in ærarium, & referri in ærarios. Nanq;  
authore Asc. Ped. Relati in ærarios dicebatur  
plebei, notati ob infamiam à Censoribus & in-  
ceritum tabulas relati, ut ærarij fierent, ac per  
hoc non essent in albo centuriæ suæ, scilicet ut  
essent ciues, sed tantummodo ut pro capite suo  
(tributi nomine) æra penderent: Quæ & con-  
suetudo Athenis fuit. Ac ut Romæ in ærariū,  
ita Athenis nomina eorum in arcem referebā-  
tur. Aliter puniebantur equites, nempe adem-  
ptione equi publici: ut Senatores ablata Sena-  
toria dignitate, &c. Sed deferri in ærarium di-  
cebantur illi, quorū nomina in regesto publico

60 Cic. lib. iii. de legib. citat hanc legem & ex-  
ponit.

61 Macrobian. lib. i. Satur.

LEODEG. A QVERCV

ascripta erant. Aerarium 62 porro erat populi, fiscus autem principis, donec omnia princeps in suum fiscum transtulit.

„ IN COMMENTARIUM  
PRINCIPIS.

Commentarius, est liber (inquit 63 Budaus) quem sibi quisque nostrum priuatim facere cōsuevit, quasi quoddam promptuarium memoriæ eorum quæ agimus, hoc est, diarium & ephemeris est actionum nostrarum, quod latine dici potest regeſtum, quia reſeruntur omnia in illud. Illi autem dicebantur relati in commentarium Principis, qui curauerant sese enreſtrandos, vt inſulſi loquuntur.

62 Vide Alc. in l. inter publica. ff. de verb. ſig.

63 Annotationibus prioribus in Pand.



## P E R O R A T I O.

*Habes (generose lector) ingenij mei primos  
conatus, qui si aut honesti sunt, aut tu non mo-  
rosus, debes æqui boni facere: Nam ut quisque  
vir est honestissimus, ita honestis aliorum co-  
natibus fauet. Si quid in his est quod ad palatū  
non facit, abstine linguam: & puta tum tuis,  
tum doctissimorū studiis suam olim fuisse in-  
fantiam. quanquam (nisi mihi sum suffenus)  
non deterius operā collocabis legendo meo pro-  
ludio, quàm cum vel ludes, vel palato indul-  
gebis. Vale, & conuiue. Tolosæ, 1546. Prid.  
Idus Nouembr.*

Deo gloria & gratia.

Handwritten text, likely a letter or document, written in a cursive script. The text is mostly illegible due to fading and blurring. It appears to be a formal or semi-formal communication, possibly a letter of introduction or a report. The text is organized into several paragraphs, with some lines indented. The handwriting is dense and characteristic of the 18th or 19th century.

Handwritten text, likely a letter or document, written in a cursive script. The text is mostly illegible due to fading and blurring. It appears to be a formal or semi-formal communication, possibly a letter of introduction or a report. The text is organized into several paragraphs, with some lines indented. The handwriting is dense and characteristic of the 18th or 19th century.

# Progymnasmatata in

L. ETIAM MILITIBVS

ff. de obsequiis, à liberis & libertis  
parentibus & patronis  
præstandis.

LEODEGARIJ A QVERCV

DIALOGVS.

*Loquuntur Lector, & Author.*

- L. Qui nunc enodas enodia iura, lucernam  
Accendis, medio (sole micante) die:  
A. Idem si soluam nodosa ænigmata legum,  
Figlinam à dolio protinus incipiam.  
L. Ergo quiescendum: A. Quã lōgo tēpore? L. donec  
Te præstare queas sphingibus ædipodem.  
Scis quid Pythagoras præcepit: Nemo loquatur  
Ante (unum lustrum) quàm taciturnus agat.  
A. At Cicero censet, dicendo dicere disci.  
Cuius ego dictum præfero Pythagoræ.  
Nam stylus, optimus est dicendi effector & author:  
Hoc sumus artifices, ut fabricando fabri.  
L. Si quis rite stylo scit cum prudentibus uti,  
Sæpe retractat opus quando sacrare cupit.

LEODEG. A QVERCV

*Sicque retractando, aut indignum luce uidebit,  
Aut dignum faciet luce, linendo diu.*

*At tu more canum cacos parus usque catellos:  
Et uitam perdis, uiuere quando paras.*

*Ergo festina lentè, uel fabula fies  
Omnibus, excepto præsule cui dederis.*

*A. Commeiant omnes, conculcent, nil moror omnes  
Vni cui uoueo posse placere sat est.*

*Si suffragetur, suffragia docta Minervæ  
Emerui, & felix omnia puncta tuli.*

Deo gloria & gratia.

## Illustrissimo viro

D. PHILIPPO LENVN-  
courtio, Abbati Espernaico, Leo-  
degarius à Quercu, S.



Ngenitum est omni-  
bus claudis (vir illu-  
strissime) ut ingredie-  
di sint audiores, quàm  
quibus à natura rectus  
incessus contigerit.

Quam quidem rē non  
minus ridiculè videmus vsuuenire partu-  
bus animorum, ut quanto sint imperfectio-  
res, tanto cupidius in publicum prodire ve-  
lint. Roges, quī sciam? sanè & de alijs dudū,  
& de meo (quem nudius sextus abortiui) fe-  
ci coniecturam. Enimuero ut diutius con-  
tinerem, coepi id ei memorare quod Iuriscō  
sultus Paulus ex Hippocrate citat, Septi-  
mo <sup>a</sup> mense nasci perfectum partum, &c.  
Addebam quoque, non <sup>b</sup> esse liberos qui cō-  
tra formam humani generis conuerso mo-  
re procreātur. At meo nec maiores nec pul-  
chriores partium ductus quàm embrioni.

a L. septimo. ff.  
de statu ho. vi-  
de Epi. Cic. quē  
incipit Tullia.  
li. 10. ad Attic.  
b L. Non sunt  
liberi. ff. de sta.  
ho.

# LEODIG. A QVERCV

a L. Cicero. ff.  
de pœnis.

Denique vt verecundia moueretur, dice-  
bam solere vulgo conceptos (vt eos a quo-  
rum opibus inhiamus) medicamentis abigi,  
ac ante legitimum nascendi tempus erum-  
pere. Sed vt est inops consilij illa rudis ætas  
(aut potius ætatis initium) ita meos omnes  
monitus nauci fecit. Dicas, cur igitur à ver-  
bis non tandem ad verbera? Conabar: sed  
prouocatum est ad te in cuius potestate &  
manu esse se, non in mea, confirmabat. Si e-  
nim seruorum partus in dominorum sunt  
mancipio, ego autem addictissimus tibi ser-  
uus, colligebat se non esse mei dominij: Fa-  
teor equidem ingenuè, péculum quod pe-  
nes me est, quantulumcunque est, amplitu-  
dini tuæ, iure deberi. Et honestius esse, tibi  
seruire, quàm honoratissimis imperare. Sed  
pumilioni tum maximum patronum, tum  
immeritam libertatem non possum nõ inui-  
dere: quàm facillimè consequetur cū ita sis  
magnificus vt non soleas rogantibus quid-  
quam negare: Itaque antequàm te ille roget,  
stipulor vt hac lege tibi sinas mǎcipari ne  
emancipes. Alioqui futurum est vt exem-  
plo fusciferi vernæ alij prouocentur ad abu-  
tèdum tua singulari benignitate, ac te post-

b Seruus enim  
qui in alterius  
est potestate ni-  
hil suum potest  
habere, Instit.  
per quas perso-  
na; acquir. §.  
Itē vobis. versi.  
Ipse enim seruus

*hac extricare nequeas à concursu flagitatorum, Vale. Golosæ pridie Cal. Sept. 1548.*

## LEX PRIMÆ.

## V L P I A N V S.



*Tiam militibus pietatis ratio in parentes constare debet. Quare si filius miles in patrem aliqua commiserit, pro modo delicti puniendus est. Et inter collibertos matrem & filium, pietatis ratio secundum naturam esse salva debet. Si filius patrem & matrem quos venerari oportet, contumeliis afficit, vel impias manus eis infert, præfectus Vrbi delictum ad publicam pietatem pertinens pro modo eius vindicat. Indignus militia indicandus est qui patrem & matrē à quibus se educatum dixerit, maledicos appellarit.*

## Interpretatio.

*De obsequiis, &c. Si libertus obsequium & honorem præstare debet patrono ne*

*C. de Obseq. patron. præst.*



# LEODEG. A QVERCV

ingratitudeinis insimuletur, tanto magis parentibus eadem filij debent quanto plus est vitam à parentibus accepisse, quàm à patronis libertatem. Quæ licet a inestimabilis res sit, tamen nec ea dari, nec data retine-  
 ri sine vita potest. Itaque b Pythagoras & c Phocylides, primum Deos, postea verò nostros parentes venerari nos iubent: id quod etiam multis ante annis lege d Mosaica cautum fuerat, & exinde e Evangelio. Quod autem obsequium, & quam reuerentiam patronis debuerint liberti ex eo cognoscas, quod ad hunc modum rescripsit Imperator. f Venia edicti non petita patronum seu patronam, eorumque parentes, & liberos, hæredes insuper etsi extranei sint, à libertis seu liberis eorum non debere in ius vocari, ius certissimum est, nec in ea re rusticitati venia præbeatur, & c. Et alibi: Si g perfectis donationibus in possessionem inductus libertus, quolibet tempore ea quæ sibi donata sunt, pleno iure ut dominus possederit: tamen si ingratus sit, omnis donatio, mutata patronorum voluntate reuocanda est, & c. Quin ad eò h diuus Claudius libertum qui probatus fuerat patrono delatores submisit-

a L. non est. §. in finita. ff. de reg. iur. & l. libertas eo. tit. & instit. quib⁹ ex ca. ma. & c. §. sed cum libertas.

b In carminibus aureis.

c In poemate admonitorio.

d Exo. 21.

e Matth. 15. c.

f L. venia. C. de in ius vocari.

g L. & fi. C. de reuoc. donat.

h L. diuus Claudius. C. de iur. pat.

se qui de statu eius facerent ei quæstionem,  
seruum patroni esse iussit. Cæterum totus  
hic titulus ad pietatem pertinet, & maio-  
ris est ponderis quàm illud paradoxon quo i Gell.lib.2.c.7  
Gellius colligit non esse obsequendum pa-  
tri. Sic enim inquit, Aut rectè imperat  
pater, aut perperam. Si rectè imperet, non  
quia imperet, parendum, sed quoniam id fie-  
ri ius est, faciendum est. Si perperam, nequa  
quam scilicet faciendum quod fieri non o-  
portet, nunquam est igitur patri parendum  
quæ imperat, &c.

*Etiam militibus.*

Si pietatis ratio in parentes constare de-  
bet etiam militibus (qui solent esse crudelis-  
simi, nec ob k armorum strepitum, legū Vo k Imperator l.  
cem audire) quanto pientiores paganos esse fi. C. de iur. deli.  
debet? Videtur itaque Vlpianus argumen- ait sacratissimū  
tari à minori ad maius. legislatorē exi-  
stimauisse arma  
magis quàm iu-  
ra militibus co-  
gnita esse.

*Pietatis ratio.*

Pios in parentes filios esse decet. Sed esse  
vicissim debet patria potestas in pietate,  
h iij

# LEODEG. A QVERCV

a L. inuidus. ff.  
ad. l. pompe. de  
parric.

non in atrocitate aduersum filios, vt ab im-  
peratore a Adriano rescriptum est: qui pa-  
trē à quo filius in venatione occisus est (ob  
stupratam nouercam) in insulā deportauit.

## In parentes.

b L'appellatio-  
ne parētis. ff. de  
verb. fig.

Parentis b appellatione, non tantū pater,  
sed etiam auus & proauus, & deinceps o-  
mnes superiores cōtinentur: sed & mater,  
& auia, & proauia.

## Si filius miles.

c L. milites pla-  
ne. ff. ex quibus  
ma. xxv. annis.

d Insti. dr m. li.  
test.

e Instit. de test.  
ordi. s. primo.

f Hoc paganis  
non licet. l. ius  
nostrum. ff. de  
reg. iur.

g L. regula est.  
ff. de iuris & fa-  
cti ignorātia, &  
l. fina. C. de iure  
delib.

Tametsi plurimis gaudeat priuilegiis miles,  
nullis quidem potest à pœna liberari si fue-  
rit in patrem iniurius. Sunt autem militis  
priuilegia vt c Reip. causa abesse videatur  
etiam cū demi agit, vt mora minorū in  
integrum restituatur, vt contra d iuris so-  
lennitatem in procinctu c testetur, vt pro f  
parte testatus moriatur, vt ab ignorātia g  
iuris excusetur, vt si fidei alterius commi-  
serit vt hereditatem restituat, non possit  
fideicommissarius quartam retinere, & si-  
milia multa.

*In patrem aliqua commiserit.*

Longè is abest ut obsequium parentibus præstet qui vel verborum, vel factorum atrocitate patrem lædit. Porro autem cum passim negent intueri lucem<sup>h</sup> fus esse ei qui a se hominem alienum occisum fateatur, quàm graue facinus est vim inferre parenti, sanè vel ex Orestis exemplo liquet: qui cum iustam (ut vult apud Euripidem Pallas) causam haberet necandæ matris Clytænæstræ quæ Agamennonem maritum ope Aegisti adulteri trucidarat, tamen ob id correptus est à furiis à quibus extricari nõ prius potuit quàm ad Tauricum Dianæ templum peruenisset. In eundem modum furiis actus inducitur Alcmeon apud<sup>i</sup> Cicer.

<sup>h</sup> Cic. pro Mil.

<sup>i</sup> Cic. li. 4. Aca. quæst.

<sup>k</sup> In orat. pro Sex. Rosc. Ame. &c. Qui & Suetoni<sup>o</sup> scribit Nerone sæpe confessum exagitari se matris specie, verberibus furiarum ac tedibus ardētibus ob id euocasse per magos, manes matris & tē tasse exorare.

Sed mihi neutiq; cor cōsentit cū oculorū aspectu, etc.

*Apud eundem sic alibi.*

Viderisne<sup>k</sup> quos nobis poëtæ tradiderunt patris vlciscendi causa supplicium de matre sumpsisse, cum præsertim deorum immortalium iussis atq; oraculis id fecisse dicantur, tamē ut eos agitet furia? neq; cōsistere

## LEODEG. A QVERCV

Vnquam patiantur? quod ne pŷ sine scelere  
 eſſe potuerunt, &c. Sed quid ego hæc de O-  
 reſte aut Alcmeone? quaſi non ſit minus ſo-  
 rorem quàm matrem conficere? Attamen  
 cum <sup>a</sup> M. Horatius occiſis tribus Curiatijs,  
 onuſtus ſpolijs Romam rediret, ſororemque  
 ſuam iniuſtè quarentem de cade viri (vni  
 enim ex Curiatijs nupſerat) interfeciſſet, à  
 duū viris cauſa cognita damnatus eſt, &c.  
 Si tamen <sup>b</sup> aliquis filius in eo furore eſt vt  
 continua mentis alienatione, omni intelle-  
 ctu careat, nec ſubeſt vlla ſuſpicio matrē  
 ab eo ſimulatione dementiæ occiſam, poſſu-  
 mus de modo pœnæ eius diſſimulare, cū ſa-  
 tis furore ipſo puniatur, vt diuus Marcus  
 & cōmodus ſcapulæ Tertullio reſcripſerūt.

<sup>a</sup> Hæc ex T.  
 Liuiō.

<sup>b</sup> L. diuus Mar-  
 c<sup>o</sup>. ff. de of. pref.

### Pro modo delicti.

Iuxta meſuram delicti debet eſſe pla-  
 garum modus. nam vt optimè ait <sup>c</sup> Mar-  
 cellus, Reſpiciendum eſt iudicanti ne quid  
 aut durius, aut remiſſius conſtituat quàm  
 cauſa depoſcit. nec enim aut ſeueritatis, aut  
 clementiæ gloria aſſectanda eſt, ſed perpen-  
 ſo iudicio prout quæque res expoſtulat ſta-

<sup>c</sup> L. Reſpicien-  
 dum. ff. de pœ-  
 nis. huc referri  
 poteſt quod de  
 imagine. iulli-  
 tiæ ex Chryſip-  
 po refert Gel. li.  
 14. c. 4. & Cic. e-  
 piſt. 2. ad Brutū.

tuendum est. Planè enim lenioribus causis  
 proniores ad lenitatem iudices esse debent,  
 in grauioribus poenis seueritatem legum cum  
 aliquo temperamèto benignitatis subsequi,  
 &c. Huic sententiæ eleganter astipulatur  
 Ulpianus. Itaque Stoicos qui omnibus deli-  
 ctis pares poenas infligunt, meritò ridet his  
 versibus Horat.

d Vid. l. cōgru-  
 it. ff. de off. pref.  
 prouin. & l. pri-  
 mam. ff. de off.  
 pref. vrb.

Non vincet ratio hoc, tantundem ut pec-  
 cet, idemque  
 Qui teneros caules alieni fregerit horti,  
 Et qui nocturnus sacra diuum legerit, adsit  
 Regula peccatis quæ poenas irroget aquas:  
 Ne scutica dignum horribili sectere flagel-  
 lo, &c.

e Hor. saty. 3. ll.  
 I. At Cic. in Pa-  
 radoxis, partes  
 Stoicorum tuc  
 tur.

Puniendus est.

Puniri solent quatuor, ut ex Claudij re-  
 sponso liquet. Sic enim ait. Aut facta pu-  
 niuntur, ut furta, cadesque. Aut dicta, ut  
 conuitia, & infide aduocationes. Aut scri-  
 pta, ut falsa, & famosi libelli. Aut consi-  
 lia, ut coniurationes, & latronum conscie-  
 tia, quosque alios suadendo iunisse, sceleris

f L aut facta. ff.  
 de pænis.



# LEODEG. A QVERCV

est instar. Sed hæc quatuor genera conside-  
randa sunt septem modis, causa, persona, lo-  
co, tempore, qualitate, quantitate, euentu,

a Gell. li. 6. c. 14.

Et c. Apud <sup>a</sup> Aul. Gell. reperiuntur tres cau-  
se puniendi. Prima dicitur monitio, quæ ad-  
hibetur emendandi gratia, ut qui fortuito  
deliquit, attentior fiat, correctiorque. Secun-  
da, ut dignitas & amplitudo læsi vindice-  
tur. Tertia, paradigma dicitur, cum ob ex-  
emplum est necessaria, ut metu <sup>b</sup> pœnæ cæ-  
teri terreantur. Plato <sup>c</sup> duas tantum ponit.  
<sup>c</sup> Vnam commonitionis, Alteram animad-  
uersionis. Vide <sup>d</sup> Alexand. ab Alexan. Et  
cum eo Flaccum Horatium, cuius hæc  
sunt verba,

b L. si quis for-  
te. ff. de pœnis.

c Plato in Gor-  
gia.

d Lib. 3. cap. 5.

Auidos vicinum funus ut ægros  
Exanimat, mortisq; metu sibi parcere cogit  
Sic teneros animos aliena opprobria sæpe  
Absterrent vitis, &c.

e Lib. 6. c. 5.

Sed enim possunt (ut est apud eundem <sup>e</sup>  
Gell.) esse grauiores causæ ut ab infligenda  
pœna temperemus. Nimirum quando aut  
spes magna est ut is qui peccauit, citra pœ-  
nam ipse sese ultro corrigat, aut spes contrā



nulla est emendari eum posse & corrigi,  
aut iacturam dignitatis in quem peccatum  
est, metui non necessum est, aut non id pec-  
catum est cuius exemplo necessario metu fa-  
ciendum sit. Tum quidquid ita delictū est,  
non sanè dignum esse imponendæ poenæ stu-  
dium visum. In quam sententiam descen-  
disse videtur Chrysippus qui in pueros ani-  
maduerti non probauit.

*Inter collibertos matrem & filiū.*

Satis inter Iurisperitos <sup>f</sup> constat mascu-  
linum genus concipere foemininum. Sunt  
autem colliberti qui ab eodem domino (cu-  
ius serui fuerunt) libertate donati sunt. Ho-  
rum autem & nō seruorum meminit, quia  
cognatio est inter collibertos, atque ob eam  
rem debet stare inter cognatos ratio pieta-  
tis. Quod & verò attinet ad ius civile serui  
pro nullis habentur, quoniam <sup>h</sup> seruitutem  
mortalitati ferè comparamus. Si tamen na-  
turam spectes quæ <sup>i</sup> omnes genuit liberos,  
tu quæcunque libertis & ingenuis ascribis,  
cogeris seruis ascribere.

f L. verbū hoc.  
ff. de verb. sig. &  
l. 3. ff. de neg. ge.  
& l. pronuntia-  
tio. de verb. sig.

g L. Quod atti-  
net. de reg. iur.  
h L. Seruitutē.  
ff. eo.  
i Initio tit. de  
libertinis in in-  
stit. Imper. & in  
fine. l. quod atti-  
net. ff. de reg. iu.

# LEODEG. A QVERCV.

Secundum naturam.

a Cic. in 1. Off.  
& dialo. de leg.  
& finib.

*Qui a duce naturam sequitur neq; aberrat, neque gerit se alium quàm pientissimum, quum natura non modò hominum mores rectè componat, sed etiam doceat feras obsecundare parentibus. Itaque diligenter cauendū est ne homo à parente audiat,*

*Mitius inueni quàm te genus omne ferarū:  
Mitius ingenium debet an esse feris?*

*Vel impias manus infert.*

b Vide Insti. titu. de publ. iud. §. alia.

*Assperissimum<sup>b</sup> crimen est vim parentibus inferre. Quamobrem illud noua poena persequitur lex Pompeia de parricidiis: qua cauetur vt si quis parentis aut filij, aut omnino affinitatis eius quæ nuncupatione parentum cōtinetur, fata præparauerit (siue clam, siue palam id ausus fuerit) nec nō is cuius dolo malo factum est, vel conscius criminis existit, licet extraneus sit, pœna parricidij puniatur, & neque gladio, neque ignibus, neque vlli alij solenni pœna subiciatur, sed<sup>c</sup> insutus culleo cum cane, & gal*

c Vide Iuuen.

lo gallinaceo, & vipera, simia, & inter  
eas ferale angustias comprehensus, (secun-  
dum quod regionis qualitas tulerit) vel in  
vicinum mare, vel amnem proiciatur, ut  
omnium elementorū vſu viuus carere inci-  
piat, & ei cælum ſuperſtiti, & terra mor-  
tuo auferatur, &c. Hæc quidem omnia e-  
leganter, ſed multo elegantius apud Cice-  
ronem reperiſ ſ unde fuerunt emendicata.

ſat. S. qui in Ne-  
ronē ita inuehi-  
tur libera ſi den-  
tur populo ſuf-  
fragia, quis tam  
perditus vt du-  
bitet Senecam  
præferre Nero-  
ni? cuius ſuppli-  
cio non debuit  
vna parari ſi-  
mia, nec ſerpēs  
vnus, nec culle-  
us vnus par A-  
gamēnonidæ  
crimen, &c.

d Cic. in orat.  
pro Sext. Roſc.  
Amor.  
e L. I. ff. de off.  
præf. vrb. vide  
Fenestellam de  
magiſtra. Ro.

### Præfectus Vrbi.

Vlciscendis impiorum flagitiis præſci-  
tur præfectus Vrbi, vt ab Vlpiano memo-  
ratur ad hunc modum. Omnia omnino cri-  
mina præfectura vrbis ſibi vendicauit nō  
tantum ea quæ intra urbem admittuntur,  
verum ea quoque quæ extra urbem, intra  
Italiam, vt epiſtola diui ſeueri declara-  
tur, &c. Eſt igitur præfectus Vrbi index  
criminalium, vt prætor Urbanus ciuiliū.

### Delictum.

Delictorum quædam priuata ſunt, quæ-  
dam publica: illa priuatis, hæc publicis in-

## LEODEG. A QVERCV

diciis puniuntur, illis leuiores, istis grauiiores  
poenæ solent irrogari. Illis prætor, istis præfe-  
ctus vrbi præfuit. Iuris doctores ex respon-

a L. al'ud. s. in- so a Vlpiani, delictum generale, vocant no-  
ter mulctam. ff. minatum, quod certa appellatione, plurima  
de verb. fig. eiusdem naturæ crimina complecti potest,

b L. 3. C. de epi- vt furtum, homicidium, falsum. Speciale, b  
sco. aud. innominatum vocant: vt quum quis in ius

c C. de sport. l. 3. cum ius dicentem contemnit, c cum in mu-  
nere sibi imposito per desidiam cessat, &c.  
differt autem delictum à peccato, quod pro-  
priè delictum sit, cum non sunt quæ fieri  
debent. Peccatum, cum sunt quæ fieri non  
debent.

*Ad publicam pietatem.*

d L. Ita vulne- Expedit d Reip. ne flagitia remaneant im-  
ratus. ff. ad l. a- punita: Nam quanto impunitius delictum,  
quil. tanto fit effrenatius, quoniã nisi fuerit vin-  
dicatum, innoxios proposita impunitatis  
spes, mortalium animos criminibus inui-  
tat. Vt non sine causa censuerit Cato lapi-  
dibus obruendos magistratus qui de impro-  
bis poenas non sumunt. Itaque Respub. duo-

*bus constare videtur. Præmio & pœna.  
præmio quidem: Nanque ut ait c poëta. c Iuuenalis.*

*Quis virtutem amplectitur ipsam  
Præmia si tollas? &c.*

*Verè enim alius.*

*f Gratis pœnitet esse probos. f Ouidius.*

*Pœna verò, quoniam non tam ob sunt v-  
bertati frugum sentes, & tribuli, quàm læ-  
dunt probos flagitiosi. Itaque ut Apes.*

*g Ignaum fucos pecus à præsepibus arcent g Virgil. in 4.  
Georg.*

*Sic istud sceleratorum.*

*h Immedicabile vulnus h Oui. in Met.  
Ense recidendum est, ne pars sincera tra-  
hatur.*

*Alioqui verè scripserit Satyrographus.*

*i Dedit hanc contagio labem, i Iuuen. saty. 2.  
Et dabit in plures, sicut grex totus in agris  
Vnius scabie cadit & porrigine porci  
Vnaque conspecta liuorem ducit ab vna.*



# LEODEG. A QVERCV

Pro modo.

*Aequius tamen est ut non tam pro modo:  
quàm infra modum puniamus. Nanque ut*

a L. Interpretatione. ff. de pœnis. Idé vult Paulus. l. factum. §. in pœnalib<sup>9</sup>. ff. de reg. iur. & Vlpa. l. capiēda est, & l. in omnibus. ff. de reg. iur.  
b Cic. pro Lig.

*ait<sup>a</sup> Hermogenes, interpretatione legum, Pœna molliendæ sunt potius quàm exasperandæ. Quo nomine laudatur M. Antonius philosophus, cui mos erat omnia crimina minori supplicio, quàm legibus plecti solent, punire.<sup>b</sup> Homines enim ad deos nulla re propius accedunt, quàm salutem hominibus dando: nulla re propius accedunt, quàm salutem hominibus dando: nulla re vicinius ad feras quàm feritate. Quod cum optimè nosset Iulius Cæsar clementia se etiam hostibus amicum, quàm ultione odiosum esse maluit, exēplo Iouis optimi cuius quum<sup>c</sup> dextera fulmine armetur, fulmen tamē in montes & maria potius quàm in homines torquet. Nempe*

d Ovidius.

*d Si quoties peccēt hoīes sua fulmina mittat Iuppiter, exiguo tempore inermis erit. Et profectò qui veloces sunt ad effundendum sanguinem non magis probari possunt quàm illa Flaminij meretrix quæ inter delitias habuit crudelem ludum carnificis hominem iugulantis.*

*Indignus militia, &c.*

*Exauthorari cum ignominia debet ab Imperatore, & insignibus militaribus spoliari. Hic autem subest epiphonema.*

*Maleficos appellarit.*

*Petulantiam filiorum in parentes adeò repressam esse voluerunt antiqui, ut etiam si iniuriam à parentibus accepissent, eam tamen ferre potius quàm referre coegerint.* e L. qui in potestate. C. de in i<sup>o</sup> voc.  
*Itaque qui in potestate patrum agunt, aduersus eo, experiri non possunt. Et emancipati non aliter agunt quàm edicti venia petita: Præterea si sine causa à parentibus iniquè exheredati, vel præteriti sunt, non tamen* f L. 2. ff. de inof. test. & inst. eod. *parentum testamentum tanquam nefarium improbare possunt, sed quasi non satis ex officio pietatis conditum ab his qui tum cum conderent, non erant satis apud se. Non ergo conuitiari sed* g L. 3. ff. de inof. test. & l. nam & iis. §. hui<sup>o</sup>, co. titu. *modestè ostendere debent quare exheredari vel præteriri non debuerint. ex quo liquet quàm impiè fecerint filij Artaxerxis regis Persa-*



LEODEG. A QVERCV

rum cum de interficiendo parente conspi-  
rarint. Quàm sceleratè L. Hostius qui pa-  
trem morti dedit. quàm nefariè Malleolus  
qui matrem trucidauit. Vt interim Nero-  
nem a (monstrum nulla virtute redemptũ  
à vitio) reliquosque parricidas non memo-  
rem.

a Vide Suct.

## PERORATIO.

**H**abes (*Antistes egregie*) *mnemosyne* non me æ erga te singularis obseruatia: Quod cum alij plenū festinationis & pulueris videbunt, dicent non laturum ætatem. Equidem nec in eum finem euulgauim. Imò adeo cito (vt vinum fugiens) periret antequam dari posset, aut quia qui cito dat, bis dat. Nec reformido ne rusticè me fecisse putent, ego enim rusticos imitari malim qui præcocibus fructibus heros demeretur, quàm vrbium incolas, qui rebus putribus omnes passim fallunt.

Vale, & æqui consule.

Deo gloria, & gratia.

i iij

LEODEG. A QVERCV

# Minutiæ in l. An-

TIQVI .ff. SI PARS  
hæreditatis petatur.

AMPLISSIMO VIRO, IO.

Iac. Mesmio, Libellorum supplicum  
in Regia magistro, Leodegarius  
à Quercu, S.



**E**tsi non parui refert in offe-  
rendis muneribus spectare  
quo tempore dentur, tamen  
esse maior cura debet, in quæ  
virum conferantur. Si enim  
ei largiaris qui vel non delectetur, vel non  
egeat, vel etiam delectando & egendo di-  
gnus non sit, tam id munus perit quàm ip-  
sum quod maximè. Nam & qui non dele-  
ctatur, contemnit : & qui non eget, recu-  
sat : & qui indignus est (licet benignè acci-  
piat) non meretur. Ego autem hoc xeniorū  
tēpore cū vltro citroq; munera missitētur,  
opportunè quidē dare, & digno, si tibi. Sed  
non est perinde dignū tua dignitate quod  
nūc à me possit offerri. Neq; etiam is es qui  
vel delectari vel egere possis hisce meis in  
iure minutiis. Itaque fluctuat animus, nec

cur non det, nec quid det habet. Verū cū mi-  
n<sup>o</sup> in eo sit beneuolētiæ qui omnino nil det,  
quā si quisquiliās, malim in eā inclinare  
partē vt beneuolus videar dādis quisqui-  
liis quā subrusticus nihil dando. Olim il-  
le omni re magnus Alexander cū talenta  
quingenta Perillo daret, Perillūsq; respō-  
disset decē satis esse, tibi quidē (inquit Ale-  
xander) satis est decē accipere, mihi tamen  
nō est satis decē dare. At verò Mefimi do-  
ctissime neq; mihi satis est, si quantū queā  
dedero, nec tuæ quoq; virtuti satis esse de-  
bet nisi quantū meretur acceperit. Dabat  
Alexander maxima paruis, ego parua ma-  
ximo. Ille quā magno animo daret nō ha-  
beo cōpertū. Sed ambitiose dedisse cōper-  
tissimū. Ego nec animo maiore, nec minore  
ambitione meā erga te voluntatē testifica-  
ri possum. Quod si tā cumulatus es disci-  
plinis, quā Alexander pecuniis, honestio-  
ra nunc a me xenia acciperes, quā ab illo  
Perillus. Sed cū munera sint similia Marga-  
ritarū vt tāi valeant quāti aestimentur,  
in tua sitū est volūtate vt hæc quæ villissi-  
ma sunt, maxima fiāt, si maximi voles esti-  
mare. Vale. Tolosæ, Cal. Ian. 1547,

LEODEG. A QVERCV,  
PAVLVS AIT.



Ntiqui libero vëtri ita pro-  
spexerunt, vt in tempus na-  
scendi, omnia ei iura integra  
seruari: Sicut apparet in iu-  
re hereditatũ, in quibus qui  
post eum gradum sunt agnationis quo est  
is, qui in vtero est, non admittuntur, dum  
incertum est an nasci possit. Vbi autem eo-  
dem gradu sunt cæteri quo & venter tunc  
quæ portio in suspensio esse debeat, quæ sie-  
runt. Quia non poterat scire quot nasci pos-  
sunt, ideo quod multa de huiusmodi re va-  
ria & incredibilia traduntur, ut fabulis an-  
numerentur. Nam traditum est, & quatu-  
or pariter puellas à matrefamiliâs natas es-  
se: Aliqui tradidere nõ leues authores quin-  
quies quaternos enixam Peloponensem &  
multas Aegypti uno utero septenos. Sed &  
tergeminos senatores cunctos vidimus ora-  
tores. Sed Aelius scribit se vidisse in pala-  
tio liberam mulierem, quæ ab Alexandria  
perducta est vt Adriano ostenderetur cū  
quinq; liberis, ex quibus quatuor eodẽ tem-  
pore enixa dicebatur, quintũ, post quadra-

gesimum diem. Quid ergo? prudentissimi iuris authores medietatem quandam sequuti sunt, ut quod fieri non raro admodum potest intuerentur, id est, quia fieri poterat ut tertigemini nascerentur, quartam partem superstiti filio assignarunt togar hapax i dis (ut ait Theophrastus) parauenu sin hi nomothete: Ideoque; & si unum paritura sit, non ex parte dimidia, sed ex quarta interim hæres erit.

i. quæ enim semel aut bis accidunt cõtemnunt legiflatores.

# INTERPRETATIO.

**H**Æreditas (quæ a nihil aliud est quam successio in vniuersum ius quod defunctus habuit tẽpore mortis) ad homines pertinet, vel ab intestato, vel ex testamento quod<sup>b</sup> iure factum est. Sunt autem quidam ex asse, quidam ex parte hæredes: Illi hæreditatem totam, hi partem hæreditatis<sup>c</sup> duntaxat vendicant. Ceterum titulo superiore prætor actionem proposuit eis qui ad se solos hæreditatem pertinere contendebant. Nunc verò eis qui partem hæreditatis petunt. Quo in negotio usu videmus venire ut partis petitor aliquando sit de iure suo certus, aliquando animi pendeat, id quod

a L. nihil aliud. ff. de ver. sig. & l. hæreditas. ff. de re. iur. tamen Cic. in Top. paulo diuersius definit.

b L. hæreditas. ff. de peti. hære.

c L. prima. ff. si pars hæred. pet.

*Peculiare est iurisconsultis ut continens  
pro contento usurpent per synecdochem.*

*Quot nasci.*

*Possunt enim e plures vno vtero, ut etiam  
alibi Paulus ex Sabini & Cassij sententia  
censuit.*

*e L. Sed & fi. 5.  
si paterfamiliās  
ff. de iudiciis.*

*Fabulis.*

*Verè iudicatu: Multa enim sunt apud f Pli f Pli. lib. 7. c. 4.  
nium (à quo bonā partem huius legis Pau-  
lus mutuatus est) quæ fidem excedunt, ut  
cū ait Cassini puerum factum ex puella &  
puellam, nuptiarum die mutatā in mascu-  
lum. Et Arescuntem cui nomen Arescuse  
fuiisset nupsisse etiam, mox barbā & viri-  
litatē provenisse, uxoremq; duxisse. Multa  
que generis huius, quæ nō sunt huius loci, in  
quibus non magis verax quàm mēdacij pa-  
ter Herodotus.*

*Quatuor:*

*Admirabilius est quod memorat Guiliel-  
mus Benedictus & sese legisse in mari hi-  
storiarum gallico, secundo volumine, cap.  
16. vbi, inquit, Chronica narratur Hen-  
rici Imperatoris, quod Margarita comi-  
tissa Holandiæ pro eo quod de mulieribus*

*g In repet. capi.  
Raynutius, ext.  
de testa.*



# LEODEG. A QVERCV

truffabatur vltra vnum parientibus, pertinaciter asserens impossibile esse mulierem duos habere pueros simul ab eodē patre conceptos, Anno domini millesimo ccc. xiiij. regnante Philippo Pulch. in Frācia in punitionem talium verborum, velut calumniosa naturæ accusatrix, simul concepit, & viuos peperit trecentos sexaginta tres liberos sicut paruos pullos, qui omnes fuerunt baptizati, &c. Vt ego huius scrofae fecunditatem sine risu non possum audire, ita nec illius in quā falsissimè lusit Martialis.

Muller 363 vno  
partu peperit.

Martialis.

Est fecunda mei, fecunda est vxor Arati,  
Nempe suo peperit ter sine foeta viro.

a Cael. lib. 4. c. 23

Cael. a Rhod. ex Alberti Magni sententia, scribit mulierē quandam in Germania con- figuratis cōformatisque iam in vtero duorum & viginti infantium corpusculis abortum fecisse. Aliam verò etiam septuaginta. Imò vt amplius increscat admiratio aliam etiānum eiecisse in peluim embryunculorū auricularis digiti magnitudine corpuscula centū & quinquaginta: Cuius rei facta fides est tuniculis (quibus obuoluebantur) conscijs: Addit quoque pluribus eorū adfuisse dilatationis & cōstrictionis motū,

& signa alia vitæ complura, oculis tamen  
 imperfectioribus, manuum verò & pedū  
 digitos fuisse veluti capillares. Meminit e-  
 tiam Erasmus prodigiosi foetus in suis anno  
 tatiunculis in nucem Ovidianam. Plinius<sup>b</sup> b Plin. c. 11. lib. 7  
 tradit, extare in monumentis medicorum  
 (quibus talia confectari curæ fuit) vno ab-  
 ortu duodecim pueros egestos: huc referri po-  
 test quod Aul. Gel.<sup>c</sup> scribit diuo Augusto c Gell. li. 10. c. 2.  
 imperante Ancillam in eius agro laurente  
 peperisse quinque pueros, qui pauculos dies  
 vixerunt, matrique monumentum factum  
 iussu Augusti in via Laurentia in quo scri-  
 ptum fuisse cōstat numerum puerperij: Za-  
 sius<sup>d</sup> testatur (Sed quā verè viderit) so- d In Lantiqui.  
 rorem honestissimi viri cuiusdam, duode-  
 nos uno partu edidisse viuos. Et tamē Caius  
 iurisconsultus ait <sup>e</sup>portentosum esse ultra e L. Vtrum ita.  
 tres nasci. At Solinus refert Faustam quan- ff. de re. dub.  
 dam ex plebe quater geminos edidisse.

Non leues authores.

Intelligit Plinium<sup>f</sup> apud quem paulo di- f Lib. 7. cap. 3.  
 uersus legitur ad hunc modum. Reperitur  
 & in Peloponnes. quinosquater enixa, ma-  
 ioremque partē ex omni eius vixisse partu.

## LEODEG. A QVERCV

*Peloponnesiam.*

*Fallitur glossematarius, existimans esse nomen mulieris cū epitheton sit indicans mulierem ortam esse ex Peloponneso, regione Græciæ, quæ hodie à Venetis vocatur Morea.*

*Aegypti.*

*Nam <sup>a</sup> potus Nili non solū arua, sed etiam ventres fœcundare creditur, quæ in regione (authore <sup>b</sup> Plinio) Oua sine incubitu excluduntur.*

<sup>a</sup> Vide Solinū.  
<sup>b</sup> Lib. 10. c. 54.

*Septenos.*

*Aristoteles (vt etiam refert Gellius) c memorie prodidit nunquam compertum esse plures nasci uno partu quàm quinque. Et hūc numerum esse rarissimum.*

<sup>c</sup> Lib. 10. c. 2.

*Functos:*

<sup>d</sup> In Rub. de mil. test. instit. impera.

*Viglius <sup>d</sup> (quod ante etiam eum censuerat Accursius) legēdum censet, cinctos quoniā (vt inquit) Milites iubebantur esse cincti vt essent expeditiores. Ego verò vt facile concesserim Viglio cinctos fuisse milites, veluti ex <sup>e</sup> Horatio liquet. Fingere cinctutis*

<sup>e</sup> Horat. in arte poet.

non exaudita Cethegis. Ita quoque non fa-  
tebor hîc agi de militibus, sed de senatori-  
bus ac ideo esse legendum cincios: quod est  
dignitatis cognomentum, Vt multi nobiles  
sunt appellati: Et profecto in dictione cin-  
ctos si abscindas apicē literæ t, Videbis re-  
manere litram i, & ita inuenies cincios,

Oratores.

Budæus legit Horatios, sed locum accipit  
de aliis Horatiis quàm de quibus locuti sint  
Linius & Plinius: id quod vel mediocriter  
doctis constat: Nam Paulus qui sub Alexā  
dro floruit non potuit videre Horatios qui  
sub rege Tullo hostilio congressi sunt cum  
tribus Curiatiis. Itaque cum vetustis exem-  
plaribus malim legere oratores.

Aelius.

De nullo triū Aeliorū pōt accipi locus hîc:  
Nā P. Aelius (qui à lascinia oculorū dictus  
est Petus, & eius filius Sextus Aelius (quem  
Ennius catū) hoc est sapiētē uocat hoc uersu  
Egregiē cordat⁹ hū Cat⁹ Ael. Sextus. Quē

Scriptum est copiose & eleganter à Plinio  
 & ab Aristotele. g Veruntamen diuus  
 Augustinus h negat mulierem quæ semel  
 conceperit posse iterum secundo conceptu  
 iterum gerere.

f cap.xj.lib.vij.  
 g lib.iiij.de ge-  
 neratione ani-  
 malium.  
 h l.in lib.de ci-  
 uitate.

### Medietatem.

Sanè cùm hinc inde rationes sunt æquales,  
 tum est optimum sequi mediã viam. At-  
 que ita Paulus i scribit sese multis in cau-  
 sis fecisse, sed si maior ratio in alteram par-  
 tium nos rapiat, erimus in eam propensio-  
 res, vt etiam Paulus k & Iustinianus l im-  
 perator voluere: Et profectò semper tutis-  
 simum fuit, sequi maiorem partem, ex eo e-  
 nim quòd maximas partes continet, latissi-  
 meque funditur, tota res appellatur, dici-  
 mus aliquem (inquit m Cicero) hilarè vi-  
 uere, igitur si semel tristis effectus est, hila-  
 ra vita amissa est? At hoc in eo M. Crasso  
 (quem semel in vita ait risisse Lucilius) nõ  
 contigit, vt ea re minus agelastus vocare-  
 tur. Polycratem n Samium felicem appel-  
 lant, quòd nihil acciderat ei quod nollet, ni-  
 si quòd annulum quo delectabatur, in ma-

i L. Filio vel ser-  
 uo. ff. vt leg. no.  
 cau.

k L. Nefennius  
 ff. de neg. gest.

l Tit. quib<sup>9</sup> ex  
 cau. ma. non li-  
 cet. §. fi.

m Cic. v. de fi-  
 nibus, & v. Tu-  
 scul.

n Vide Hero-  
 do. lib. iij. & Va-  
 lerium lib. vj.

## LEODEG. A QVERCV

re abiecerat. Ergo infelix vna molestia: felix rursus, cum is ipse annulus in praeordiis piscis inuentus est. Ille verò si insipiens, quòd certè quoniam tyrannus, nunquam beatus. Si sapiens ne tum quidem miser, quum ab Aronte pratore Darij, in crucem actus est.

Non raro.

<sup>a</sup> L. Vtrum ita.  
ff. de re. dubiis.

Caius <sup>a</sup> tamen ait oppositum, scilicet esse portentosum si tres nascantur.

Tergemini.

<sup>b</sup> L. Ter enixa.  
ff. de verb. sign.

Si tergemini nascantur, tum mulier ter enixa videri <sup>b</sup> potest, nihilque refert diuersis temporibus, an vno vtero tres peperit,

<sup>c</sup> L. Arethusa.  
ff. de stat. ho.

cum enim non eodem nixu plures infantes nascantur, sed <sup>c</sup> vnus post alium, proprietates verbi hanc interpretationem necessario recipit, quæ autem privilegia concessa sint mulieri quæ tergeminos edidisset, tradunt Eusebius & Tranquillus.

Quartam.

Libens intelligerem cur quartam dūtaxat partem, & non totum assem soli iam nato concesserint iurisconsulti? An quòd quarta certò ei debeatur? At vt ex lege d sequenti liquet, refundet eam si plures, quàm d I. et si. ff. cod. tres nascantur: An quòd ad eam non spectet? At si pauciores nati fuerint, residuum ei pro rata accrescet, si nulli, totus as eius erit. Aut cur (vt voluisse videtur Iulianus) non assignarunt sextam partem? quoniam quinque nasci possunt, authore Aristotele, cum mulierum Vulvæ tot habeant receptacula, vt refert e Iulianus. At cre- e L. si pater. ff. do datam quartam ob incertitudinem nascendorum. Rursum non datam sextam de sol. & lib. ob infrequentiam quinque partium vno vtero.

Ait Theophrastus.

Sumptum est f hoc ex lib. Teophrasti de le f L. iura constitui, & l. nam ad gibur, qui temporis iniuria perierunt. Porro ea. ff. de leg. & eadem sententia Theophrasti bis repetita est sena. initio libri primi Pædectarum, & quam g L. ea quæ. ff. vsurpauit Iulianus hisce verbis. Ea quæ ra de re. iur. rò accidunt non temere in agendis negotiis



## LEODEG. A QVERCV

computantur. Itaque Solon (vt refert Cice  
<sup>a</sup> Cic.in orat. ro) <sup>a</sup> nullum supplicium constituit in eum  
<sup>p</sup> Rosc. Amer. qui parentem necasset: quia neminem id fa-  
 cturum putauerat. Sed de communiter con-  
 tingentibus tulit ne tam prohibere, quàm  
 monere videretur.

### Nomothetæ.

Huc spectat dictum Theophrasti, vt intel-  
 ligamus rarissimos casus, & impossibilibus  
 similes, qui vel semel, vel infrequentissimè  
 fiunt <sup>b</sup> non considerari: vna enim hirundo  
 non facit ver, sed eos considerari qui licet  
 rarò fiant, non tamen admodum rarò fiunt.  
<sup>b</sup> In auth. vt sine prohi.mat. Porro nomothetæ hîc accipi debent nō pro  
 s. quia verò, & Lex hic. ff. de ll. iurisconsultis, sed pro his qui principaliter  
 & senat. & l. ea quæ. ff. de reg. iur. & l. iura, & leges promulgant, quales apud nos sunt, Cor-  
 l. nam ad. ff. de nelius Sylla, qui legem Corneliam tulit, Iu-  
 ll. & sen. lius, qui Iuliam, Pompeius, qui Pompeiam:  
 Apud Græcos Lycurgus, Minos, Solon, dra-  
 co: Nam iurisconsulti nō sunt nomothetæ,  
 sed legum interpretes.

## PERORATIO.

Fateor esse pauciora quàm debuerè, & peiora  
 quàm tibi ista gravitate viro nuncupari de-  
 buerint. Pluribus verò vti non licuit, quod ab  
 aliis iam essent præcepta. Quòd si in his meis  
 velut spicilegiis parum sit bonæ frugis, Sanè  
 multum est animi boni.

Deo gloria & gratia.

k iij

LEODEG. A QVERCV

# Altera præfatio, qua

LEODEGARIVS A QVER-

cu vsus est, cum iterum publicè profi-

teretur apud Lutetiam in-

stitutiones ciui-

les.



Onstitutum apud me fue-  
rat ( auditores ) cum ad  
vmbilicum duxissem ci-  
uiles institutiones nunquã  
publicè interpretandas su-  
scipere, nõ quòd inde me-  
diocrem professor laudẽ,  
aut auditor modicam frugẽ colligeret, sed quòd  
eandem assiduè incudem tundere, videatur es-  
se hominis qui vnã cantilenam norit: Neque  
tam sit miser apud inferos Ixion quum se sequi-  
turque fugitque, quàm ridiculus apud Lutetiã  
professor, cuius labor actus in orbem: Sed quum  
in mentem subisset, nõquam satis doceri, quod  
nunquam satis discitur, quumque adulescentes  
aliquot nobiles, quibus mea ( vt fingeant ) do-  
cẽdi perspicuitas probabatur, sæpius à me con-  
tendissent, vt priuatim iuris elementa trade-

rem, neque vellem in paucos multas vigilias transfundere, tandem eò sum adductus, ut iterum vias quæ ad legum peritiam ferrent, palàm monstrarem, sequutus exemplum Hipparchi, qui quum eadē crebro theorematata suis ciuibus inculcasset, idem columnas in singulis Urbis triuiis erexit, quibus inscriberet, quæ iā sæpius docuerat. Itaque quis tandem (si de rebus rectè iudicat) illud mihi vitio verterit quod Hipparcho laudi datur? Nisi forsā Hipparchi syderalem disciplinam (qua facile careamus) anteponat iurissapientiæ, quam ad salutem ciuium, ciuitatumque incolumitatem, vitamque hominum & tranquillam & beatam inuentam esse Cicero scribit: quam igitur scire fructuosum, eam docere quis inutile censuerit? Si veteri prouerbio monemur repetendum bis ac ter quod pulchrum sit, quis ita delicatus ut molestè ferat iterari legalem Isagogem, quæ quia pulcherrima decies repetita placebit? Ut enim eiusdē amasiæ conspectus frequēs, venerios oblectat, sic disciplinæ, quæ præ cæteris amari debet, nulla capit satietas: Nam & quæ iam didicerunt studiosi, iucundè recordantur, & quæ principio nō intellexerūt, post assequuntur, & quæ sunt obliti, refigunt a-

leriter traduntur, nihilo plus profunt, quàm  
 pharmaca quæ interius non insistant: quæ au-  
 tem tardè, necant tædio: Itaque si inter utrū-  
 que volem medio gratissimus ibo, & vestris  
 commodis inservire, quàm maximè, iudicabor.  
 Cæterum iuris sacrum limen ingressurus ad-  
 dubito, Vtrum ab illius encomio principium  
 mihi sumendum sit, an statim quod instat a-  
 gendum. nam si commendem, dicetis idem mi-  
 hi quod olim Antalcidas sophistæ cuidam lau-  
 danti Herculem, quid tu rem effers laudibus  
 quam nemo vituperat. Sim à laude tēperem,  
 mirabimini esse me in ea re pigrum, in qua Ci-  
 ceronem adeò diligentem videtis: qui neque  
 naturalis, neque pontificij, neque civilis iuris  
 præcepta tribus dialogis ante attigit, quàm am-  
 pliissimas cuiusque laudes: Et me vt parum in  
 iure versatum ridebitis, qui ne illud quidem  
 animaduerterim quod principio Pandectarū  
 Caius ad hunc modum: Si, inquit, in foro cau-  
 sas dicentibus nefas esse videtur, nulla præfa-  
 tione iudicij rem exponere, quantò magis in-  
 terpretationem promittentibus inconueniens  
 erit omiſsis initiis quasi illotis manibus protin-  
 nus materiam interpretationis tractare? Nam  
 (nisi fallor) ipsa præfationes & libentius nos.

## LEODEG. A QVERCV

ad lectionem propositæ rei perducunt, & cum  
 eò venerimus eius, euidentiore præstant in-  
 tellectum, &c. Hæc ita verè Caius, vt omnes  
 in suam sententiam quasi bubalos naso trahat:  
 cum reliquis igitur sequar ne trahentem? face-  
 rem libens, si humana mea industria, rei tam  
 diuinæ posset vlla ex parte respōdere: sed Mer-  
 curium esse oporteat, qui celebrandæ iurispru-  
 dentia par esse possit, quum inter reliquas ar-  
 tes obtineat principatum, siue enim illius or-  
 tum spectes, senior est quàm ætas populorum,  
 & ciuitatum: siue dignitatem, sic illa magi-  
 stratibus præest, vt magistratus populo: siue  
 vtilitatem sine illa, nec domus vlla, nec ciui-  
 tas, nec gens, nec hominum vniuersum genus  
 stare, nec rerum natura omnis, nec ipse mun-  
 dus potest. Itaque aliæ artes obiter & in trans-  
 cursu, hæc seriò & semper discenda: aliæ lin-  
 guam poliunt, hæc mores cōponit, aliæ num-  
 mos comparant, hæc cum nummis gloriam, a-  
 liarum theatrum est suggestus, huius est curiæ  
 tribunal: aliæ sunt tanquam gradus, hæc ip-  
 sum fastigium: in aliis sentes, in hac rosæ, in a-  
 liis vmbra, in hac lux & veritas: aliarum sco-  
 pus est placere, huius, prodesse. aliæ ab aliis e-  
 mendicant, hæc suis contenta est opibus: vt



enim vna, omnium loco sumatur in exemplum eloquentia, si tu eloquentiæ perito sustuleris grammaticorum figuras, dialecticorum enthymemata, poetarum fabulas, philosophorum sententias, tragædorum vocem, histrionum gestus, & id genus cætera quæ ab omnibus mutuatur, spectabis magno cum risu Horatianam corniculam furtiuis nudam coloribus. At nemo est hominum qui à iuris sapientia iustitiam repetat, quod eius sit propria. Huius igitur studium qui non laudat, quid habet quod laudare possit? qui vituperat, nonne ornamentum patriæ pulcherrimum vituperat? Qua enim re tam illustres fuerunt Athenienses & Romani, quam iure? qua (contra) re tam similes brutorum Sauromatæ & Barbari, quam quod iure non vterentur,

Si colitur pax, atque fides, victoria, virtus,  
 Quæque salutato crepitat concordia nido,  
 Quis est qui non nunc mecum numen iuris adoret  
 cernuus? & supplex aris imponat honorem?  
 Præsertim cum nusquam pax & concordia  
 reperiatur ubi iuri non sit locus? Si iucunda  
 vxor, si suauis liberi, si grati propinqui, si optati  
 honores, si cupitæ opes, si patria dulcis, cur non  
 sit dulcissimum ius sine quo nihil horum tene-



*hac in parte vñ esse possit, equidem vt totus impendatur omni mea cura, opera, diligentia providebo.*

D I X I,

Deo gloria, & gratia.

LEODEG. A QVERCV  
Leodegarii à Quer-  
CV ALIQVOT EPI-  
grammata.

NVPTIAE CARMEN IN GRA-  
tiam Nicolai Hennequini iunioris.

SI quod coniugium cœptum duce & auspice Christo,  
Si quod diuinis exiit auguriis,  
Si Fortunatum, si Faustum, si Hercule dextro,  
Si felix, si omni denique parte decens,  
Tale tuum nobis (uir suspiciende) putatur:  
Aut etiam reliquis omine dexterius:  
En immortales superi tibi ab aethere plaudunt,  
En tibi de terris gens moritura fauet:  
Omnes certatim contendunt uiribus, ut te  
Officiis possint, demeruisse suis:  
En Venus uxorem largitur, qua nihil usquam  
Pulchrius (& quod amas) castius & melius.  
En iucundus Hymen thalamis felicibus instat,  
En nymphae spargunt lilia, flora rosas:  
En Charites rident, en Musæ carmina dicunt,  
En suauem pulsat lætus Apollo chelym:  
En Satyri saliunt, se Fauni quercubus ornant,  
En Dryades cingunt fronde uirente comas,  
En affert Diana feras, en Pallas oliuam:  
Grana Ceres, Bacchus nectar, & ambrosiam:

Sylvanus bacchas, calamos Pan, flumina Tethys,  
Neptunus pisces, mel Rhea, Plutus opes.  
Lætitiæ Genius, Parca annos, Aeolus auram,  
Iuno domos, Morpheus somnia, prætata Pales,  
Consilium Confusus, fructus Pomona, iuventam  
Hebe, Mercurius uerba, Cupido sales:  
Ecce tibi Ianus nectit cum coniuge pacem,  
Et dat perpetuo fœdere posse frui:  
Ecce tibi noctem producit iam Hesperus, & tu  
Cum dulci Alcmena Iuppiter alter eris,  
Ecce tibi præsto soboli Lucina creanda  
Ne genus hoc uestrum nobile dispareat,  
Ecce grauem influxum cohibet Saturnus, ut uxor  
Imbre Iouis fiat fertilis ut Danaë.  
O quales abs te sperat Respublica natos,  
Qui te tam uultu quàm meritis referent?  
Si patrum in pueros abeunt cum semine mores,  
Nascentur ne Numæ? tu quia Pompilius?  
Si uerum dicunt, fortes à fortibus esse,  
Et nasci ingenuos non nisi ab ingenuis,  
Sanè Thelemachos fortes generabis ab ista  
Penelope, qua non ulla mage ingenua,  
Quam tu es sortitus fatali munere diuum,  
Hoc ideo quod te coniuge digna fuit:  
Aut potius quod tu tam casta coniuge dignus,  
Solutus cœlesti munere perfrueris:  
Qua causa populus, procures, & curia, sumpsit  
Nunc festos habitus, purpureasque togas.  
Nunc passim auditur dulcissima musica, passim  
Cymbala cum cytharis, tympana cum lituis:  
Nunc tuus ille pater senio, confectus & annis,  
Cuius iamque pedem cymba Charontis habet,

# Epitaphium Fran-

CISCI VALESII GAL.

Regis optimi.

**A**strologi memorant, subito fulgere cometam  
 Sanguineum cum rex optimus emoritur.  
 Mortuus est nuper regum sanctissimus, et non  
 Vllus in aëria parte cometa fuit.  
 Ergo habitum falso sanctum dicas, uel habendum  
 Falsum, quod uerum fertur ab astrologis:  
 Falleris: emicuit, sed præfulgore polorum  
 Non poterat cerni: tam micuere poli.  
 Sicut enim terris luctus, tenebraeque uigebant,  
 Sic fuit in caelo maxima latititia:  
 Terra dolebat ob id quod sancto rege careret,  
 Caelum gaudebat principe rege frui.

Epitaphium Alani Huilletij legum profes-  
 soris Tolosani.

Postquam Mercurij sydus fatale disertis,  
 Hoc anno uires duriter exeruit:  
 Parisiis omnes doctos occidit ad unum,  
 Quorum præ reliquis inclyta fama fuit.  
 Inde Tolosanos omnes ut perderet, unum  
 Huilletium doctis omnibus eripuit.  
 His, illisque fuit iactura grauißima, sed par:  
 Huilletius si par omnibus unus erat.

# LEODEG. A QVERCV

Epitaphium Petri Bunelli.

Iliacos post heroës, Priamum:que peremptum,  
Inclytus Aeneas uenit in Italiam:  
Prouida spondebant sedes ibi fata quietas,  
Et Troiæ regnum deuò constitui,  
Pollicitis seruata fides, latioque potitur,  
Sed prius afficitur cladibus innumeris,  
Sic quoque Bunellus Francisco rege perempto  
Nobilibusque uiris, ibat in Italiam,  
Vt post tot casus, post tot discrimina rerum,  
Tandem fas esset posse quiete frui.  
Fit compos uoti, Ausonios peruenit ad agros,  
Et felix fati sorte quietus agit.

## Elegia de obitu Iac.

T V S A N I.

**F**leuerunt Daphnim nymphæ, pecudesq; feraq;  
 Fleuerunt meritò, flendus & ille fuit.

Nanque suis decori uixit, ceu uitibus uua,  
 Ceu gregibus tauri, ceu seges omnis agro.

Post ubi sat paut letos armenta per agros,  
 Existens pulchro pulchrior usque grege,  
 Morte suos liquit, sui eum liquere uicissim,  
 Nec spes huic ab eis, spes nec eis ab eo.

**Q**uandoquidè tumulus qui corpus Daphnis habebat,  
 Eius habet famam, quæ ut caro computruit.

At si Tusanum fieri cum Daphnide fas sit  
 (Qui cunctis rebus Daphnide maior erat)

Non modò deflerent nymphæ, pecudesq; feraq;  
 Omnis & umbrosus ales in arboribus,

Non modò cum fluuiis pisces, cum margine stagna,  
 Cum musco fontes, cum scrobe gleba uetus,

Non modò cum specubus lapides, & marmora dura,  
 Si quid & in terris marmore durius est,

Denique mortalem mortalia non modò flerent,  
 Sed superi: si fas flere foret superis.

Porro autem quid habet Tusanus flebile? nomen?  
 Nomen ei maius post fera fata datum.

Quod si sarcophago concludere fata cupissent,  
 Sarcophago totus non satis orbis erat.

Flebilis esse potest ætas? quasi nulla putetur?  
 Annis plenus erat, plenus ut arte graui.

Atropos in senium seruasset, at ipsa senectus  
Plena malis duris, durior est obitu.

# LEODEG. A QVERCV

Mors semel interimit, crebrò longæua senectus,  
 Mors finit morbos, curua senectæ parit:  
 Mors est principium uitæ, mors meta laborum,  
 Mors animum soluit carcere, uita ligat.  
 Mors homines omnes contentos reddit abundè,  
 Vota explere uirum uita caduca nèquit.  
 Forſitan obuias quoddùm mors plurima præſtet  
 Commoda, Tuſanum fecerit eſſe nihil.  
 Imò de nihilo heroem, ut tellure relicta  
 Felix in cœlos ſcanderet ætherios:  
 Hic ubi ſub pedibus nubes, & ſydera cernit:  
 Hic ubi cælicolas cum Ioue rege uidet:  
 Hic ubi ſumptorum merces datur ampla laborum,  
 Hic ubi uirtutis præmia iuſta capit:  
 Nec prius hinc abiit quàm nobis proforet abſeſ  
 Quantum dum præſens corpore profuerat,  
 Ingenij facunda ſui monimenta reliquit,  
 Qualia non priſcis cognita temporibus.  
 His nos inſtituit, (ſed muta uoce) magiſtris,  
 Hi uice ſunt eius: commodiore uia:  
 Nam dum Pariſiis legeret, uix hora legenti  
 Fluxit, ne ſociis muneris eſſet obex:  
 Nunc uerò ſcriptis libris legit omnibus horis,  
 Siue dies faſtus, ſiue neſaſtus eat.  
 Inſuper hæredem doctriinæ cum ſibi ſenſit  
 Tornebum, hæredem fecit & hunc cathedræ.  
 Gratus uterque ſuis, quoniam perdoctus uterque:  
 Dignus & hic cathedra, dignus & ille fuit;  
 Illo iactura nullus grauiore periſſet  
 Iacturam ſciret ni hic reparare grauem.  
 Viuit in hoc, ueluti uirgultis planta renaſcens,  
 Floret in hoc tanquam laurus odora comis.



Elete ergo Daphim nymphæ, pecudesque fereque,  
Nemo Tusanum defleat indigetem.

Ad 10. Fournium.

Dum flerem proceres linguæ modò morte peremptos,  
Fleuissẽm Vatablum, si modò flere satis,  
Nam iactura fuit grauior caruisse Vatablo,  
Quàm doctis, quos me flere dolenter, ais.  
Sed quoties uolui flendo describere luctum,  
Tum Vatabli nimius me dolor impediit,  
Sic etenim dolui, sic fletibus ora rigaui,  
Vt minimum abfuerit quin fierem Niobe:  
Quapropter feci quod nobilis ille Thimantes,  
Velaui luctum, pingere quem nequĩ.

LEODEG. A QVERCV  
Epitaphium Caroli  
VALESI DVCIS AVRELIAE.

Loquuntur Vita, & Mors.

M. Vita, quid hoc sibi uult quòd cum sit luctus ubique  
Cum planctu, & gemitu, tu nihil ipsa, gemas?  
V. Quid gernerè? M. Quòd sit sublatus Carolus: V. unde  
Auita: V. est uitæ redditus imò suæ.  
M. Hunc ego num nuper crudeli morte peremi?  
V. Non: M. uolui: V. est aliud uelle id, & efficere.  
M. Viuit adhuc? V. uiuit, melius quàm uixerit antè:  
M. Cum quo? V. cum Christo, cumquæ diis reliquis.  
M. Eripui saltem corpus mortale, & honores,  
Cum auro, cum argento, cum patre, cum patria.  
V. Falleris: hæc eadem multò meliora dedisti,  
Tantum abes, ut quicquam morte tua abstuleris:  
Versabatur in hac lachrymarum ualle misellus,  
Nunc autem cælum pro patria obtinuit.  
Pro patre rege, deum regem, regumquæ magistrum,  
Pro claro argento, sydera clara poli.  
Olim hominum conuictor erat, conuiuia deorum  
Nunc est, ac fruitur nectare & ambrosia.  
Quin ut humo granum frumenti si putrefactum est,  
Tum demum exsurgit cum uiridi stipula,  
Sic caro cum fuerit tumulis putrefacta, resurget  
Fulgidior longè quàm iubar ætherium.  
Ergo mihi seruas ô mors quos perdere credis,  
Ac illis prodes queis nocuisse putas.

M. Cur igitur plorat tam tristis Gallia? V. nempe  
 Quod tu illi abstuleris Carolum ut illum habeam,  
 Hoc ægrè posthac caritura est Gallia, quo fit  
 Eius ut ex oculo riuus utroque fluat.  
 Carolus author erat firmandi fœderis inter  
 Galliam, & Hesperiam, quod nequit esse ratum:  
 Carolus Italix partem quæ est debita Gallis,  
 Imò adeò totam redderet Italiam.  
 Nec solum regni fines scruare paterni,  
 Sed potuit bellax amplificare patri.  
 Nam licet esset adhuc ætate tenellus ephebus,  
 Iam tamen æquabat mente, manuque senes:  
 Ac qualis Græcis quondam generosus Achilles,  
 Qualis Troianus Dardanus Hector erat  
 Qualis Romanis inuictus Scipio, talis  
 Aut maior tribus his Carolus unus erat,  
 Vt mirum non sit, si tantum Gallia ploret,  
 Quæ tantum tanto perdidit orba duce.  
 Quanquam non orba est quæ permutasse uidetur  
 Mortalem diuo: M. diuus an ille modò?  
 V. Est: & commodius poterit præstare iuuamen  
 E cælo, quàm si Gallia haberet cum.  
 Gallia speret in hunc, spes non est uana futura.  
 Iuuat homo, diuus nonne iuuare potest?  
 Hercle potest, & uult, sed posse & uelle, ualebunt:  
 Ergo tuum diuum Gallia læta cole.

LEODEG. A QVERCV  
Deploratio abitus

IO. CORRASI IVRISC.

Tolosani, à Valentinis  
euocati.

Loquuntur Hospes & Cuius.

- H. Vnde hominū grauiū redeūt tot millia? C. ab aula  
Iuris ciuilis: H. qua ratione gemunt?  
C. Nimirum quoniam uerbis lachrymantibus, illic  
Corrasum audierant dicere triste uale.  
H. Cur linquit patriam? C. à patria quia linquitur ipse:  
H. Fortè quòd in patria nemo propheta: C. puto.  
H. Quàm bene de patria merit⁹? C. q̄ q̄ optimè: H. at idē  
Quæ data pro meritis præmia? C. nulla quidem.  
H. Ingrata est aduersus eum. C. ast huic gratia tanta,  
Quanta Themistocli uix fuit eximio.  
H. Ergo Themistoclem ueluti sua patria spreuit,  
Sic sua Corrasum læua Tolosa facit.  
C. Inconsultè: etenim est sensura Tolosa carendo  
Quàm Corrasus erat frugifer, atque uigil.  
H. Percipiet, si Corrasus corraserit omnes.  
C. Corradet doctos, turba manebit iners.  
H. Tum uerò patria hunc precio, precib⁹que uocabit,  
Utque Themistocles in patriam adueniet.  
C. Quid si noluerit? H. Fleſſetur amore suorum:  
C. Nemo suorum eius flexus amore fuit.  
H. Attamen est durum patriaque, suisque carere:  
C. Durius est multò destitui à patria.

- Nectam demiror si Ithacam dilexit Vlysses,  
 Quàm quòd Corrasum patria non redamet.  
 Nam si Ithacam quondam pulchrè decorauit Vlysses  
 Corrasus decorat pulchrius hanc patriam.
- H. Si fumus patriæ est alieno clarior igne,  
 Si patria immemores non sinit esse sui:  
 Nónne remigrabit Corrasus? C. Mehercule nunquam.
- H. Cur? C. quoniam omne solum patria magnanimo.
- H. Debemus permulta loco quo nascimur: C. esto:  
 Sed nasci modicum est si esuriamus ibi.
- H. Ergo Valentia erit Corraso patria posthac:  
 Dans mercem, uestes, ligna, alimenta, domum.
- C. Patria erit melior quam sit Germana Tolosa,  
 Quæ nil Corraso peruigili exhibuit.
- H. Interea fiet studiū iactura Tolosæ:  
 C. Cur studiosi hominis non studiosa fuit?
- H. Nónne satis studium compensat gloria? C. partim:  
 Sed decet adiungi gloriæ opes aliquas.
- H. Quid si sufficeret studio sua gloria? C. sanè  
 Corraso studio gloria sufficeret:
- Vt tamen omnino detur quod sufficit illi,  
 Cum summis opibus gloria summa fiet.

Diuinissimus omnium sophorum  
 Qui sunt, qui que fuere, iudicatur  
 Nobis esse Plato: Plato inquam amator  
 Summus rhetorices, tamen pœsis  
 Osor ualdè: ut hic exigi poëtas  
 A præstantibus urbibus iuberet,  
 Quòd multa edoceant mali poëta  
 Impura, insipida, impudica, inepta;  
 Quæ reddunt animos salaciores:  
 Hoc nimirum agitant mali poëta.  
 Sed tantò optimus omnium poëta  
 Vixit Pythagoras Samon uenustans,  
 Quanto olim optimus omnium sophorum  
 A doctis habitus Plato: Plato autem  
 contentus rigida fuit sophia.  
 Verùm Pythagoras sophus, sophie  
 Iunxit phæbicolam, & sacram poësim,  
 Omnibus numeris ita absolutam,  
 Ut nil addere, nilque demere illi  
 Possis, ni tu adimas uetustioris  
 Paganismi aliquem improbatum amorem.

In fragmentum libri primi Acad.

Quæst. Cic.

Cur tu (candide lector) infrequenter  
 Voluis frugiferum hunc breuem libellum?  
 An quòd dimidiatus, & lacer sit?  
 Tantum dimidiatam ad umbilicum  
 Depinxit Venerem colore Apelles,  
 Maioris tamen æstimamus illam,  
 Quàm omnes illius integras tabellas.  
 Tu sanè in similem modum æstimare

## LEODEG. A QVERCV

Debes particulam brevis libelli  
Pluris, quàm facias probè integellos.  
Nam miram inuenies profunditatem  
Rerum, si modo delphicus natator  
Contingas, lege, lectio iuuabit:  
Gemma prætenuēs ita eliguntur.

### In Dialogos Cic. de Legibus.

Vis ius pontificum, naturæ, ciuium, ad unguem  
Noscere? fac noscas hoc Ciceronis opus.  
Nam ius pontificum, naturæ, ciuium, ab illo  
Percipies, sic ut non aliunde magis.  
Nanq; docet quicquid scripsit Plato, Phyllo, Lycurgus,  
Eudoxus, Mneson, Pyttacus, Androdamus.  
Ergo uis cunctos ediscere? tu hoc opus unum  
Discito: cunctorum scilicet instar erit.

### In Dialogos Ciceronis de natura deorum.

Prudenter monuit Plato in Cratyllo,  
Vt perquam timidè, & piè, & pudenter,  
Disceptatio de deo inferatur.  
Altum nam sapere haud oportet unquam  
Ne si tu Thaëtonis, Icarie  
Ausus pertemerarios sequaris,  
Illorum patiaris & ruinas.  
Vole ergo reuerenter hos libellos,  
Ac si quando modestus extitisti,  
Hic maiore modestia proberis.  
Præsertim quia more Christiano  
Paganus Cicero loqui recuset.



In opusculum de optimo genere oratorum, ad discipulos suos.

Musarum, & Charitum beati alumni,  
 Qui contenditis omnibus lacertis  
 Aptè dicere, & atticè, libellum  
 Hunc euoluite sedulò, docebit  
 Quem uos quæritis impigrè Atticismum:  
 Vt Demosthenis in modum queatis  
 Delectare, docere, permouere,  
 Cum quadam lepida palæstra, & arte,  
 Qua semper tenui in negotio, uos  
 Sitis prætenues, in arduo alti,  
 In stante inter utrunque temperati.  
 Nimirum uariare sic solebat  
 Ipse (olim) atticus omnium atticorum  
 Flos, quo Palladias negant Athenas  
 (Dum starent) magis Atticas fuisse.

In flores epigrammatum à uariis collectorum, ad lectorem:

Euoluens epigrammaton libellos  
 Omnes qui in precio putantur esse,  
 Spinofos ita sensi, ut absque spinis,  
 Non possit rosa colligi: Ac ob illud  
 Sum sectatus Hymeticas apes, quæ  
 Ex plantariolis suis, bonum mel  
 Fingunt. Quippe ego reddidi ex cynadibus  
 Puros Pausanias tibi legendos.

LEODEG. A QVERCV

Ad eundem, de eisdem.

Si sentes odio tibi sunt, si displicet asper  
Carduus, aut lolium, uel sine fruge filix  
En pro sente thymus: pro uili carduo, acanthos:  
Pro lolio, baccar: pro filice, ambrosia.

Ad eundem, de eisdem.

Si quis es impurus Corydon, cui gratus Alexis:  
Si quis es Alcides, qui tibi quæris Hylam:  
Verte alio pathicos nultus, hic nullus Alexis  
Cernetur, nullus conspicietur Hylas.  
Sed tibi Bellerophon purus, pro lubrico Alexi  
Succurret: uice Hylæ castulus Hyppolitus.

Ad Philip. Lenuncurtium.

Sunt tria quæ prorsus faciunt nos esse beatos,  
Commoda fortunæ, corporis, ingenij.  
His supra cunctos cum sis cumulatus abundè,  
Sors supra cunctos una beata tibi.

Ad dominum Tisserium.

Non debet cuiquam res hæc miranda uideri,  
Si tu sis magno corpore progenitus.  
Non poterat natura tuas includere dotes  
Ingenij tantas corpore prætenui.

De cuiusdam conuiuio.

Quatuor omnino rebus conuiuia magna  
 Laudantur, sicut Gellius enumerat:  
 Cum sunt conuiuia belli, bellus locus, esca  
 Bella, dies bellus quum sine nube nitet.  
 Quatuor hæc hodie tibi sunt uir suscipiende,  
 Debentur siquidem quatuor ista tibi:  
 Sunt tibi conuiuia belli, bellus locus, esca  
 Bella, dies bellus, qui sine nube nitet.  
 Plaudimus ergo tibi, cui iucundè omnia plaudunt,  
 Conuiuioque tuis omnia læta damus.

De Castellano.

Pallada Phydiam celeberrima in arce locarunt  
 Cecropida, quod erat credita digna coli  
 Sed Castellatum te Pallas in arce locauit,  
 Quod sis Palladio dignus honore coli.

De eodem.

Si mera nobilitas hæc est quæ moribus ornat  
 Mentem, tu fulges nobilitate mera:  
 Tantò etenim tua mens cunctis superueminet una  
 Quanto aquila inter aues altius ire solet.

De Abbate diui Pauli.

Quàm bene candidulo præsul uestiris amictu,  
 Quàm malè uestitu contegerere nigro:

*Ad Maludanum, dum ruri esset.*

Te recreant in agris gemmæ cum uitis, at me  
 Bacchus in urbe magis suauiter exhilarat.  
 Dat tibi rus salices, fagos, laurósque, pyrósque,  
 Urbs mihi pro arboribus suggerit ampla sophos:  
 In sylua cantus uolucrum te mulcet: in urbe  
 Dulce melos Phœbi Mercuriûque placet,  
 Quare delitias urbis iam præfero ruri,  
 Ac urbem sicut maxima Pallas amo.  
 Sed ni restituant te nobis herbida rura,  
 Rura ego Palladii urbibus anteferam.

*Ad Simonem Guisc. prouint. Minorum.*

Maxima nullus agit nisi sit uir maximus, at tu  
 Maxima semper agis, maximus ergo uir es.  
 Et tamen in minimis habitas, minimusque uocaris,  
 Contentus minimo, si nihil est minimum:  
 Nempe modestus homo tanto minor est sibi, quanto  
 Maior, magnorum creditur arbitrio.

*Ad eundem.*

Si quis agendo nihil, malè agit: pugnantia eodẽ  
 Tempore molitur, nil aliquidque simul.

*Ad eundem.*

Qui Iouis est, adamat quæ sunt Iouis: es Iouis ergo,  
 Nanque colis quercum quæ Iouis Aetherei est.

## LEODEG. A QVERCV

Io. Maludano.

Quem nuper scripsi librum si magnus Apollo  
Laudasset, laus hæc esset honorifica:  
Sed quum tu laudas, (qui maior Apolline uiuis)  
Maior Apollinea laus tua (crede mihi) est.  
Quin adeò si Mercurius cum Pallade laudet,  
Huius & illius laus minor hercle tua.  
Ergo trium diuùm si das suffragia solus,  
Soli debebo plus tibi quàm tribus his.

Eidem.

Mitte Minervales quas tu promittis oliuas,  
Vt soluas quam uult docta Minerva fidem.

Eidem.

Quàm te Pallas amat, quàm Pallada diligis, à qua  
Tantus oliuarum proueniat cumulus.  
Quàm te quercus amat, quàm quercum diligis, ad quã  
Totus oliuarum mittitur hîc cumulus.  
Heracle rependisset munus, glandesque dedisset  
Si tibi Palladio glandibus esset opus.  
Sed glans debetur porcis, ut oliua disertis,  
Ergo (diserte) tibi glans malè missa foret,  
Qua causa dulces pro glandibus accipe ficus:  
Ficus Palladium sicut oliua decet.

Eidem.

Cur mihi plus rerum donasti quàm tibi serues

*Quòd me plus quàm te diligis, atque colis.*

*Eidem de uersibus cum sale niueo misiss.*

*Cum sale uersiculos misisti plus sale salsos,  
Et mihi candidulos, & mihi dulciculos  
Sal grauis ob molem, uersus ob sensa, sed ille  
Duntaxat grauis est, hi in grauitate leues,  
Aetas longa salem poterit consumere totum,  
Aetatem poterunt uincere uersiculi,  
Non igitur tanti quòd longa etate peribit,  
Quanti quod poterit uiuere perpetuo.*

*Henrico Mesmio.*

*Fronte, genis, oculis, naso, mentoq; labroq;  
Plus similis patris es, quàm pater ipse sui.  
Sed magis huncce refers animo, uirtute, sophia,  
Moribus ingenio, dexteritate, fide.  
Commune hoc tibi cum paucis, cum pluribus illud:  
Hoc perraro, illud fit prope quotidie.  
Naturæ debes illud totum, tibi uero  
Hoc: illud fluxum est: ast erit hoc proprium.*

*Io. Maludano.*

*Me quòd auere iubes, iubeo te rite ualere:  
Si tu rite uales, me sat auere puta.*

*Ad quendam.*

*Quòd Iani tibi nil dedi Calendis.*

DE LEODEG. A QVERCV

In promptu ratio est, ego uidebam  
 Ianum iam faciem suam bifrontem,  
 Hoc est præterita rei & futura  
 Summam notitiam dedisse deno:  
 Quo quid splendidius queas precari?  
 Sanè uersiculos libens dedissem  
 Ni me mittere noctuas Athenas  
 Scissem. muneribusque temperaui  
 Quòd quum munera diuiti feruntur  
 Tum sunt tendiculæ dolosæ, & hami,  
 Ut plus accipiatur à potente,  
 Quàm dono sit ei datum: modo autem  
 Quum quid præteritis dabo Calendis  
 Nemo me (puto) fœnerare dicet,  
 Quare caseolos rudēsque uersus  
 Mitto: non equidem ut negotiator,  
 Sed queis testificer fidelem amorem,  
 Nouis quod facerem dolo Calendis.

De Natali Phil. Lenuncurij Abb. Espernaici.

Huc musæ, charites, sales, lepores,  
 Risus, lætitiæ, ioci, cachinni,  
 Huc inquam omne genus facetiarum,  
 Nam summum decus elegantiarum  
 Lenuncurius hoc die celebrat  
 Natalem niueo lapillo: abite  
 Curæ, sollicitudines, dolores,  
 Et quicquid grauium molestiarum est,  
 Ut lux hæc sine nube transigatur,  
 Qua lux unica nata Galliarum.



# Sequitur nostra a- DOLESCENTIA.

*Lepidum pediculosi responsum.*

*Quæsitum à quodam, cùm multa animalia haberet,  
Cur non esset ei copia maior opum.  
Tunc ita respondit, quoniam hæc animalia, quanvis  
Gratis uendantur, sumere nemo uolet.*

*Subfannatoris iocus.*

*Subfannator ab hinc tribus diebus  
Vrbem (causa animi) perambulabat,  
Ac cernens aliquos in otio esse,  
Dixit, si cupitis nouum uidere  
Spectaclum, comitamini me euntem:  
Tandem duxit in ultimum locum urbis,  
Quo cum languiduli fame, appulissent,  
In uos conspiciate, inquit, & nouam rem,  
Cernetis: siquidem noui estis omnes.*

*De diuite indocto.*

*Quidam aliquem uidit uestitum splendido amictu,  
Sed penitus nudum dotibus ingenij.  
Tunc ait ô hominis bellam statuam, ast utinam esset  
Tam bella interius quàm patet exterius.*

*De rustico.*

## LEODEG. A QVERCV.

De rustico.

Nuper rurestris (cui nomen Ludio) uidit  
Plantas, plantarum semine progenitas.  
Tum secum tacitè dixit, plantabo ne pannum?  
Vt cras nascatur uestis opima mihi?

De Martino & eius uxore.

Vxor Martini sic pedere sæpe solebat,  
Vt nunquam somnum carperet ille toro.  
Tandem pertasus fastidia dura puella,  
Huius stertentis minxit in interulam.  
Somno experrecta inquirat cur meiat, at ille  
Respondet, uentos paruulo ab imbre abigi.

De iisdem.

Huic catus adpositus fuerat leporis uice, & edit  
Donec latrantem pelleret esuriem.  
Qua fraude audita, uxori cœnare uolenti  
Pro cerua, mulam rancidulam adposuit.

De stulto.

Stultus cùm peregrè uellet proficiscier, inquit  
Illi cui horologij credita cura fuit,  
Tardato horologij cursum, ut reuolare priusquam  
Noctescat possim, longa terenda uia est.

De eodem.

Huius culcitram catulus macularat oleto.  
Vesicaque simul reddiderat lotium.

Proh scelus (exclamat) crudeli morte piandum,  
 Pol, tu quamprimum carcere clausus eris.  
 Tunc uinctum catulum claudit penuario, ut illic  
 Escarum longam sufferat esuriam.  
 Verum caseolos, & carnis frustra uorauit:  
 O circumspecta calliditate uirum.

De pastore procliui in gulam?  
 Pastorem dominus semel notabat  
 Quid (plusquam sat erat) gula studeret.  
 Cui pastor, domine (inquit) hic meus grex  
 Sumit continuo cibum, nec illi  
 Exprobras: an ouis pusilla debet  
 Maiori spatio uorare quam uir?

De Rurestri qui uites radicitus amputa-  
 uit ut fierent feraciores.

Ex nostratibus unus amputabat  
 Sarmenta (ut facere assolent coloni  
 Ne substantia uitis ebibatur)  
 Quem cum conspiceret colonus alter  
 Extremè fatuus, statim parauit  
 Falcem, & funditus hac ferè amputauit  
 Vites, ut fierent feraciores.

Ad imperitissimum medicum.

Si celebrem famam meruit uiolentus Achilles,  
 Quod fecit multos succubuisse neci.  
 Fama tibi multò danda est illustrior: ut qui

LEODEG. *A QVERCV*  
Plus hominum facias (his medicando) mori.

Aliud ad eundem.

Consilio, ac armis multorum adiutus Achilles,  
In bello fudit millia multa virum.  
Tu sine consilio, nullis adiutus & armis,  
Interimis: uirtus maior Achille tua est.

Ad eundem.

Pelides gladio necabat hostem:  
Hoc solis agis herbulis: an ergo  
Non tu illustrior es potente Achille?

De Petrulo.

Calceolos domini puris mundauerat undis  
Petrulus, expurgans undique sorditiem.  
Quos herus ut uidit tulit indignanter, & inquit:  
Nunquam illos mundes flumine, uerum adipe:  
Hoc mandatum animo fixit sic firmiter, ut mox  
Et domini interulam lauerit ipse adipe

De eodem.

Ridiculus mos est dum romanalia neuistri  
Concelebrant, laruas figere in imbritiis.  
Quas si rusticuli tentent fortasse uidere,  
Clamant rauletos (nomine barbarico.)  
Petrulus hoc lusu motus, fecit sibi laruam  
De domini cultu, ut comptior illa foret.

Ast herus ignorans facti, cū cerneret illam,  
Extimuit, credens esse se in imbritio.  
Tunc illis qui aderant dixit, uos obsecro ferte  
Ferte citi auxilium: pendeo in imbritio.

De lurcone auaro.

Lurco erat immodice uini sitibundus at idem  
Auri, ac argenti, Sobrius immodice.  
Qui dum sentiret grande a se expendere uino.  
Constituit nunquam meiere, ne biberet.  
Tandem in uesica lotium computruit, inde  
Amisit uitam, cū retineret opes.

De fure pastore qui furti pœnas luit.

Quidam dux ouium calceolos habens  
Pertusa solca, contulit in forum  
Se, & furto corium cum pice sustulit  
In saccum lacerum quem dum humero adderet,  
Pix quæ lubrica erat corruit illico  
Per dorsum miseri: & fluxit in infimas  
Partes corporeas, quas pudor occulit:  
Illic tam rigidè, tamque diu hæsitans,  
Ut nix undecima luce cacauerit:  
Sic impunè malum non faciunt mali.

De lurcone sexagenario.

Olim quærebam à quodam lurcone, quot annos  
Natus erat, quoniam certum erat esse senem.  
Respondens, annum solū sum natus, at annus

## LEODEG. A QVERCV

Hic, iam multoties est iteratus, ait.

De eodem.

Illum ego cum à senio uellem laudare, petiuit,  
Sum ne ego (qui primum dentio) sum ne senex?

De ebrio seruo in cuius os equus cacauit.

Seruus, mirificè satis cibatus,  
Disquirens thalamum suum ut cubaret,  
Intrauit stabulum: ac ibi supinus  
Somnum carpsit hianti naso, & ore:  
Mox uentrem exonerat caballus, ac os  
Et nasum miseri repleuit: unde  
Indignatus, ait: satis comedi,  
Quid das ulterius mihi? cui amarum est  
Quicquid porrigitur: uide uomo illud:

Lucij agrotantis facetissimum factum.

Lucius exoptans uentrem mollire: cucurrit  
Ad medicum, ut posset reddere uentris onus.  
Cui medicus duo dat laxantia pharmaca, quorum  
Vnum bucca, aliud podice perbiberet.  
Que capit & portat: sed dictorum immemor, hausit  
Illud bucca, quod podice debuerat.  
Qua causa factum est ut bucca & podice, pene  
Sexagenorum corbium olea daret.

De Lucia eius filia.

Nata eius maior natu cui Lucia nomen,

Cuidā uendebat mēspila cruda uiro.  
 Ac ut ei melius laudaret mēspila, dixit  
 Molliā sunt plusquam stercora, gustā, & eme.

De somniatore qui oletum reddidit lecto.

Fusca nocte aliquis ruscio somnians,  
 Credebat se in agris tres cumulos opum  
 Effodisse, & ait: stercoribus tribus  
 Signabo, ut melius comperiam locum.  
 Quod fit, terque cacat, sed miser exēitus  
 Prima luce, toro quo recubans erat.  
 Inuenit uice opum uilia stercora,

Nix fabro. S.

Viue, Vale, Salue, faber ornatissime fabrum,  
 Qui desiderij blanda Cupido mei es.  
 Scripta ego misissem (quanuis non cogis) at hercle  
 Malo meum corpus mittere, si ipse uoles.  
 Si ipse uoles tamen ut mittatur scriptio, mittam  
 Scriptio si fuerit corpore grata magis.  
 Sed mihi candidulum corpus si noueris esse,  
 Scriptio uillescet, corpus habere uoles.  
 Quandoquidem cum sis mirus candoris amator  
 Hic tibi gratus erit qui mihi candor inest.  
 Cuius si quod opus fuerit potes (ut lubet) uti  
 Verum candoris (sat scio) tu sat habes.  
 Vale.

Quæstionum prima, ad quendam qui insipientis  
 & sapientis personam gessit.



## LEODEG. A QVERCV

Tu qui olim sapiens, uerum ex sapiente repente  
Factus es infrontitus morio, & inspiens.  
Dic, an qui sapiunt uita meliore fruuntur,  
Quam facit infrontitus morio, & inspiens?

### Quæstio secunda.

Gryllus cum ex homine in suem, fuisset  
Transformatus ab herbulis malignæ  
Circes, cur speciem suis tam amauit,  
Ut tunc maluerit manere sus, quàm  
Vir rursus fieri? an ne (quæso) forsan  
Quod uiuunt melius sues? minúsque  
Peccant, quàm faciant uiri? hercle opinor.

### Quæstio tertia.

Marcus cerdo domunculam extruebat,  
Quæ demit miscro exeunti ocellum.  
Quæro ergo an ne domunculam hanc, uocemus  
Recte dômoculam? nam ocellum ademitt.

### Quæstio quarta.

Fur mane ingrediens domum coloni  
Cuiusdam, rapuit meri quaternos  
Scyphos, nec satis hoc ei sed armum  
Veruecis simul abstulit latenter:  
Tandem cum proficiscitur per agros,  
Inuenit rapidum lupum, qui ademitt  
Vitam cum mero, & armo: id ergo quæro

An non restituenda sunt ea illi?

Quæstio quinta, de Sciolo.  
Ipse loquitur.

Soli me uincunt homines doctrina: ego uinco  
Solum doctrina cetera bruta soli  
Quis me igitur scitum, doctumque negauerit esse?  
Cum maiora uiris plurima bruta fient?

Idem de seipso argumentatur.

Heus uos, est cerebrum mihi per æquè  
Magnum, ut quinque ouibus simul repostis,  
Nec quit uerbula quinque continere.  
Sed multos hominum disertiorum  
Vidi qui cerebro minus capaci  
Sunt quam sola ouis, ergo confitendum est  
Illud, quod minus est capacitate,  
Multo grandius est magis capaci.

Seria.

Stephano Rufo.

Tunc bene conueniunt rebus sua nomina, quando  
Res ipsæ ex ipso nomine nomen habent,  
Vnde fit ut Stephanus rectè uociteris, ob id quod  
Inter Christilogos ruffa corona sis.

Ro. Botherelio.

Cum sis alter ego, & sum alter tu, si tibi mittam

Cudis, ob id superas Dedalum, ut ille alios.

Eidem.

Nos fabricando sumus fabri: qui tempore in omni

Fabricat, hic tandem fit faber egregius.

Sed si ipsis fabris operosa industria tantum

Famæ addit, quantum temporis extat opus,

Fama tua insignis tam multos stabit in annos

Vt nullo seculo possit habere modum.

Nempe tuas statuas nunquam Iouis ira, uel ignes,

Vel tempus, uel edax ulla senectâ teret,

Ad G. Villicum.

Villice uis dicam? uis dicam, uillice? cur tu

Ad tui amorem omnes tam faciliè allicias?

Scitus es, urbanus, facilis, studiosus, amœnus,

Tanquam musarum circuecris in gremio.

Quisnam igitur musas tantum odit uillice, quem tu

Ad tui amorem arctum non faciliè allicias?

Cuidam.

Crudeles furias leniuit Thracius orpheus,

Et mulsit stygiæ cantibus ora canis:

Attraxit secum fluuios, syluâsque, ferâsque,

Reddidit odrisia mollia saxa chely.

Ille sed ingenium mulieris reddere molle

Nec cantu potuit: dulcis onâue lyra.

Nempe adeo durum gerit in ceruice cerebrum,

Vt tanta non sint duritie lapides.

## LEODEG. A QVERCV

*Verum abs te hac in re superatur Thracius orpheus,  
Qui sermone domas fœmineum ingenium.*

Adr. Tornebo.

*Vt teneras segetes refouet nix fusa per agros,  
Vt fimus abiecto stercore nutrit humum,  
Vt somni, atque dapes, hominum corpuscula pascunt,  
Ars tua sic animos recreat, & reficit.*

Io. Hamelio.

*Hameli mihi charior lapillus  
Quos rubrum pelagus tegit sub unda  
Dignare huc propero uenire cursu,  
Natalem celebros die hoc meum: Cui  
Si tu defueris, nigro lapillo,  
Nigris ominibus, notaque nigra,  
Nigricantibus omnibus notabo:  
Qua causa rogo, si me amas, ueni: nam  
Lux hæc non sine nube transigetur,  
Ni fiat salibus tuis serena.*

Christus Christianum consolatur.

*An metuis fili? fili an trepidas? ego sanè  
Plus timeo tibi quam tu tibi forte times?*

Aduocatum habemus apud deum, Iesum.

Cùm sis patronus coram patre (dulcis Iesu)

*Quomodo nostra hominum causa perire potest?*

*De gravitate peccati.*

*Quid gravius ferro? ferro quid durius usquam?  
Peccatum tamen est durius, & gravius.*

*Lachryma.*

*Vt cito restinguit flammæ fluuiatilis unda,  
Iratum placat sic lacryma una deum.*

*N. Lepori.*

*Non lepus imò lepos fueras uocitandus, ob id quod  
Tu magis es lepidus quàm siet ipse lepos.*

# Epitaphium Io. Fa-

BRI PER DIALOGISMVM

*interloquutoribus Parisino*

*& Nornano.*

*P. Cui⁹ ibi tumulus? N. Fabri, P. quis cōdidit? N. Orphe⁹  
P. Quo comitante? N. Lino. P. quanā ope? N. Mercurij:  
P. Quæ sunt custodes? N. charites. P. quid delitet intus?  
N. nil. P. ubinam corpus? N. Calliope eripuit.*

## LEODEG. A QUERCU

- P. Quonā? N. in prædulcē Parnasū. P. cur ita? N. Apollo  
Sordebat musis, est modo Apollo Faber.
- P. Spiritus eius ubi est? N. In cælo P. nomen? N. in orbe.
- P. Cur non hoc tumulo clauditur? N. hercle nequit.
- P. At cur tā madida est tumuli huius terra? N. q̄ urbe  
Ac orbe excessit collachrymante Faber.
- P. Hiccine amabatur tā arctē? N. sic me hercule. P. quare  
N. Quod summa ante alios integritate fuit.
- P. Qui uerō exequias celebrarunt hæc? N. Minerua,  
Nymphæ, munditiæ, delitiæ, ueneres:
- P. Quando mortuus est? N. nunquam, sed uiuere cœpit  
Quando mori est uisus, mors ita uita fuit.
- P. Ergo si uiuit cur fletur? N. nempe quod absit:
- P. Absenti præsens tu potes esse prece.  
Quare tu ac quiuis Fabri amator, qui modò præses  
Absentī esse cupis, sancta precare Fabro.

### N. Regio.

Regie uis dicam cur hoc cognomine dignus  
Dicaris? quoniam tu omnia regia habes.

Regius est animus, mens regia, regia forma,  
Regius est sermo, regium & ingenium,

Regius incessus, maiestas regia, mores  
Regij, & in toto regius ore decor,

Ac ut perstringam paucis mi Regie, regis  
Omnia habes, regis Regie tu omnia habes.

Quod si fortē foret nobis opulentia Cræsi,  
Cræsi diuitiis regia sceptrā darem  
Sed mihi nil aliud superest quod tradere possim,  
Quam ex nostra quercu quernæ sceptrā tibi.

*Quæ si non renuas, tua tanta modestia aperte  
Monstrabit quàm sis indole regifica*

*De Minerva.*

*Cur genita ex cerebro Iouis ingeniosa Minerva?  
Quod cerebro uacuis nemo disertus erit.*

*In uoluptatem.*

*Si tanto nobis opere est inuisa uoluptas  
Si nos ærumnis opprimit innumeris,  
Si miseros, si infelices, si reddit egenos,  
Si fœdis porcis nos facit esse pares,  
Si (quod præ reliquis est formidabile) pellit  
In phlegetontæ tetra baratra dei,  
Cur illam colimus? cur toto pectore amamus?  
Cur sequimur? stultum id, cum nocumenta ferat.  
Præterea brevis est & lubrica, labitur hora  
Momento, cursu præterit illa nothum:  
Ergo sit à nobis procul empta dolore uoluptas:  
Multum aloes, mellis continet illa parum.*

*VERSA EX GRÆCIS, ET  
carmine composita per Leodega-  
rium à Quercu.*

*Ex Nicandro.*

*Nectere heri laqueum cupiens Dinarchus auarus,  
Glauce ob sex obolos nectere deservit.*



## LEODEG. A QVERCV

Sex obolis laqueus constabat, sex dare nolens

Quærit mortem aliam, ut uilius intreat:

O grauem auaritiâ, qui morte perire uolebat.

Glauce ob sex obolos morte perire times.

Incerti authoris.

Natorum curæ ingentes ceu uita sinistra

Contingat, ceu etiam dextera & incolumis.

Sed curæ uxorû grauior, nanque bonarum

Delicium exiguum est, uita malarum ea mors.

Incerti authoris.

Quædam anus exitium uini, cum aliquando doleret:

Diuino fecit talia uota Ioui:

Si phlegetontiacæ ardorem uitauero febris,

In centum soles ros mihi potus erit:

Postquam autem euasit morbi surperabile fatum:

Luce eadem tales est fabricata dolos.

Arripuit cribrum pertusum & uidit apertè

Tot soles quot erat pollicitata Ioui.

Nichomachi.

Tres graciles modò certabant molimine summo

Inter eos esset quis magis exiguus.

Inter quos Hermon celebrem prætexit artem

Cùm transmisit acum, linea fila trahens:

Demas deinde hæsit progressus aranea in una,

Quem nens suspendit paruus araneolus.  
Sospiter uerò exclamat mihi danda corona est,  
Si uideor uincor, spiritus ecce ego sum.

Ex Lucilio.

Hermocrates moriens, rutili cupidissimus auri,  
Hæredem sese scripserat in tabulis:  
Enumerans autem in lecto quantum dare oportet  
Pro medicorum opera si auxilientur ei,  
Præterea numerans sumptus quos fecerat ager  
Incepit tandem collachrymare dolens,  
Quos ne ut adangeret, medicis si solueret unam  
Drachmam ut succurrant, maluit ipse mori:  
Sarcophago impositus naulum pro merce charontis  
Solum habet, hæredes cuncta bona accipiunt.

Incerti.

Heraclete gemas priscis uehementius annis  
Nam præsens ætas est miserabilior.  
Plûsque ô Democrite irride quàm irriseris olim  
Magnum ctenim risum uita hodierna petit.  
Vestrum ego contemplans utrunque, excogito quidnam  
Subsannem cum uno, aut quid cum alio lachrymer.  
Scena & ludicrum omnis uita: aut ludere disce  
Seria contemnens, aut tolerato malum.

Lucilij.

Si celer æquè esset pes ut manus ipsa Dioni,

Hoc ipsum credens (alcime) prætenue:  
 Si uerò Diophrantus ea ipsa ætate fuisset,  
 Qui minimis atomis est minor & leuior.  
 Ex Diophanto Epicurus mundum hunc esse putasset,  
 Aut cuncta ex Atomis, ex Diophanto Atomos.

Ammiani.

Tu citius coruos albos, cocleamque uolucrem,  
 Inuenias quàm aptum rhetora cappadocem.

Antipatri.

Cursu Arias celerem testatur Persea, qui te,  
 Condidit, ò magna urbs Tarse Cilissa Asiæ.  
 Nam ut celeres plantæ Persei, celeres quoque plantæ,  
 Nati Ariæ, quo non tam Citus ipse pater.  
 Cū uel carceribus, uel summo in limite meta,  
 Sit uisus semper non medio in stadio.

Poliani.

Qui multum æris habes, cur nullum æs sit tibi, discæ,  
 In fœnus tradis, tu æs & habes nec habes.

Aliter.

Æs uir habens, cur nil habeas intellige, tradis,  
 Fœnori, ita æs aliis sufficis, ipse cares.

Incerti.

LEODEG. A QVERCV

*Sterrens in somnis Demetrius, Artemidoram  
Pratenuem eiecit stertitione domo.*

*Imitatio cuiusdam Græci.*

*Laurus ego fugiens lectum Phæbi unius olim,  
Nunc non unius lectulus efficior.*

*Demodoci in cappadoces.*

*Vipera cappadocem malè sana momordit, at ipsa,  
Gustato periit sanguine cappadocis.*

*Imitatio, ex Lucilio.*

*Maiori in furca socium pendere uidebat,  
Liuidulus Diophon tabuit inde miser.*

*Leonidæ.*

*Nicticorax cantat lethaliter, ast ubi cantat,  
Demophilus, moritur carmine nicticorax.*

*Leonidæ.*

*Musicus occidit uicinos Similus omnes.  
Origene excepto, dum malè nocte canit.  
Origenem surdum natura creauerat, obque id  
illi pro auditu commoda uita data est.*

Lucilij.

Furum ostensore Phæbum clam sumpserat olim,  
 Euthicides, dicens ne memorato precor.  
 Artem articonfer, manibûsque oracula, uatem,  
 Furi, diuinum sorte uirum Eutichidi.  
 Venditus at uerò ut fueris tunc protinus effert.  
 Emptori de me qualiacunque uoles.

Incerti.

Omnia te oderunt feritate simillime brutis,  
 Hinc tibi ubique parat mors fera tendiculas.  
 Nanque super terram si fugeris, hic lupus anget,  
 Si super arbustum, te premet aspis atrox.  
 Sin adeas Nilum instabit crocodilus, acerba  
 Bellua contra homines qui nimis impie agunt.

Ammiani.

Paruum macronem sopitum æstate retraxit,  
 In caua paruus mus hunc pede corripit.  
 Qui quum experrectus murem iugulasset in antrò  
 Exclamat diuos, alterum hic Herculem habet.

Lucilij.

Perleuis est Gaius, qui cum urinaret in undis,  
 Appendit plumbum & grandia saxa pedi.

Archæ.

## LEODEG. A QVERCV

Ille ego quem trepidum nequii disperdere bellum,  
Opprimor à morbo qui mihi militia est.  
Vulnificet ergo ensis pectus mihi triste penetra,  
Vt pellam morbum nunc quasi militiam.

Incerti.

Quidam aliquando ignoranter de palmite uitis,  
Vnam uiniferam ut manderet exsecuit.  
Cuius amaritie offensus, proiecit ut esset,  
Sub pedibus tanquam futile quisquilium,  
Huic ignaro utinam infestus sit Bacchus, ut olim  
Ante lycurgo, is enim latitiam exsecuit:  
Latitiam inquam excrescentem, quæ fortè bibentes,  
Fecisset canere, & pellere cordolium.

Incerti.

Fœmina seu casta est, seu mœcha, ut scribit Homerus,  
Est generi humano plurima perniciēs.  
Sicut enim ex Helena fluxisse homicidia certum est,  
Sic ex Penelope, mors data multa uiris.  
Ilias ergo Helenes unius nomine scripta est,  
Cæserum Odyssea est nomine Penelopes.

Parmenionis.

Mutatores illum terra pelagique uiarum,  
Nautam telluris, tum pelagi peditem,  
Sustinuit spartæ Mars ter centum acribus hastis,

Vos ergo ô montes, túque timeſce mare.

Pallada.

Ab Ioue pro igne alius datus ignis, fœmina adurens,  
Atque utinam haud eſſent fœmina & ignis edax.  
Ipſe quidem ſagrans ſubito reſtingitur ignis,  
Ardor inextinctus fœmina, & ignis edax.

Imitatio.

Hæc duo calfaciunt uehementer, fœmina & ignis,  
Fœmina calda tamen calfacit igne magis.  
Cumque ignem modici reſtingant fluminis undæ,  
Reſtingui nescit fœmina ab oceano.

Ad Angelum Congnetium.

Cur uites potius quàm oleas diſponis in agris?  
Plus olei abſumens, quàm (uigilando) meri?  
Si tu Palladius, tibi Palladis arbor habenda,  
Bacchi, uinoſis uinea danda uiris.

Ad Dionysium Riant.

Si fontes, fluuij, fœræ, paludes,  
Montes, robora, ſunt ſequuta quondam  
Vocem mellifluam canentis Orphei,  
Permirum: ſed enim magis ſuperem  
Ni te ſua uiloquus ſequatur Orpheus,  
Quem dulci eloquio ter anteuertis.



# LEODEG. A QVERCV

*Ad pios manes Pauli Paradisi profes-  
soris (nuper) Regij.*

*Insignis (Paradise Paule) splendor  
Musarum, charitumque, qui peristi  
Tota flente Lutetia, ast Olympo  
Applaudente, ubi nunc sedes quietus,  
Descende huc iterum, tui precantur:  
Nam postquam inuida fara te tulerunt,  
Nemo substitui tibi meretur.  
Hac ergo ratione nunc necesse est,  
Ut sis supposititius tibi ipsi.*

FINIS.

*Ad Lectorem.*

*Horarum omnium homo, leuibus leuis esse laborat.  
Ergo caue his leuibus ne uidere grauis.*

